




of 1840 - 1841









Assistentia Germaniae
Εἰκὼν βασιλική. *S. J.*

VEL

Imago Regis
CAROLI.

In illis suis
ÆRUMNIS
ET
SOLITUDINE.

Rom. 8.

Plus quàm victor &c.

Bona Agere & mala Pati Re-
gium est.



HAGÆ-COMITIS
Ex Officina Samuelis Broun, Bibliopola
Anglici. MDCXLIX.





*Serenissimo & Potentissimo
Monarchæ*

C A R O L O

S E C U N D O,

*Dei Gratia Magnæ Britannicæ
Franciæ & Hiberniæ Regi,
Fidei Defensori, &c.*

Serenissime R E X



*Rodeat jam sub
Tuis Auspiciis Il-
la Patris Tui Glo-
riosissimi Imago,
Illa quâ magis ad
Dei similitudinem
quam quâ Rex aut Homo accedit.
A prode-*

*prodeat verò eo colore peregrino,
quo facta omnibus conspectior fiat
publica. Ita enim Tu voluisti, ut
ſc. Linguâ omnium cõmmuni Orbi
traderem, in quâ utinam fælicio-
rem Tibi operam navare licuiſſet,
ut illam Nativam Elegantiam,
illam Vim verborum & Lumina,
illam admirabilem ſermonis ſtruc-
turam exprimerem. Quod cùm
fieri (fortaſſe nec à peritiſſimis)
à me certe non poſſit, præſtat
interim ut cum aliqua venuſtatis
injuria magnam partem Europæ
alloquatur, quàm intra paucos
ſuæ Gentis clauſa apud cæteros
omnes conticeſcat. Sunt enim hîc
velut quædam Dei Magnalia quæ
ſpargi expedit humano generi, &
in omnium linguis exaudiri: Id
pro mea facultate curavi, ut ſi non
ſenſa Tanti Authoris ornatè, at
perſpicuè & fidè traderem, imo
nec*

nec ab ipsa dictione & phrasi (quantum Latini idiomatis ratio permittit) vel minimum recederem. Sacri enim Codicis Religiosum esse decet Interpretem. Et certe proximè ab illo sacro & adorando Codice (qui in has comparationes non cadit) spero non me audacem futurum si dixerò nullum inter cæteros mortalium , vel Authore vel argumento illustriorem , vel , in quo viva magis Pietas & eximie Christiana spiratur.

Habet verò sanctitas Regia nescio quid ex fortunæ suæ Majestate sublimius quiddam & augustius , & quæ imperium magis obtinet in mentes hominum , & reverentiâ majore excipitur : quare & his maximè instrumentis usus est Deus qui illam partem sacræ paginæ ad solennem Dei cultum pertinentem , Psalmos scilicet , & Hymnos , cæteraque

*ejusmodi perpetuis Ecclesiæ vñibus
inservitura, transmitterent homi-
nibus & Authoritatem quandam
conciliarent. Quid quòd libentius
etiam arripiunt homines sic obje-
ctam & traditam pietatam. Quod
& Libro huic evēnit, & erit ma-
gis eventurum, quòd iam multò dif-
fusior plures suò capaces invenerit.*

*Magnum erat profecto sic medi-
tari sic scribere; multo majus sic
vivere, sic mori: ut sit hæc penè
nimia dictu pietas exemplo il-
lius superata. Scit hæc illa Orbis
Pars miserrima jam & contami-
natissima. Utinam hanc maturius
intellexissent virtutem, quam jam
serò laudant & admirantur amis-
sam, nec illa opus fuisset dirâ for-
nace quâ tam eximia Regis pietas
exploraretur, ex quâ nos tantum
miseri facti sumus, ille omnium
fælicissimus: Cujus illa pars vitæ
novissima*

novissima & ærumnosissima & supremus dies (in quo Hominibus & Angelis spectaculum factus stetit animo excelso & interrito, summum Fidei, Constantiæ, Patientiæ exemplar, superior Malis suis, & tota simul congesta inferni malitiâ) omnes omnium Triumphos & quicquid est humanæ Gloriæ superavit. Nihil egistis O quot estis hominum ! (sed nolo Libro sanctissimo quicquam tetrius præfari, nec quos ille inter preces nominat, maledicere) nihil (inquam) egistis hoc parricidio, nisi quod famam illius & immortalitatem cum æterno vestro probro & scelere coniunxistis. Nemo unquam ab orbe condito tot veris omnium lachrymis, tot sinceris laudibus celebratus est. Nulli unquam Principum in secundis agenti illos fictos plausus vel Metus dedit, vel Adulatio vendidit, quàm

hîo verissimos expressere Fuga, Carcer, Theatrum & illa. omnium funestissima Securis , quâ obstupescit Hostes moriens , & cæsus triumphavit.

Tu interim (Rex Augustissime) vera & viva Patris Effigies (cujus inter summas erat fœlicitates humanas & in adversis solatium Te genuisse ; in quo superstite mori non potest) inflammæris maxime hoc mortis illius exemplo non tam in vindictæ cupidinem (in quem alii te extimulent, non Ego) quam in Heroicæ Virtutis & Constantiæ zelum: Hanc veroprimum adeas (quam nulla vis tibi invito eripiet) Hæreditariam Pietatem ; & quo es in tuos omnes affectu maxime Philostorgo, hunc librū eodem tecum Genitore satum amplectere ; Dic sapientiæ soror mea es, & prudentiam affinem voca ; hanc tu consule

*sule, hanc frequens meditare, hanc
imbibe penitus & in Animam tuam
transfunde. Vides in Te omni-
um coniectos oculos, in Te omni-
um Bonorum spes sitas, ex Te om-
nium vitas pendere, quas jamdiu
multi tædio projecissent, nisi ut
essent quas tibi impenderent. Mag-
num onus incumbit, magna urget
procella, magna expectatio, Major
omnium quam quæ unquam supe-
rius, Virtutum necessitas: An sit
Regnum amplius in Britannia
futurum, an Religio, an Homi-
nes, an Deus, ex tuâ Virtute,
Tuâ Fortunâ dependet, Immo, sola
potius ex Deo Fortuna: cujus opem
quo magis hîc necessariam agnoscis,
præsentaneam requiris, eò magis ma-
gisque (quod jam facis) omni pie-
tatis officio promerearis; & illa quæ
in Te largè sparsit Bonitatis, Pru-
dentia, Temperantia, Justitia,
&*

*Et omnis Regie Virtutis semina
foveas, augeas, Et in fructum ma-
tures, ut tibi Deus placatus Et pro-
pitius quod detraxit Patri Tuo
felicitatis humanae, Tibi adjiciat,
Et omnes illius ærumnas condu-
plicatis in te beneficiis compenset,
Et appelleris Ille Restaurator,
quem te unice optant omnes Et spe-
rant futurum, Et ardentissimis pre-
cibus expetit*

Majestatis Tuæ humillimus de-
votissimusque subditus &
facellanus

JO: EARLES.



SYLLABUS CAPITUM.

1. **D**E *indictione Parlamenti*
Mandato Regis. Pag. 1.
2. *De morte Comitis Straffordiae.*
5.
3. *De ingressu Regis in Confes-*
sium Inferiorem. 11.
4. *De Insolentia Tumultuum.* 15.
5. *De lege Triennalis Parlamen-*
ti, & continuatione illius po-
stea durante utriusque Domus
placito. 23
- 6 *De recessu Regis à Westmon-*
asterio. 31
7. *De Reginae discessu, & extra*
Angliam absentia. 38
8. *De Exclusionem Regis ad Hul-*
lam

Syllabus Capitem.

Iam urbem, & Hothamiorum
fatis. 43

9. De Exercitibus conscriptis, &
contra Regem levatis. 49

10. De Regio Armorum Thesau-
ro, Munimentis, Classe, &
Militia, à Parlamento occupa-
tis. 62

11. De XIX. Propositionibus
cum primum Regi exhiberen-
tur, & iis quæ deinceps. 70

12. De Rebellionem Hibernica. 84

13. De Scotis in Angliam evo-
catis, & eorum Adventu. 94

14. De Foedere. 105

15. De Suspicionibus & Probris
in Regem jactis, quo Popu-
lum in illum concitarent. 118

16. De Decreto Parlamentario con-
tra Liturgiam Anglicanam,
seu Librum Precum Solenni-
um. 136

17. De

Syllabus Caputum.

17. *De controversiis inter Regem
& utramque Domum Parlamenti
in Disciplina Ecclesiastica.* 146
18. *De Tractatu Vxbrigenfi, &
Conditionibus à Rege latis.* 165
19. *De vario Bellisuccessu, Vic-
toriiis & Cladibus.* 170
20. *De Reformationibus Tempo-
rum.* 180
21. *De Epistolis Regiis intercep-
tis, & evulgatis.* 189
22. *Cum abiret Rex ab Oxonio
& se ad Scotos reciperet.* 196
23. *Cum Scoti Regem Anglis tra-
derent, & de Custodiâ Holm-
bejana.* 200
24. *Cum Regi sui Sacellani in-
terdicerentur.* 205
25. *Meditationes Pœnitentiales &
Vota in Solitudine Holmbe-
jana.* 217
26. *Cum Rex in Holmbeja in-
terci-*


Syllabus Capitem.

*terciperetur , & quæ inde di-
stractiones in Vtraque Domo,
Exercitu & Vrbe consecutæ. 222*

27. Ad Principem Walliæ. 230

*28. Meditationes de Morte , post-
quam Domus utraq; denunciaf-
set, nil amplius cum Rege Trac-
tandum, & de Arctiori ejus Cuf-
todia in Arce Carisbrokiana.*

238



I. De indictione Parlamenti, ab ipso Rege.

Proxima hæc Comitia indixi non aliorum magis suasu, & rerum mearum necessitate, quam meo proprio judicio, & sponte adductus, ut qui semper existimaverim Parla-
menta ritè habita, tum Coronæ meæ salu-
berrima, tum in Populum gratissima. Et licet
haud excidisset animo, quas scintillas olim in
his Conventibus nonnullorum intemperies,
suscitaverat, (quos propterea, ut eas restingue-
rem, per hos aliquot annos intermisi) tamen
cùm certo jam apud me statuissem, æquis om-
nium & sobriis desideriis satisfacere, & si qua
essent in Regno vel Ecclesia *publica Gravami-
na*, levare, sperabam hoc candore animi mei,
& illorum æquitate conspirante, occurri posse
omnibus incommodis, quæ ex errore nostri
mutuo, oriri potuissent. Quanquam enim illud
subvereretur, vix vitari etiamnum posse affectus
quorundam & præjudicia, quæ rebus aliquanto
officerent, tamen integrum meipsum custodire

certus

certus haud dubitabam rationum pondere, quicquid in lance adversa factiosum, deprimer e.

Permolestum erat sane audire, quibus Partium studiis & Populari Impetu *Deputatorum* Electiones agebantur, sperans tamen gravitate & prudentiâ Optimæ Partis, temperari posse cæterorum fervorem; zelumque quanquam Boni animi, tamen promptum nimis ire præcipitem, restrictum fore & *præfinitum* iis limitibus, quæ conservandæ, & sanandæ Reipublicæ utilissime inserviret, nemini magis quam mihi *Conventus* erat iste optabilis. Conscius nempe integri cordis mei, affectusque in populi bonum & iusta desideria, propensissimi, oblectabar hâc maximè fiduciâ firmam postea inter nos concordiam & nexum nasciturum.

Enimvero remotis suspicionibus, è re mea erat maximè, & liberorum meorum, ut amorem & comoda populi mei omni modo procurare, & tueri contenderem. Quæ mihi unica videtur in hoc mundo restare felicitas, ad quam Iusti Monarchæ adspiret ambitio; in qua Honos scilicet Illius & Salus proximè à Deo consistit. Nec difficulter admodum passurus eram, minui in quibusdam *Prærogativam* meam, cùm tantillâ jacturâ subditorum affectibus pensata, nihil perderem.

• Demereri quidem decreveram, non amicos meos solum, sed inimicos quoq;: superatis eorum desideriis qui factiosissimè in me animabantur,

banur, modo æquum quid petere & modera-
tum simularent.

Iras vero & odia, quæ *Asperitas* quorundam
aut *Remissio*, in Civili & Ecclesiastica admini-
stratione, in Regimen nostrum derivaverat, iis
volui legibus expiare, & in futurum provisio-
nibus, quæ non solum secus admitta corrigere-
rent, sed imperfectius instituta, si quid man-
cum esset, supplerent. Nemini enim mortali-
um concedo, ut majori me zelo agatur ad
stabiliendam Religionem, Veritatemque illius
& Ordinem, & Unitatem conservandam, gna-
rus scilicet, nullas *Civilium Dissensionum* faces
perniciosius jactâri, quam quæ privatis Factioni-
bus Religionem prætextunt.

Constitueram vero, quæ plenâ & liberâ
consultatione in Parlamento adhibitâ, mani-
feste explorarentur perperam fieri, reforma-
re: iis vero omnibus, quorum Conscientia
mea & Ratio æquitati suffragabatur, rogationi-
bus annuere. Atque utinam intra hos me li-
mites tenuissem, nec judicium meum passus
fuissem in quibusdam rebus, Importunitate
aliorum potius, quam argumentis obrui. Haud
prodidissem me hâc fiduciâ eorum insidiis,
quibus diu ansam in me quærentibus, vires
tantum hætenus, & occasio ad nocendum de-
fuerant.

Sed maturis jam factis peccatis nostris, ob-
standum non erat amplius Divinæ Iustitiæ, quo-
minus Gloriam illam suam ex adversis nostris
repeteret, quâ illum in secundis fraudavimus.

*Tu enim Domine satis clare demonstrasti fove-
re Reformationis consilia, non semper Iustitiæ
tuæ satisfacere, nec prius delictorum ultionem
obstruere.*

*Oppresserunt spes nostras peccata nostra; Tu nos
docuisti, Domine, veniam à tua Misericordia, spe-
rare, non ex nostro emendandi Proposito.*

*Cum vindicaveris Gloriam tuam Iudiciis tuis,
simulque ostenderis, quo periculo tibi displicemus,
placandi in posterum fiducia: restituet ut speramus
Misericordia tua illas Benedictiones, quas tam pra-
vè abutentibus abstulisti.*

*Quia non maturè satis piguit de peccatis nostris,
fecisti, ut jam pigeat de remediis immaturis.*

*Non tamen me pœnitet hunc Convantum indi-
xisse, quia feci Domine recto corde, ad Gloriam
tuam præcipuè & salutem populi attento.*

*Quæ consecutæ sunt calamitates in me & Re-
gna mea, tuæ sunt in nos Iracundiæ effectus ju-
stissimi, qui tamen demum dispensante ita tuâ mi-
sericordiâ, proficere nobis possunt in futuram be-
nedictionem, & meliores in fruendo nobis animos
præstare.*

*Interim Domine, quanquam plurimis nos so-
latis destituëris, dones tamen mihi & populo meo
beneficium afflictionum & castigationis tuæ, ut non
virga tua minus quàm baculo confortemur: jam
non plagæ hostiles erunt, sed paterna verbera, cum
illa affectus nostros humilitate indueris, eum mo-
dum patientiæ, quæ pœnitentes filios deceat, simul
dederis.*

*Nulla erit causa cur pœniteat malorum, quæ ex
huc*

hoc Parlamento fluxerunt, cum per illa me & populum meum ad sinceram penitentiam perduxeris.

Potior infinitis modis, cum per passionibus nostris gratia tua, quam pax peccantibus.

O tu qui suprema es Bonitas & Sapientia, qui dominaris in omnia consilia nostra, dominare etiam in corda, & quo graviora jam patimur à tua Iustitia, eo meliores nos exhibeat tua misericordia.

Fac Domine, ut quemadmodum ob peccata nostra in venenum cesserunt Antidota, ita gratia tua transmutante, in Antidota jam cedat venenum. Et sicut peccata pacis nostræ, bellum hoc infelicitissimum persiruxerunt, ita bello hoc denovo, ad beatam pacem præparimur: Vt quanquam plenum molestiarum sit mihi in terris regnum, fruatur regno pacis in corde meo, & illo postea celesti, quod Christi sanguine acquisitum, Servatoris mei gratia, servo tuo peccatori imperties.

2. De morte Comitis Straffordiaë.

Intuebar in Comitem *Straffordiaë*, ut virum nobilem, summis negotiis parem, cumque qui metu potius Principem, quam pudore deterreret, ne illum Publicæ rei præficeret.

Hinc enim forsan nasci in illo poterat maiora audendi fiducia; quâ deinde in magnos

errores, & plurimorum inimicitias laberetur. Quas haud dubiò affatim contraxit, dum in Celso Orbe movens, claroq; & vivido fulgore, multos invidos halitus instar Solis excitaret, qui populari odio densati, nubem quandam & tenebras vel clarissimis meritis & innocentiae offunderent.

Ego vero quanquam iudicio meo omnia illius non probem, quæ Ille forsàn actus potius necessitate temporum, & Populi illius Moribus, quàm ulla proprii ingenii asperitate, & insolentia admisit, nunquam tamen exploratum habui tam grave illius Crimen, ut capitali supplicio mactandum malitiæ inimicorum exponerem.

Nunquam sane tam difficili Temporum Statu confictebar, quam in infælicis illius Comitibus discriminare, cum inter æstus Conscientiæ meæ fluctuans, & necessitatem (ut quidam aiebant) importunis populi mei flagitationibus auscultandi, obtemperavi eorum consilio, qui (in me animo ut opinor benevolo) suadebant, ut *tutius* in præsens, quàm quæ *justiora* sunt visa, eligerem, atque adeo Externæ inter homines Paci, internam Conscientiæ Rectitudinem coram Deo post ponerem.

Tantum verò abest, ut vel inficias eam, vel dissimulem nimiam illam Facilitatem, quâ me flecti passus sum (nunquam enim integrè assentiebar) in mortem illius, quem nullâ lege convictum judicabam, ut nullum unquam conscientiae morsum ægrius tulerim: quod

in argumentum pœnitentiæ meæ, sæpe plurimo cum dolore, coram Deo & hominibus testatus sum, ut vitium pravæ Fragilitatis, quàm me cum ostendi, in quem plus metus hominum, quàm Dei timor pollebat: cujus Nomine & Loco in terris indignus est, qui actu tam insignis injustitiæ, quem nulla possunt pensare vel Publica commoda, damnum aliquod Politicum declinat.

Misera sane transactio! accepta in conscientias plaga, mederi malis Rei-publicæ, & excitatâ in pectore nostro tempestate, æstus populares, & querelas compescere.

Nec fefellit eventus Dei justitiam; & quæ consecuta sunt tristissima satis mundo declarârunt, quàm fallax est illud *satiùs unum interire vel innoxium, quàm populi offensam, vel ruinam accersere*. Nihil enim mihi atrocius evenisset, si assertâ *Straffordii* Innocentia, & justissimis Conscientiæ dictatis obtemperans legem illam *Damnatoriam* obfirmare recusassem, quàm quæ postea minore cum solatio perpeffus sum Ipse, & Populus meus, postquam ingratis quorundam obtestationibus tam crudelem gratiam indulgissem. Quin & illud etiam observavi, eos qui Authores mihi erant suis consiliis, ut sententiam illam ratam facerem, nullam aliam mercedem Gratosi Officii, quàm Direptiones, Vexationes, & omne genus contumelias ab illo ipso, quem captabant populo retulisse: illo solum minimè omnium læso qui id sedulò

ei suadebat ne refraganti *conscientiæ* assentiret. Deus illis & mihi turpem hanc præcipationem tantæ rei ignoscat.

Culpæ interim meæ propriæ, tam plenè conscius, eò libentius Iudicia amplector, quæ mihi, visum est Deo, infligere, tanquam media illius (uti spero) misericordiâ sanctificata, quò facilius de ista (mihi enim proculdubio sic erat) iniquitate resipiscam, simulq; admonear, optimam in Politicis normam esse, Vnicam *Iusticiam* cæteris omnibus commodis potiorè habere, & pacem *Conscientiæ* salute *Regnorum*.

Nec quicquam magis deinceps firmavit animum meum adversus aliorum violentias (qui iisdem me artibus adorti sunt) ne in Acta consentirem *conscientiæ* meæ adversantia, quàm acres illæ puncturæ & stimuli, quæ ob rem *Siraffordianam* usque adhuc hærebant.

Neque hæc ideo, quòd animus fuisset illum postea negotiis adhibere, renitente præsertim Parlamento: illud unicè mihi optassem, nullatenus affinem fuisse culpæ illius mortis, de cuius innocentia nemini melius quàm mihi constabat.

Imo neque ipsa ea Crimina illi objecta, post longam & æquam disceptationem ita perspicua erant, ut Majori parti utriusque Confessus de illis quid cetti liqueret (*Superiori* præcipue Magnatum) quorum vix tertiâ pars aderat, cùm in illam Legem discederent. Quin & in ipsa Domo *Inferiori* plurimi homines nobi-

les,

les, per se prompti satis *Straffordii* dignitatem, & potentiam minuere, nondum tamen de commissio ejus in Leges persuasi, capitalē in eum sententiam ferre non audebant: qui mox ob suffragiorum suorum integritatem, affixis in publico & quasi proscriptis Nominibus vulgi odio & furori objiciebantur; crescente ita in immensum audaciā Vociferantium *Iustitiam*, (id est, quicquid ipsis collibuisse) à me & illis faciendum, vt credibile sit multos perterrefactos magis quam de æquitate sententiæ persuasos condemnantium calculis accessisse.

Sed & *Scitum* illud *posterius*, quo istius *præcedenci* cassabatur Authoritas, ne deinceps in exemplum traheretur, satis mundo declarat, tactos fuisse aliquo sensu etiam hostes illius insensissimos, conscios scilicet quàm rigidè cum illo actum fuisset, & quod postea in seipsis experiri noluisse.

Hunc interim mærorem meum, & teneritudinem animi, quod in unius hominis sanguinem injustè latæ sententiæ, eique sub legis formula, & speciosis coloribus ad umbratæ, & vitandi *publici mali* necessitate expressæ, invitus tamen, utcunque, Deum testor, acquieverim, spero testimonio mihi fore in posteros coram Deo & hominibus, quàm abhorream à reatu & onere immensi illius sanguinis, in exitiali hoc bello profusi, (quem imponunt mihi nonnulli, ut seipsos liberent) qui multo minùs extimescam meam vitam perdere, quam vel uni cuiquam per injuriam adim. re.

Tu vero Domine infinitæ misericordiæ, ignosce mihi hoc crimen prævæ Obsequentiæ, quod me gravius premit, quam quæquam alium, cum nec minimum invidiæ contra illum, aut Malitiæ tentationem habuerim, & quo eram loco constitutus, eo usque servare debuerim, ut consensum meum saltem in perniciem illius denegassem.

Iniquitatem meam cognosco, & peccatum meum contra me est semper.

-Libera me de sanguinibus Deus Deus salutis meæ, & exaltabit lingua mea justitiam tuam.

Tibi soli peccavi, & malum coram te feci: vidisti enim contradictionem intra cor meum & manum.

Ne tamen projicias me à facie tua: Asperge me sanguine Redemptoris mei, & mundabor! lava bis me pretiosâ hac effusione, & super nivem dealbabor.

Fac ut discam Iustitiam è Iudiciis tuis meamque in tua Iustitia fragilitatem agnoscam: dum auscultabam suadentibus, unius sanguine fuso, futuris malis occurrere, tu mihi & Regnis meis propter hoc & alia peccata, magnas, diuturnas, graves ærumnas inflixisti.

Fac ut Iustitiam, quæ voluntas tua est, anteposnam omnibus adversis clamoribus quæ iniqui hominis voluntas revelatur. Satis est, semel me ab illis expugnatum, ut tibi displicendo eis placeam. O nunquam amplius permittas, me quâcunque ratione Politicâ adversari rationi conscientie meæ, quod est atrociter peccare contra Te Deum Rationis, & conscientiarum nostrarum Iudicem.

Quantiscunque tibi (Domine) aliis rebus me privare.

privare placuerit, redde mihi lætitiā salutaris tui & me spiritu principali tuo sustineas, qui voluntatem meam subijcit nemini, nisi luci illi Rationis Iustitiæ, Religionis, quæ lucet in corde meo. Ecce enim veritatem dilexisti in intimis, & in externis expressionibus Integritatem.

Exaudi Domine vocem Filii tui, & servatoris mei sanguinis, loquentis meliora: Sic Auditui meo & populi dabis gaudium & lætitiā, & exultabunt ossa humiliata.

3. *De ingressu Regis in Confessum Inferiorē.*

Adiisse me Domum Inferiorem, ut *Quinque Membra Ordinis* illius in jus postularem, illud erat quod odiosè exagitant adversarii mei, & acerbissimis calumniis insectabantur.

Verum est, eos qui nullarum partium erant, suspicionibus, & metu haud leviter perculsos, imo plurimos etiam Meorum hoc facto offensos, quasi impetu magis, quam ratione suscepto, nec eā prudentiā gubernato, quæ in tam lubrico tempore necessaria fuissēt.

At ignorabant Hi justas causas meas, & argumenta perspicua, quibus me tam instructum arbitrabar, ut nihil ad criminis evidentiā

tiam cujus illos accusabam, præter æquum & liberum forum requirerem.

Nullâ hîc irritabar offensione, nec vindictæ appetitu contra ipsos privatim nisi in quantum me certo deprehendisse existimarem quàm nefaria *Consilia* injissent, & quàm illicitis *Fæderibus* ad turbanda mihi Regna se obstrinxissent: quorum omnium ut fidem facerem, minimum absuit ne Chirographa eorum producerem, qui tumultus sequentes excitassent.

Secus visum est Providentiæ. Non tamen deerant argumenta efficacia ad excitandas suspiciones in Principis animo, qui non stupidè vecors omnem curam publicæ tranquillitatis abjecerat: cui ut consulere, postulando ut in *quinque* vel *sex* homines æquo & legitimo judicio inquireretur, (quod Deum testor, unicus mihi finis erat) quid inde pejus evenisset si obtinuisssem quod volui, quàm, ut vel illis fontibus deprehensis, asserta esset causa mea, & Regni mei; vel patefactâ ipsorum innocentia, suspiciones meæ omnes abstergerentur, quas, ut nullâ malitiâ ortas, ita Ratio non permisit suffocari.

In quas flammæ odiorum hæc scintilla (quam omni modo extinguere conabar) brevi tempore eruperit, nimis notum mundo est. Quod verè nonnulli calumniabantur, quasi per vim grassari in *Domum Inferiorem*, & *Privilegia* invadere destinasssem, erat omnium falsissimum; cùm Deum testor, nec in mentem tale quicquam venisset, nec qui mecum
tunc

tunc erant, ulla *facti* vel *dicti* mei significatione quid ejusmodi colligere potuissent.

Visos esse in comitatu meo aliquot Nobiles, ut haud insolens erat Majestati Regiæ, & in turbidis temporibus, præsidium, ita nec numero equabant ordinariam Stipatorum cohortem, si tumultus accidisset, longè impares futuri discrimini. Neque erant illi magis adventu meo pertentati, quàm ipse parum securus ab eorum petulantis, si nullos mecum adduxissem, qui reverentiam mei aliquam imprimerent. Imbuebantur enim tunc homines his de me sinistris opinionibus, quas postea omni factorum verborumque acerbitate declararunt.

Omnino sic se res habet. Istos homines, & eorum sequaces suspiciebat vulgus attonitum tanquam Legum & Immunitatum suarum *Patronos* me longè potiores, atque adeo digniores, quos suo invicem patrocinio propugnarent. Deo illos relinquo & ipsorum conscientis, ad quæ severa Tribunalia (si quid tale in me machinati fuerint) nullus erit suffugii locus, nec præsentis impunitate, aut popularibus vindiciis liberari.

Ad hæc interim, obstructâ humanâ Justitiâ, una homini Christiano provocatio est, arham scilicet & præludium inevitabilis illius judicii quod districtè in examen revocabit quæ hîc perperam vel parùm decisa.

Id satagebam, si Deo visum fuisset, ut obviam iretur iis motibus, quos ex improbâ quorundam

rundam Sedulitate nisi mature coerceretur necessario secuturos prævidebam ; quod & postea evenit cum multorum Millium (dolens dico) perniciæ.

Vt vero vim aliquam facerem libertati Ordinum, vel eorum *Iustam Authoritatem* quoquo modo infirmarem, nulla unquam me subit cogitatio, nec sanè opus esse rebar tam asperis auxiliis, stante à me *Ratione & Iustitia* : ad quæ potius extrema quam deventum fuisset, omnem pati repulsam æquo animo decreveram.

Tu vero Domine testis mihi es in Cælis, & in corde meo, si quam violentiam, aut oppressionem adversus innocentes cogitaverim, vel si iniquitas in manibus meis.

Tunc persequatur inimicus animam meam, & conculcet in terra vitam meam, & gloriam meam in pulverem deducat.

Tu qui non juxta intuitum hominis judicas, sed ultra omnes populares apparentias perspicax, corda Scrutaris ac uris renes, illuminans abscondita senebrarum, liberè agas.

Ne mihi meæ afflictiones, (quod prudentes & pii nunquam facient) imputentur mihi in argumentum peccati hac in re: haud magis quam eorum impunitas in testimonium Innocentiæ apud bonos valebit. Sed ignosce quod malè fecerint, ciam si in hoc mundo fuerit illis impunè.

Protege servum tuum ab occultis conspirationibus, & aperta violentia sanguinariorum, &
per-

perverſorum hominum, ſecundum ſimplicitatem cordis & innocentiam manuum hac in re.

Iudica Domine cauſam meam, & ſuſtine Iudicium meum, tu qui ſedes ſuper Thronum, qui iudicas juſtitiam, ut ſervus tuus lateatur ſemper in ſanctari tuo.

4. *De Inſolentia Tumultuum.*

Nihil unquam exiſtimabam (peccatis noſtris exceptis) certum magis præſagium earum quæ inſecutæ ſunt calamitatum, quàm *Tumultus* illos *Londinenses*, & *Westmonaſterienſes*, ſtatim à primò fere Parlamenti Conventu auſpicientes, qui non ut æſtus quidam, & procellæ maris (quibus ſuius tamen terror non deeſt) ſed velut *Terræ motus*, (quo nil extat horribilius) fundamenta ipſa convellere, & ſubruere minabantur.

Quemadmodum vèro in coercendis hiſ Maris furoribus clariffimè ſe demonſtrat Divina Potentia, ita non minus manifeſtat ſe Deus in compeſcendo populo, quem cum inſano Confluxu & clamoribus, omnes Legum fines & authoritatis repagula tranſilire, permiferit, nullum certius iudicium.

dicium est, Deum vehementer esse toti Genti infensum.

Eo vero insolentiae creverunt illi nostri *Tumultus* ut nec ipsi utriusque Ordinis Confessus *Libertati* vel *Honori* parcerent, nulla omnino reverentia deterriti, ne illos minis, & probris insectarentur, pulsatis etiam quibusdam, & ferociter percussis, prout illis plus minusve grati erant. Neque hic stetit eorum furor, sed ad Me usque perrexit & Aulam meam agresti quadam audacia, dictisque & factis contumeliosissimis.

Neque brevis hic Paroxysmus, aut conquassatio statim desitura, sed quotidiana plane febris, auctis indies in majus fervoribus & qui mitigari jam amplius nec remitti poterant.

Primum ergo Præsidium implorabant adversus illos *Terrores*, quos ipsi sibi & aliis fecerant: nihil enim erat revera quod prudentes & cordatos viros magis *terrebat*, quam illa infirmæ & rusticæ plebis tumultuaria coactio, quæ hanc ab illis disciplinam hauserat, ut comitiis primo supplicarent, deinde illa ipsa protegerent, mox etiam & præscriberent, postremo imperitarent, & dominarentur.

Per hos scilicet *Tumultus*, omnes Parlamenti obices (id est omnis suffragandi libertas, candidèque & æquanimiter disceptandi ratio) unâ operâ tollendi. Hi Domum utramque expurgare, & *putrida* (ut vocabant) *Membra* ejicere. Hi præfractas conscientias, quæ expedi-

pedire se liberè volebant, perdomare penitus & subigere: hi omnes Factiones, seditiones Schismata, & quicquid adversus Ecclesiasticam aut civilem Politiam rogabatur, eò usque propugnare, dum prævaleret: denique quisquis animoolvebat perniciem Ecclesiæ & Reipublicæ; obstetricari hi erant paratissimi; quorum impetus & vesana præcipitatio, nec maturitatem *consiliorum* expectabat, nec *actiones* sætandi tempora, nec eum *ordinem* gravitatem, *delibcationem*, quæ Parliamentum maximè decebat; sed barbara quadam immanitate, quasi rupto utero, abortiva quæcunque *Decreta* qualia Ducibus eorum placuissent, excindere omninò festinabat.

Tam portentosa certè, & detestanda omnia, ut vel sobrium quemvis hominem puderet vehementer, pigeretque, cum his non tantum veniam dari, sed insigniter applaudi cerneret, adhortantibus nonnullis, & in pejus instigantibus.

Herclè careret potius Vir Bonns illo quod tantopere expetebat *Bons publico* quàm tam improbis mediis procuratum vellet. Sed inter Dei præscriptum & impotentes hominum affectus rara admodum concordia est. Gaudent similibus sui instrumentis violenta consilia: & qui ad privatos suos *fines* intentiores sunt, difficulter se circumscribunt *Dei mediis*. Ingeret semper aliquid *Violentia*, quantumvis *Ratione* repugnante.

Qui autem fuerint *Demagogi* isti, & Turbarum

barum Patroni, qui accersebant ultro hos homines, & blanditiis suis stimulabant, denique gubernabant eorum, & moderabantur clamores, Plurimi sunt adhuc in vivis nimis conscii, quàm ut dissimulent. Deus suo tempore patefaciet, quàm in idonea hec Media fuerint ad suum finem assequendum.

Verùm, ut haud quaquam mirandum est, iratum Mare furere, cum vehementibus ventis agitatur; ita nec vulgus etiam insolescere ab ejusmodi hominibus inflammatum, qui existimatione aliqua *ingenii & pietatis* præcipuè commendantur.

Iam quod maximè formidabilem fecit hanc ferociam, id erat, quod cum plurimi de hoc graviter conquesti essent, Nonnulli ex ipsorum ordine, me etiam per Internuncios frèquenter expostulante, nil remedii efficacis obtineri potuisset, reprimendo huic malo idoneum, quod jam passim in omnes spargi & latissimè dominari videbatur.

Is erat stupor quorundam, ut nil inde incommodi metuerent. Ea aliorum petulantia, ut virorum se multo præstantiorum contumeliis & injuriis gauderent, suam gnari Securitatem in vulgi palpo constare, ita sensum omnem amiserant non meæ solum, sed & Sux Honestatis simul & Incolumitatis, unde nunquam impetrari potuit vel unum ab illis *Edictum*, quo vel Examini subjicerentur nedum supplicio, aut nota ulla afficerentur Turbines

- isti

isti & incendiarii qui passim undique volitabant *Pollentiam suam jactantes*, & turbam quoties usus fuit, colligebant. Quos interim hæc facientes, nonnulli à quibus plus sapientiæ expectasses ut amicos suos agnoscebant zelum & industriam collaudantes eorum scilicet, qui Diabolo simillimi *circumibant quærentes quem potissimum* fallerent & devorarent.

Fateor me cum tam pertinacem eorum obsurdescentiam comperissem, ut nec *Episcoporum* Declaratio qui primas illas Insolentias & vim experti erant, nec quod ab aliis Proceribus & viris Honoratis, tum à Me ipso remonstratum fuerat, haud quicquam proficeret ad sedandos hos Tumultus, & incolumitatem præstandam non libertati solum Parliamentariæ, sed & Personis nostris propriis in ipsis urbis plateis: haud jam amplius existimasse obligari me ultra per præsentiam meam Audaciam hanc insignem, & Contemptus irritare: sperans brevi mei subductione spatium fore aliquod quo reciprocari posset hic æstus, & in sanam mentem cæteri, ac modestiam suam redirent.

Tribuent alii fortasse Pusillanimitati ut quis vulgi minis perterritus Publicam Stationem desereret. At mihi contra videtur non veræ fortitudinis, sed amentis cujusdam audaciæ, ultro se mari irruenti cum certissimo periculo objicere: quin dandum potius spacium dum hæc ferocia subsidat & si quid ruptum fuerit opportune restituatur. Sane vir verè
fortis

fortis & magni animi mallet iniquis licet conditionibus, numeroque & loco inferior, in aperto campo & recto more de pugnare, quam inter turbam inconditam fædè colluctari.

Suspicio erat quibusdam, non paucis etiam affirmantibus me, cum ab Albâ Aulâ discederè Bellum statim meditaturn, cum non alia ratione (Deum testor) discesserim quàm ut personam meam & conscientiam à violentia incolumem præstarem. Deus novit me tunc temporis nec de Bello vel minimum cogitasse. Nec credibile est cuicumque sano homini, me, si tale consilium injissem, tot me Actis superioribus, & quibusdam etiam postea infirmaturum, cum revera, ut omni modo declinaretur Bellum, mihi soli in plurimis denegavi. Constat nullos tunc fuisse mihi exercitus ad quos confugerem, nec qui auxilium aut ultionem sponderent.

Quis jam crimini mihi vertat & aliis, si ab assiduïs tumultuantium insultibus maturè nos subduceremus, incerti, an eos furor & iracundia usque incenderent, ut quos ungulis jam confriictos quasi ludibundi tenebant, non discerperent penitus & devorarent. Numquam hercèle abissem à Domo mea, modò vel æquis conditionibus manere licuisset. Multa pati decreveram & quidem multa pertuleram: haud tamen officii mei arbitrabar Majestatem Loci, & Personæ meæ, tum Vxoris & Liberorum incolumitatem petulantia eorum pro-

prostitueret, qui ferocissimè insultare prompti sunt, cum objecta injuriarum capacia, & idoneum tempus nansciscantur.

Hos verò omnes *Tumultus* (quorum, complures jam homines Deo rationem reddiderunt, cæteris adhuc viventibus hæret crimen) tempus jam, & communis multorum reatus ita planè sepelivit, ut jam amplius nolim defodere. Credo tamen summum illum *Seditionum* & civilium Turbarum Vindicem, illis olim hominibus, & illi *Vrbi* in pænarum suarum speculo crimina sua demonstraturum. Fallos, an non eodem quo deliquerint exemplo, sint aliquando plectendi.

Equidem si in isto *Conventu* (prout prima illius Electio, & Constitutio spondebat) pleno & integro Numero confessum fuisset, membris utriusque *Ordinis* libertate suffragandi permessa (quod Honestas Ratio & Religio postulabat) haud dubitandum est, quin res ita commodè transigi potuissent ut spei & voto Bonorum omnium uberrimè fuisset satisfactum. Quod enim ad me attinet, statueram *Rationi* in omnibus auscultare, & quantum capere potuissem, obtemperare: sed velut fues in hortis ordinatim consitis, ita in Publicis Consiliis, sordidæ *Turbæ* colluvies susque deque miscent, & spargunt omnia, & stercorebus suis collutulant.

Subit animum aliquando hæc cogitatio; occurri forsan potuisse quæ inscuta sunt malis, si in alium quempiam locum *Angliæ* quod oppor-



opportune satis poteram, Parliamentum transuliffem, gratum scilicet futurum in quocunque loco, nullibi verò, tot diversis & pravis Humoribus obnoxium. Sed hæc omnia Deo relinquenda sunt, qui Sapientiæ suæ Gloriam, miseriae & stultitias nostras detegendo illustrat.

Tu autem Domine refugium mihi & susceptor meus ad te confugiam, & in tuto fuero, tu compescis strepitum. marium, & fremitum populorum.

Flumina Domine intraverunt, torrentes penè absorbuissent animam meam.

Intueor peccata mea, & peccata populi mei, (tumultus animarum nostrarum contra Te Domine (ut justam Popularis hujus Diluvii causam, quod ita omnes fidei, modestiæ, Legum, Iustitiæ, Religionis ripas superare & transilire permisti.

Tu vero qui congregas aquas in locum unum, ut arida appareant, & reverti coëgisti aquas quæ terram obruebant verbo potentiæ tuæ. Compesce hanc vulgi Belluam & Eripe me à feroxia, & contradictionibus populi.

Redde nobis precamur libertatem consiliorum, & Parliamentorum fac ut nullo affectu occæcati lucem Rationis, & Religionis intueamur, eamque ordine illo & gravitate sequamur quæ homines decet & Christianos, sic nomen tuum laudabimus qui es Deus ordinis & consilii.

Quod aut nolit homo, aut nequit reprimere omnipotens tua Iustitia & potest, & velit.

Des Domine his qui adhuc in urvis sunt, quos

in consocios nostros excitandi, vel non coercendi horum motus, tempestivum dolorem & sensum ingentis peccati sui: Pudor illos in hac vita plectat, non in futurâ supplicia.

Præfinias & coercas impotentiam nostrorum affectuum ratione, errores veritate, seditiones Legibus ritè administratis, schismata denique Charitate, ut fiamus sicut tua Ierusalem Civitas in seipsa unita.

Hæc concedas Domine in bono tempore tuo propter Iesum Christum, A M E N.

5. *De lege Triennialis Parlamenti, & continuatione illius postea durante utriusque Domus placito.*

VT jam palam Orbi innotescerent illa prima mea Consilia, quàm paratus essem omnia contribuere, quæ *Iustitia, Ratio, Honor, Conscientia* permisere, ut ad fælicem exitum perduceretur Parlamentum (in quo nil aliud spectabam, quàm Regnorum meorum Bonum commune) legem illam de
Trica-

Triennialibus Parliamentis confirmavi libens, quod ut lene & opportunum Pharmacum (si rectè adhibitum) præveniret *malignos humores*, ne præpollerent nimium aut invalescerent, modò remedium non esset morbi causa, nullo postea remedio sanabilis.

Arbitrabar huic *Conventui* satis jam negotiorum superesse, quæ Triennium hoc integrum (interpositis recessibus) occuparet. Nunquam vero id credidi futurum, ut hinc arriperent occasionem nonnulli plus sibi insuper laboris imponendi, infecta ea denuo faciendo, quæ tam benè jam acta repererant. Ea improba est multorum sedulitas, creant sibi potius, quàm desit negotium, & malè agere instituunt, quàm nil agant omnino.

Quum angusta nimis videretur illa prima mea Concessio, quàm ut *Timori* quorundam caveret, & negotia Publica perficeret, etiam amplius mihi persuaderi passus sum legem illam sancire *Illimitati* Confessus, durante scilicet Domorum placito, id quod aliis sonabat, *perpetuum Parliamentum*. Hoc supremæ meæ fiduciæ testimonio, sperabam in æternum excludere, & quasi pessulo obducto eliminare omnes retro *Suspiciones*, & futuros *Errores*; Certe haudquaquam animus erat, meipsum foras ejicere, quam mihi mercedem nonnulli hujus gratiæ retulerunt.

Fateor huic simile nunquam factum à De-cessoribus meis: æquo tamen interpreti nihil aliud significat, quàm quâ confidentiâ versa-
tus

rus sim inter subditos meos sperans haudquaquam malè ufuros tantâ gratiâ, quâ, ut ostenderem quantum illis confiderem, me ipsum in tanto apice prærogativæ restrinxeram.

Boni certe subditi æquum haud omninò duxissent, ut deterior esset ideo mea conditio, quia eorum reddideram meliorem: neque reverà evenisset, si didicissent nonnulli æquè uti moderate occasionibus benè vel malè agendi, ac importune expetere.

A continuatione hujus Parlamenti existimabam contineri sic melius posse, & quasi justis suis modis temperari Rempublicam, vim suam legibus, & vigorem reddi, quod, ut accuratissimè fieret, neminis magis quàm mei intererat, cum per eas non minus Jura mea Regia, quàm Civium cujusvis conservantur. Ultrà quàm leges mihi tribuunt nil postulo, citrà, neminem credo vel infimæ sortis subditorum debere accipere.

Sparsa fama à nonnullis, & credita, pœnituisse me statim hujus Concessionis, & persuadere mihi alii volebant satis causæ fuisse cur id facerem. At neque subito nec facile in eam suspicionem adducebar, ut à viris spectatæ famæ eam unquam ingratitude metuerem, ut quo plura iis donaveram, eò minus mihi cum illis frui liceret, qui vel largissimis concessionibus me haud quicquam imminutum credebam, dum sic populi mei amorem redimere, & confirmare potuissem.

De quo neque adhuc despero, pœsse me Dei

C

Boni-

Bonitatem incremento illius benedicere, cum majori otio dato minus loci sit futurum præjudiciis, cum jam sensu integro & nullis affectibus obscurato intueantur in illa nostra non Regia magis indulta, quam ab amicissimo animo profecta, quæ in hunc tantum finem concesseram, ut *perpetuam* illis hanc facerem felicitatem, qui in eo jam solum miseri sunt, quod oblati bonis frui ambitione quorundam prohibentur.

Vnde nec dubito futurum aliquando) cum ita Deo visum fuerit) ut fideles & depurati affectus populi mei eos obsequii & amoris „ fructus mihi vel saltem posteris meis retribue-
„ re invicem contendant, ut hinc abunde compensetur, quantum illis confusus, quanta pro illis passus fuerim, quæ (Deum Testem appello) nec pauca nec exigua, nec brevi tempore fuerunt: ex hac orta fiducia præcipuè, quod existimarem non posse me hominibus professione sua subditis meis, cæteroquin singularem quandam Religionem; & austeram pietatem professis, vel nimia Indulgere, vel nimis parum diffidere.

Summa verò omnium Injuria est, quâ me alii odiosè onèrant, quasi Ipse perversâ quadam voluntate, in me & populum meum Calamitates has omnes accersivissem, dum (quod illi magna fiduciâ sed, Deum testor, falsò asseverant) adversus hoc Comitiorum per me factum *stabilimentum* fremens & indignabundus, vi postea & professâ hostilitate conabar infe-

infectum reddere quod jam Regio assensu *confirmaveram*. Equidem inconsiderati valde animi, vel extremæ potius amentix fuisset ligare manus meas iis ipsis Rogantibus, in quos mox eram gladium districturus. Novit Deus Me, licet non sine sensu hujus injuriæ fuerim, haud tamen tam atrocem concepisse, ut *bello* omnino persequendam ducerem; Nec enim statim impellebar, (quod postea evenit) alias mihi porro injurias inferre, cum Isti candidè collatam hanc Gratiam, haud eodem candore administrarent. Tumultus revera qui tunc vigebant, omnia Gratix Indulta violare & in lasciviam corrumpere minabantur. Arbitrabar tamen nec sine argumento ipsos proprios *Eorum terrores* qui pravis suis & verè Dæmoniacis artibus Turbulentos hos Spiritus excitarent, eosdem denuò abigere, & demergere penitus hortaturos.

Imo si acriori aliquo sensu tactus fuisset Injuriarum quæ plurimæ mihi & meis inferbantur, num eram tum temporis ulciscendo idoneus hostili præsertim & *Bellica* ratione eos, quos minoris plebeculæ affectu tam firme munitos noveram, ut nihil hostibus gratius facere potuissem, nec in meipsum damnosius, quàm, si indignâ Principe levitate illos Armis invadere, & discutere tentassem, quos nuper Actu Parlamentario tam solenni *stabiliveram*?

Deus scit, me nil adeo in votis habuisse, quam ut ego & subditi mei tot mearum Con-

cessionum fructibus tranquillè gauderemus.

Certe improbum facinus fuisset, periculi-
que juxta & infamiae plenum, ense statim ex-
scindere quod ita dudum plantaveram; nec in
subditorum meorum magis, quam meum
gaudium: nisi timuissent nonnulli, ubi nulla
erat causa metus, qui securi esse non pote-
rant nisi aliorum terrore.

Mihi verò (Deo Gratiarum) ita perspecta &
explorata est synceritas & integritas Cordis
mei in Lege illa sancienda, quæ superiorum
Temporum vota superabat; ut licet minus
apud homines cautus videar, & à Politicâ
prudentiâ instructus, tamen nullis coram Deo
opus habeo vel occultis distinctionibus, vel
arguto, quo evadam, Sophismate. Porro nul-
la erat in Lege illâ ferendâ Reservatio in Ani-
ma meâ, nulla deinceps facti poenitentia, dum
id tandem perspicerem, me, permissio non-
nullis in *summum Templi Pinnaculum* ascensu,
tentationem etiam iis subjecisse ut me illinc
darent præcipitem.

Id enim secum cogitabant, mecum una *Mo-
narchiam* in præceps actam, nisi miraculum
obstaret, frustillatim spargendam. Deus illis
pro misericordia sua ignoscat, tandemque illis
notum faciat, etiam tot Mundi Regna quot
Diabolus ostendit Salvatori Nostro, & eorum
Gloriam (si simul omnibus frui licuisset) tanti
non esse, ut flagitiosâ ingratitude, & infami
aliquo facinore acquirantur: unde Animæ pe-
riculum cteatur omnibus Regnis, & Mundis
potiori.

Deus

Deus verò me hætenus custodivit, fecitque ut intelligam haud mirum esse oportere, si homines Affectuum suorum Impotentia relictis, vel multa ipsi mala faciant vel aliorum Bonitate abutantur, cujus ingrata Nau-sea, Morbus omnium deploratissimus & In-sanabilis.

Haud tamen propterea liquido jam possum affirmare, poenituisse me hujus consilii, cum in illud intuear non ut voluntatis meæ crimen sed ut errorem Judicii in Charitatem impendio propensi. Id tantum dolet, aliorum oculos improbos factos, quia mei boni erant.

Te Domine semper appello, cujus omnia explorans Iustitia per humana quæcunque velamina, & fallaces cordium tenebras clarè penetrat.

Tu mihi cor dedisti ut hæc subditis meis concedrem, jam corde præparato opus est, quo multa ab illis vicissim tolerem.

Fiat voluntas tua, nostræ quantumvis contraria, etiam tum cum speravimus & voluntati tuæ & eorum morem gerere, qui nil præter tuam jactabant.

Erudiat me Gratia tua equè frui Sapienter frustrationibus his meis, ac si spes meas optimas & speciosissima desideria explevisses.

Dum aliorum timoribus mederi cogitabam, meos auxi, & illos demum sedando meipsum turbavi.

Ita reddiderunt mihi malum pro Bono, & odium pro dilectione mea.

Sis mihi (Domine) Gubernator in tenebrosa hac nimis & ancipiti procella, in qua nec remeare ad Portum datur unde solverim, nec incolumem ut volui, & famâ integrâ ad alium contendere.

Tu me facile tutum custodies in amore & fiducia Populi mei, Tu me Salvum præstabis inter odia injusta, & suspiciones multorum, quas eo hæcenus invalescere in me permisisti ut maximas quas unquàm indulsi Gratias cum fiducia de illis summâ conjunctas, corrumpant omnes & in me abutantur.

Nullæ vero à me collata Gratiæ magis unquam in abutentium crimen cedent, quam illæ Tuæ in me Domine crebræ & ingentes, quibus me turpiter abusum agnosco.

Des mihi & illis (precor) cam pænitentiam qualem tu accepturus es, & eam Gratiâ insuper quâ non abutamur: Eâ saltem me becs (Domine) ut rectè utar aliorum injuriis, & per eorum in me delicta, meas rursus in Te offensiones cum dolore Reformante intuear.

Ita quanquam temporalibus in tuis beneficiis per aliorum quidem peccata, sed propter mea destituar, felix tamen fruor misericordiarum tuarum Solatiis, per quæ gravissima perpessi in sanctorum Gloriam assurgunt.

6. *De recessu Regis à Westmonasterio.*

QUÀM invitus à *Westmonasterio* me subduxerim, eorum esto iudicium quos commeatu & armamentis destitutos Tempestas unquam compulit in altum Mare; quod tamen potius faciendum, quàm ut oram legentes, littori, cum Naufragii periculo, alidantur.

Perstiti tamen usque in ~~*Liba*~~ *Angl* dum pudore magis quàm metu pellerer, cum eum barbarum furorem, & audaciam Tumultuantium cernerem, ut jam quidvis impudenter exposcerent, nullâ mihi relictâ nec ipsis Parlamenti Membris, *Rationis* aut *Conscientiæ*, libertate, quâ illis quicquam omnino negaremus.

Vnde nec mihi soli hæc Injuria illata est, quanquam Mihi præcipuè intoleranda; ferre enim utcunque poterant Procures, cæterique Deputati, si libertate suffragandi sibi permiscâ, majori postea numero vincerentur.

Eorum vero omnium concordantia suffragia nulla Lex aut Ratio permittit, ut iudicium

meum astringant, vel Assensum includant, aut complectantur, cum nullo modo hîc Mei partes agant vel Personam sustineant : atque adeò haud amplius teneor ullis eorum suffragiis assentiri, quàm quatenus ipsa primò in Dei mandata, Justa mea jura Regia, tum commune Populi Bonum consensisse perspexerim. Vidi eos (quod inter multos solet) rarò omnes in eâdem sententia, & id crebrò etiam videre est, in Majori eorum Parte deteriorem pollere.

Satis jampridem demonstraveram sôbriis & modestis hominibus, quam cupidè omnibus Satisfactum vellem, cum tot eorum Rogatione Leges Sancirem, quibus & securitati prospiceretur, & votis omnium abundè Satisficeret, ni Hydropica quorundam appetentia quo largius biberet, eò largius sitiret, quos nec ipse Fons Regiæ Beneficentiæ saturare potuisset, obstinatos illum penitus exhaustire, vel barbarè obstruere.

Certè haud amplius *Consilium* appellari debet ubi non Rationibus persuademur ut *Homines*, sed vi quadam & terrore *pecudum more* adigimur, ad cuicumque rei assentiendum quæ à Turbarum Patronis excogitantur. Dignus est qui in æternum serviat nullo prorsus miserante, qui id pati potest, ut Rationale suæ Animæ Imperium, Verborumque & Voluntatis Libertas, ita omnia simul mancipenrur.

Ego verò nec tanti *Regna* mea facio, ut illa velim Servare *Libertatis* dispendio, quæ cum mihi ut *Homini* & *Christiano* debetur, multo
minus

minus Regi neganda est, qui nullius superioris præter Dei dictata, ut consensum obligantia agnoscam. Emori satius est sub hoc Regno Animæ meæ, qua Deo solum subjicior, Ratione & Religione me dirigente, quàm inanem Regis Titulum usurpantem, constrictum me ita & captivum vivere, ut nec conscientia nec Rationis usus permittatur, quo quid probem, quid improbem, (prout Regem decet) declarem.

Absit enim ut illud unquam credam, Majestatem Coronæ Angliæ ita obstrictam teneri Coronationis suæ Iuramento, ut in quæcunque subditorum suorum in Parliamentis postulata, cœcâ quadam & brutâ verborum Formulâ, consentire necesse habeat, quod tamen inferunt nonnulli, qui, dum hoc mihi *Negative* vocis jus, ut Regi, eripiunt, eâdem operâ impudenter me privant omni illa Rationis, & Conscientiæ Bonæ Libertate, quâ Ipsi, & *Tota Angliæ Communitas* (quatenus influit in Publicum) gaudet, qui omnes ægrè admodum paterentur non licere in quacunque re contradicere, quam vel Ipse ut Rex, vel mecum unâ *Domus Parium*, non jam amplius (si sic fieret) *rogare* videremur, sed *exigere*. Arbitror me in hoc satis fidem juramenti liberafse, cum secundum eas Leges regā, quas Populus juxta cum Proceribus, Me ipso adsentiente comprobavit. Certe Conscientiâ meâ non teneor Conscientiæ meæ adversari, quod proculdubio facerem, si, quibus Ratio, Justitia,

Honos, Religio, negandum jubet, Novis his Rogationibus annuerem.

Ita tamen sibi districtè cavent nonnulli, ne *Arbitrario* Regimini, id est alienæ voluntati sine proprio consensu subjiciantur, ut haud interim attendant quanto prebro & insulsi- tate Regem suum eum solum esse velint, qui *alio- rum* voluntati mancipetur, uni illi interdicto *Rationis* usu, vel per se, vel per alium, exer- cendo.

Detur verò id (quæ nonnullorum suspicio est, & malevola Calumnia) me, Errore, vel O- pinione, vel Infirmitate actum, vel ipsa (ut vocant) Perviciaciâ, (quam non verum ali- quod Judicium, sed Perturbatio potius & vehemens præjudicium animo meo impresser- at) à sententiis eorum discordâsse, haud ta- men quisquam aliter, quàm ut servilem Con- tumeliam acciperet, importunâ quadam vi, & barbaro impetu hanc qualemcunque Erroris sui, & Passionum caliginem (Vmbra certè *Rationis*, & quæ hætenus sufficere debet soli- diore destitutis) ita penitus discuti & dissipari. Coram Deo & Hominibus culpam haud me- retur, qui rerum optimam *Rationem* perspi- ciendi cupidus, ei demum optemperat quod sibi maxime videtur *Rationi* consentaneum: & si forte in errorem per inscitiam prolabatur, excusabit illum mentis Rectitudo. Nemo na- vis Rectorem incusabit, quod cum Stellam Polarem non videat, ad eas saltem, quas vi- det, cursum dirigat. Mihi certe magno ar- gumen-

gumento est laborare *Rationum* inopiâ , & Solidis Argumentis destitui , qui *Vim* istam Auxiliatricem ad propugnanda sua Infirma consilia , & Rogationes promovendas accersunt. Profiteor in Veritate & Sinceritate cordis mei , me nulli unquam Rei recto more , propositæ , libereque & integrè in *Vtraque* Domò agitatæ , ulterius contradixisse , quam quo *Ratio* suadebat , & sic posse à me fieri , & sic oportere.

Nec mihi quicquam magis cordi fuit , quàm , ubi conspirante meo simul cum eorum Judicio , salvâ possem Conscientiâ illis assentiri ; Imo in rebus plurimis , ubi , non contra militabat Absoluta & moralis *Rationis* Necessitas , sed de præsentis tantum Commodo meo & Honore agebatur , mihi potius quàm illis negandum censui ; ea quæ Illi opinabantur tantum in populi Bonum *necessaria* iis semper anteponens , quæ mihi solum *expedire* comperebam.

Patiar enim forte in iis , (quorum me Dominum esse arbitror) privata scilicet Re mea , & *Personalibus Privilegiis* cedere : quod verò ad *Veritatem* , *Iustitiam* , *Iura Ecclesiæ & Coronæ* & regnorum meorum *Publicum Bonum* Spectat , quæ omnia , quantum in me est , tueri debeo , hîc firmus sum , & stabilis , & idem usque perstabo in nullius unquam hominis gratiam in ea consensurus , in quibus *Cor* meum , Linguam vel Manum redarguet , nec id coram Hominibus affirmaturus , quod in Conscientia ,

mea coram Deo negavi, *Spineam* potius *Coronam* cum *Servatore* Meo gestare malim, quam illam mihi debitam *Auream* in ejusmodi *Plumbeam* commutare, cujus *vilis* & *utilis* materia in quamvis facile formam inflectatur, nec *Diversis* modò *Factionum*, sed *Adversis* sibi invicem, & *pugnantibus* placitis obsequatur, cum sub obtentu *Rationis*, & *Publici commodi*, revera nil nisi *Privata Partium Res* agitur, quæque à studiis iniquis, & *Impotentia Affectuum* profluxerunt.

Nil prorsus dignius novi *Christiano Principe*, quàm ut id semper firmum habeat *Conscientiam* suam *Regnis* anteponere.

Custodi (Deus meus) famulum Tuum in hac Nativa, Rationali, & Religiosa libertate. Ita enim te velle credo, ut hanc tucamur: qui, licet juste exigas ut Intellectus nostros, & voluntates, Tue submittamus, cujus sapientia & Bonitas nec errare potest Ipsa, nec in errorem inducere, & carnali nostre Rationi eousque negemus cùm de Sacris tuis Mysteriis & Mandatis agitur, ut simus his credere & parere potius, quam disputare prompti, eum tamen à nobis expectas Cultum Rationalem, ut nec quicquam adversum Conscientias nostras etiam Tui causâ, faciamus: quæ vero ab Homini- bus expetuntur, ea omnia explorare præcepisti ad Rationis & Legum Indicem (Civilis scilicet Iustitiæ Normam unicam) atque ita demum assensum nostram in quæ Iudicio probamus, profiteri.

*Nôsti (Domine) quam illibenter locum illum de-
serve-*

seruerim in quo Tu me collocasti, & ad quem præsenti Regnorum necessitate, vocabar.

Testis erit mihi Populus Meus, quanta mihi libenter negassem, errū quæ in arbitrio meo posuisti.

O ne unquam Ingrata Importunitate, & turbido Impetu iniqua Flagitantium, prodar illi degeneri, & indignæ viro servituti, ut illis Consensu meo in iis corroborem, quæ Conscientiâ meâ persuadeor & tuæ Gloriæ, & subditorum Meorum commodo, tum, quod penitus Rationi & Iustitiæ debo, adversari.

Fac ut volens patiar summas contumelias & quibus maximè me premunt injurias, quàm ut vel minimum peccatum adversus Conscientiam meam admitiam.

Salvæ maneant Populi mei (quod sanè possunt) Iustæ libertates; dum id recto & debito more fiat animâ meâ nequaquam mancipatâ.

Qui me Regis Christiani potentia Gratia tuâ induisti, ne me unquam patiaris Aliorum Affectibus & Consiliis, quæ à Ratione, Iustitia, Religionis aliena prorsus videtur, Rationē meam subicere.

Ita Tibi usq, inserviam in veritate & Integritate Cordis mei, licet his hominibus parū placeam.

Quāquam ab illis penitus expulsus fuero, donec me Gratia Tua, quâ coram Te integre possim ambulare.

Dirige me in via veritatis & Iustitiæ: has enim certus sum, me ad pacem olim Tecum, & felicitatem perducituras, quāquam plurimas inter homines, ob has, molestias perferam. Hoc à Te peto Servatoris mei Gratia.

7. De

7. *De Reginae discessu, & extra Angliam absentia.*

Q Vanquam discessu illo *Vxoris* Meæ à Me & è Regnis meis, multam, meritamque molestiam cæperim, haud tamen ita crucior Illius absentia, quàm necessitatis illius Scandalo quæ Illam hinc abegit: coactam nempe fuisse à *subditis* meis, illique *Protestantium* Nomen gerentibus, ut ob suam Incolumitatem, excederet. Certe Primum hoc exemplum extitit *Protestantium subditorum* qui contra Regem *Protestantium* Arma sumpserunt. Id enim in *Anglia* non secus contempler, quàm *Tragediæ* in *Scotia* inchoatæ *Actum secundum*, cujus male extinctæ faces hic in alteram Flammam eruperunt. Nimis vereor, ne Tumultus hujusmodi (quibus parum honestatur *Protestantium* Causa) ad abalienandum ejus animum porro valeant, & affectum longius abducendum ab illa Religione, in quâ hactenus solum discrepavimus.

Quod tamen Deus potest, venerorque ut velit aliquando remove, neque hæc finat
qua-

qualiacunque facinora Judicio Illius officere, cum ab iis fere Hominibus profecta sint, queis Religio sua adhuc quærenda est, nec quid certi adhuc de Doctrina, vel Regimine, aut Moribus constitutum; atque adeò nullo modo *Anglicanis Protestantibus* imputanda, qui Illis Primis suis *Principiis & constitutis Legibus* adhærent.

Dolet, nostram cum Illa conjunctionem, tam præclara meritæ Fœminæ periculum & ærumnas creasse, cujus virtutes vel inter ferros *Indos* præsidium sibi invenissent; cum minus his capitaliter infensa sit agrestis eorum *Barbaries*, quàm ficta quorundam *Astucia*: quanquam paucos eâ Malitiâ crediderim, ut perinde Ipsius causa oderint. Crimen Illi est nostrum conjugium.

Iure ergo optimo, haud secùs quàm *Affectu* proprio impellor, ut illius *securitati* prospiciam, quæ meâ solâ causâ periclitatur: In me omnes incumbant Tempestates: fuerim omni vento jactatus, & naufragus, dum *Illæ* tuto in Porru conquiescat.

Hoc saltem solatio ex Illius incolumitate in mediis meis malis fruar, quòd sim dimidio mei duntaxat, *Illæ* salva, periturus, in Cujus saltem Memoria, & spem nostram solantibus liberis, superstes usque fiam Inimicorum malitiæ, licet nec sanguine meo saturandæ.

Illum ergo Amori & Fidei Bonorum subditorum commendo, & Illius in primis Patrocinio, qui severe plectens Principum Crimi-
na,

na, non minori asperitate factas Illis Injurias ulciscitur, cùm ab iis præsertim inferantur, qui omnibus officii & obsequii vinculis ad eam Illis incolumitatem præstandam, in qua Lex Regibus præcipuè cavet, obligantur.

Sed frustra Speratur Humanitas, ubi Fides in Principem disputatur, aut quocunque nexu Regio & parentelâ munitam tutò posse inter Illos versari qui, quo firmitus Religionem suam amplecti credantur omne prorsus obsequium projecerint.

Deplorandum interim, Animam istam Generosam Pacisque amantissimam, id videre, multo magis id pati potuisse ab eorum Fero-cia, quæis, quod deest Justitiæ, immanitate, & Impudentia supplendum.

Elucescet Illius aliquando (hac mecum in adversis meis sympathia) velut in obscura Nocte stella, virtus clarior, & Invido Orbi ostendet Illam *Me*, non *Fortunas* meas amasse.

Faciles ad Ignoscendum Vterque sumus, vulgo præsertim Hominum, in quos utcunque Inhumanos, magna pars hujus Criminis non cadit. Ita enim Deo visum est experiri Patien-tiam nostram novo quodam & seipsum ali-quando ulturo Scelere, Eorum Scilicet, Ingratitudine, qui pasti Pane nostro, & Munificen-tia ditati, superbè se contra Nos extulerunt, è Domesticis facti Adversarii. Deus Illis hoc Peccatum non imputet, qui cætera omnia (in quæ maxime obligantur officia) Religionis hoc *Corbana* excusant, & ægrius aspiciunt, quàm

quàm peccant in Eos , qui non Principes illis magis , quàm Patroni benefici extiterant.

Eo verò forsan excusatio est Inimicorum meorum in hac parte , prudentia , quo magis necessarium videretur Eorum consiliis , ut probrosis Criminationibus , & omne genus Insolentiis illam è Regnis meis pellendam curarent , ne Exempli Iplius Influxu (raræ certè in conjugem Charitatis , in Regem Fidei) Eos omnes , quos corrumpere satagebant , vel ad amorem mei & obsequium pertraheret , vel in iis constantes retineret.

Quò minus gaudeam jam Illius Consortio , eò magis intrò secedam ad Deum Meum , & Cor meum , unde nulla eam malitia profligabit. Invideant mihi licet Hostes mei , haud tamen unquam eripient , ne Virtutibus Illius , dum Meipso frui datur , simul fruar.

Tu (Domine) cujus Instititæ in præsens visum est nos ita distrahere , re-unias nos invicem Tuo tempore , Tua Misericordiâ , idque in Terris , si ita tibi placuerit , Ambos verò utcunque ad Cæleste Tuum Regnum perducas.

Libera nos à Manibus Inimicorum nostrorum Perniciem & virus spirantium , & Perpeßionibus Nostris præpara nos in Tuum Conspectum.

Licet in nonnullis in Re Religionis (quæ mihi maxima est in Mundo Infælicitas) discrepamus , dones tamen (Domine) & accipias sinceritatem Affectuum Nostrorum , qua omnem Tui veritatem , quærere , invenire , amplecti concupiscimus.

Consen-

Consentiant Corda utriusque nostrum in Amore Tui, & Christi pro Nobis Crucifixi.

Doceas nos ea quæ tu sciri postulas quæcunque Gloriæ Tuæ, Officiis Nostris Publicis, vel Æterno Animarum Bono necessaria, & fac ut sedulò agamus quod Bonum Scimus.

Nulla cognitu necessarii Ignorantiæ, nec in iis quæ cognoscimus Incredulitas, vel Inobedientiæ, cedat in miseriam nostram, aut voluntarium Peccatum.

Quin nec Ingens istud Scandalum à subditis Meis, eandem mecum Religionem profitentibus, obstet Illi in amore veritatis, quam tu Illam perdiscere, vel in quocunque Errore induret quem tu illi illustrari voluisti.

Adversus hujus Exempli venenum, Mea sit & aliorum Constantia Antidotus.

Vera illa, quam profiteor, Religio exhibeatur Illius Iudicio cum speciosâ illâ facie Humilitatis, Fidelitatis Charitatis, & Pacis, quos revera peculiare sibi Fructus & ornamenta habet, haud verò amplius odiosa & deformi larva Levitatis, Schismatis, Hæreseôs, Novitatis, Sævitiæ, & Perfidiæ, quâ, nonnullorum facinora Illam nuper induerunt.

Videat Sacras Tuas & Salvificas veritates prout Tuæ sunt, ut iis credat, amet, obsequatur ut Tuis, ab omni Scorix, & Rubigine Humanarum Admisionum expurgatis.

Vt in speculo veritatis tuæ Te contempletur in ea Tua misericordia, quam Tu nobis exhibuisti in Filio Tuo Iesu Christo Salvatore nostro Vnico, & illum

illum cultum tibi exhibeat denuo in omnibus illis sanctis officiis, quæ Sacrosanctæ tuæ Doctrinæ consentiant & exemplo in primis imitando.

Expertis, in hac nostra Dissipatione, & Eclipsi; quàm vana prorsus & fluxa est Humana omnis Gloria, & Magnitudo, eò Studiosius ambiamus perpetuis illis Honoribus, & Perfectione potiri, quam in Te solum invenire fas est, & per Iesum Christum acquirere.

3. *De Exclusionem Regis ad Hullam urbem, & Hothamiorum fatis.*

CUm ab *Hulla* excluderetur, visum est primâ facie tam insolens facinus, & aperta obsequii Detrectatio, ut Ipsi mei Inimici vix auderent tanquam suum agnoscere. Erat hoc quidem Primum illis *Patientiæ* meæ Tentamen, quàm scilicet æquo possem animo Spoliari Regnis.

Quo tamen (Deus novit) non tam Ira
mea

mea commota est ob acceptam injuriam, quàm Dolor summus pudorque, id ab iis Flagitii admissum, quod jam nullo erat colore excusandum.

Volui tamen hoc utcunque concoquere, atque alia complura: quanquam satis viderem vix intra unum, hoc facinus continere se jam amplius posse, queis vel illud patrandi, vel propugnandi Audacia non defuerat. Erat Hoc *Manus tantum Inchoantis Nubeculae* quæ paullò post per Totum Regnum *diffusa*, Confusione omnia & Tenebris miscebat.

Viget enim hoc Improbum imprimis inter audaces Aggressores & Perduelles *Axioma*. *Actis nefariis ejusmodi, deteriora semper subjungenda: satius esse non inchoari, quàm non ad finem perducì, Plus in Recessu, quàm Fronte periculi, & quovis Crimine exitius esse, respiscere.*

Hoc demum mihi oculos aperuit, ut jam per omnes eorum Pias Fraudes, & Blandissima Integumenta perspicerem, quòdum verba oleo molliora jam in Gladios desitura prævideram.

Adversus hæc, cum nil aliud tùm esset quod opponerem præter Bonam Conscientiam, prudentissimum duxi, patienter id ferre, cui mederi non poteram. Et in hoc (Deo Gratias) vici *Hothamium*; quòd indignè licet ab Illo acceptus, nullo odio incensus, aut præcipiti Iracundia ita abreptus fuerim, ut quicquam

quam dicerem, vel facerem Me Ipso Indignum, vel illâ Animi *Moderatione*, quæ cum ad Magnum *Christi* Exemplum proximè accedit, Christianum inter Maximas Injurias optimè decet.

Quin Illius potius memor esse semper cupio, *Christianum* Me esse quàm *Regem*: quod enim hujus *Majestas* meritò aspernetur *Charitas* illius Lubens tolerat: quod *Sublimitas* „ *Regia* ad ulciscendum stimulat *Humilitas* „ Christiana Ignoscendum docet; omnem eam *Passionum* Impotentiam intra justos Cancellos circumscribens, quarum *Excessum* plus vel Ipsiis Gravissimis Hostibus damni inferunt: cum per hos demum ad Animas usque nostras pervadat eorum Malitia, quæ alias nec longe extendi poterat, nec vehementer nocere.

Haud tamen Illud præterire debeam, quod non multo postea ita egit Deus & vindicavit Causam meam præ totius Mundi oculis, ut nemo esset tam pervicaciter cæcus, qui non hoc vel invitus cernere, metuque aliquo, & gravi sensu cogeretur Memorabilem illam plagam, & ultionis Divinæ Præfagium agnoscere.

Ioannes enim *Hothamius* nullis à me Convitiis acceptus, nullis Minis, nullis aut verborum, aut Secreta animi mei Imprecatione devotus, sed Conscientiâ sceleris sui tantum percitus, & ab una Inconstantia ad Aliam delapsus, brevi, suo & Filii sui Majoris

joris Capite, pœnas luit tantæ Perfidiaë, ab iis Iplis multatus, à quibus aliam Mercedem uterque sperare poterant, quàm ut *Capita* sic illis à Corporibus disjungerent, quorum *Corda* juxta erant à Rege suo divisa.

Neque haud ita mirandum est, Eos qui in Re tanti Momenti, & tam Prospera operâ Illo- rum usi fuerant Misericordiam non invenisse, quâ tam præclare de se meritis ignoscerent; *Apostasta enim ad Fidem Pristinam Scelus est nonnullis omnium maximè Irremissibile.*

Sed nec ultio suffecit *solitaria*, nec *unius* è Familia *Capitis* abscissione expiatur satis Contumelia summo *Capiti* Reipublicæ infligta: Involuendus est Major Natu Filius eodem ipso supplicio, eodem ipso cum Patre crimine adversus Patriæ Parentem, maculatus. *Germen & Radicem* Deus voluit uno Die excindere.

Occurrent hæc facile cuivis. Quod scilicet me attinet, tantum abfui ut lætarer *Hothamii* pernicie, (quod tamen cum ab iis orta esset quibus Ministerium suum Primus contra Me locaverat, vel *scilicet* Maximam *vindictæ* explere potuisset) ut Illius tanto gravius miseret, quo Eum magis adversatum Conscientiæ suæ, quàm in Eadem causa cæteros, arbitraret.

Nunquam enim ea habitus est superstitiosa *Morositate*, quam nonnulli præ se ferunt in Religionis Causa, quæ ita tenebras offundit Judicio, ut nil prorsus malum esse, aut perfidum

dum appareat in quibuscunque utuntur in hunc Finem Mediis, quo ad Religionis suæ (ut vocant) Instar, Reformatio fiat; atque id *Aurum* ducunt *Pietatis* quicquid *Zeli* quædam specie & *Fervoris* coruscat.

Longe ab his diversum censeo *Ioannem Hu-
thamium*, atque adeo crassæ Illi *Ambitionis* Tentationi faciliorem, quæ nullo Fuco, aut Pallio Religionis, vel sibi, vel aliis imponit.

Eo verò magis Illius miseret, quod cùm flecti in pœnitentiam cœpisset, & Peccatum in me admissum officio aliquo redimere cogitasset. tam infœliciter cum eo actum fuerit, ut in Illorum potius *Iustitiæ* Manus, quam in Meam *Misericordiam* incideret, qui æque facilis fuisset hanc veniam dare, quàm Ille à Me petere.

Clementiam enim Debitum quoddam existimo persolvendum Petentibus, iis saltem, quos credibile est haud in malum deinceps abufuros, cum Deus Ipse nihil aliud à Nobis in *Misericordiæ* suæ Pretium, quàm *Preces*, & *Laudes* accipiat.

Heu Hominem Infœlicem ! qui Monumentum jam extat Infauftæ Perfidiae : Simulque Orbi Documentum tristi Mortis suæ & acerbissimo Spectaculo, quas secum pœnas trahit (tanquam umbram Corpus indivisam) Insolentia subditi in Principem. In his enim plerunque sævi illi maximè & Implacabiles, quibus primò hæc opera navatur.

Quæret de *Hothamio* Posteritas, an plus in
Nulla

Hulla Ignominia vel in Arcis Londinensis Colle contraxerit ; quanquam id verum sit , nullo ita supplicio contaminari Honorem , quàm sic sponte patrato Inhonesto Facinore, quod, præter vulnus conscientiaë , æterno Infamiaë stigmate urit Nomen & memoriam in omnem Posteritatem, quæ à studiis Sæculi, & Partibus libera incorruptius multo judicabit.

Tu vero (Domine) qui tam insigni exemplo Famulum Tuum vindicasti , ne me inde patiaris quid secretæ voluptatis haurire , nec Mors Illa, quâ , pro Injuria mihi facta satis luitur , ulli Amplius Affectui Meo gratificetur , ne Vindictam Tuam, Meam faciam : & plus admissam in me contumeliam , quàm in Te peccatum intuear.

Tu sane absque ullo Conatu meo, vel desiderio fecisti ut convertatur Malum Ejus in Caput Ejus & in verticem Ipsius Iniquitas ejus descendat. Suscepisti causam meam coram filiis hominum, ut sciant quia manus tua hæc , & tu Domine fecisti eam.

Haud enim dicam , haud ausim dicere, si pereant omnes Inimici mei. Imo (Domine) Veniam iis potius , & Pœnitentiam dones , & (si Benedicta tua voluntas fuerit) Impunitatem.

Ne præveniat Tua Iustitia Objecta, & opportunitates Meæ Misericordiæ, Imo vivant, & emendantur qui in Me tam atrociter deliquerunt , ut Illos Saltem condonandos habeam, quorû in me offensæ, Meis sunt in Tuam Majestatem simillimæ,
quas

quas jam spero Misericordiã Tuam mihi ignorasse.

Ne statuas Illis (qui adhuc vivunt) Peccata sua in Condamnationem , sed Conscientiis duntaxat ut emendentur. Fulmen istud quo Vnus tam atrociter percussus est , omnes terreat.

Detege ignorantibus Peccatum suum, & à Peccato Sceleratæ Prævaricationis absterre, ut anticipantes Iudicia Tua vera Pœnitentia , Iræ Tuæ Æternæ plagas effugiant.

Et Tu Domine stabilias Thronum Meum in Misericordia & veritate sibi obviantibus : floreat Corona mea in Justitia & Pace osculantibus.

Exaudi Preces meas (Domine) qui nos orare docuisti pro Inimicis Nostreis , iisdemque benefacere, & Tui causâs, amare, qui ultro Amorem Tuum exhibens nos Hostes Tuos prævenisti, & misisti Filium Tuum Iesum Christum, qui pro Nobis moreretur, cùm Nos Illum parati essemus Crucifigere.

9. De Exercitibus conscriptis, & contra Regem levatis.

IN Eodem me adhuc statu agnosco , quo fui, cùm Alba Aula coactus discederem.

Quod Tumultus non poterât, jam facturus est Exercitus : qui nil aliud re vera est quam

D

Tumul-

Tumultus Conscripti & methodo quadam meliori, sed in eundem prorsus Finem ordinati. Crevit Illis ex Discessu meo Fiducia posse Me etiam & vinci.

Quod quidem perfacile est, si quis Robur Meum Externum spectet, perexiguum certè aut Nullum. Animus verò mihi superest (Dei Gratia Roborante) Inviçtus, quo superiorem me futurum haud dubito, si cum modum Constantiæ Deus dederit, ut Illum potius quàm Homines metuam, & *Internam Conscientiæ Pacem* cuivis *Externæ Quietis* anteferam.

Ergo jam Vi oppugnandus sum, quia Rationes quas opponant, non habent? Erige Te Anima mea & confortare: Agnoscunt scilicet Imbecillitatem suam, quamque sint à Veritate, & Justitia inopes, qui sic Armis malint quàm Argumentis Contenderè.

Hanc ergo mihi Gratiàm referunt, hanc mihi mercedem rependunt tot ob Leges Benigne Sancitas, & ob ea quæ indigne pertulerim? Nulla ergo ratio superest, quâ *Princeps* tandem *Gloriosus* nisi ex Perpeſſionibus meis efficiar?

Anxia sanè & difficilis optio *Amanti Populum Principi*, & ab iis vicissim amari cupido, ut vel suos occidat, vel à suis occidatur.

Ergo Belli Civilis Miseriam & Pericula in ipsis Florentissimi Regni mei visceribus supremum tandem Fructum percipio Regni per Septem-decem annos administrati, eâ *Iustitiæ Pacis, Affluentia & Religionis* mensurâ, ut vicini

nis circum Gentibus admirationi esset vel Invidiæ? etiamsi fieri posset ut Abusus nonnulli irreperent, pravis forsitan Eorum consiliis qui ad suos tantum Fines collimârunt, vel lividâ aliorum Morositate, qui quicquam Publicæ Rei sine seipsis administrari invidebant, vel Arcano potius Regnorum & Insuperabili Facto, quàm ullâ mei Ingenii ad Injurias, aut Oppressiones, ut spero, proclivitate.

Cujus enim unquam Toto Regni Mei Tempore, innocentem sanguinem fudi, ut sic Iræ meæ, Libidini, Avaritiæ litarem? Quæ Viduæ aut Orphani Lachrymæ in Testimonium Me contra producentur, ut eorum Justis clamoribus sanguine Meo Satisficeret? Idem enim Omnium in Bello periculum: nec *Discrimen Personarum* Glans Scloperi agnoscit.

Frustra igitur *Personam Meam* excipiunt, Supervacuâ Verborum *Parenthesi*, cum tot Manus in me Gladiis armantur.

Testis mihi est Deus, quàm seriò huc animum intenderim, ut quibus *Justitiæ Fundamenti* Bellum Hoc inniteretur, perspicerem, ut Æquissimis Conditionibus delatis, vel tempestive occurrerem Intestino huic Motui, vel maturè terminarem: qui plerisque haud immeritò videtur, è *Longæ Pacis Nausæa*, & *Lasciviâ Animorum* fluxisse, vel *Privatis* potius *Æmulationibus*, *Ambitione* & *studiis* quam in solida ulla Causa fundari, quasi aut Publica Justitia interclusa esset, aut *Parlamentorum Privilegia* violata.

Quod tamen cū obtendunt, incumbit Mihi maximè diluendum, coram Deo saltem in Conscientia Mea, quanquam nolint Mihi fidem habere nonnulli, ne seipsos condemnent.

Cū primū ab *Aiba Aula* secederem, eo prorsus Consilio, ut *Tumultuantium* Insolentiam sedarem (quos non antea fuisse oppressos, concessio præsertim quo id fieret Armato satellitio, nulla alia potest causa afferri, quàm, ut Meam, & *utriusque Ordinis* Libertatem pronunciandi secundum Conscientias Nostras tollerent) in quo amplius tunc temporis impedita Justitia est quàm, quod uni Justum, alii fortè non item videbatur?

Ecquis unquam Potentiâ mea contra *Parlamenti Iustitiam* protectus?

Quod vero Nonnulli recesserint, Iniquitatem Judiciorum suspicantes, & *Straffordii* Fato admoniti (eadem adhuc Plebe interminante, Ipsis nempe Interitum, & de iudicibus eorum se cognituros) ex Illo fluxit *Instinctu Naturali* quo se omnes velint conservare. Si qui Alii se sistere recusarent, cū id clarè perspicerent, ita *Iustitiæ & Libertatis* cursum ab Illuvie illa Populi obstrui & turbari, ut nec Legitimi sui *Iudices* vel in *Domos* venire audent, vel sensus suos liberè & tuto profiteri, mirum haud videri debet æquo homini, cū, vel Publico semel odio objici satis esset ad cuiusquam perniciem. causâ omninò inauditâ, vel nondum cognitâ.

His si minus fuissent Factionum Tumultibus, *utriusque Domus* Libertas & Honos oppressa, si Justitiam suam contra Illos asseruissent, aditumque tutum Omnibus ad Conscientias suas Declarandas præstitissent, neminem mihi novi tam charum, cui vel omninò consuluissem secedere, vel ut citatus negaret comparere; ab iis præsertim, quorum Sententiæ secundum Legem prolatae omnem subditum opinor stare oportere.

Creverat sane ita in immensum hic Furor (quia his vulgi Insolentiis haud tempori itum est obviam) ut hoc maximum esset Crimen Eorum quos ut Noxios deposcebant, & damnabant suffragiis, quòd Scilicet ab his se *Tumultibus* in Ordinem cogi, nec à Patronis eorum contineri paterentur, nec suffragiis suis denique aut Præsentia obsecundarent illorum Consiliis qui Res Novas agitabant cum *Ecclesiæ & Status* perniciæ.

In quo quidem Constantiam eorum & Cautelam laudo, ultra nihil cujusquam *Contumaciæ* indulsi adversus *Domuum statuta* & Privilegia, quibus nil magis optavi, quam ut Libertas Illis sua, & Incolumitas, & Integer Numerus constaret.

Res autem sic se habet. Nonnulli eorum atque in non pauci, cum æquo & Recto *Parlamentorum* more (ubi liberè Consultandi, & suffragandi locus) majorem partem *Procerum & Communitatis* in sententiam suam trahere desperarent, huc demum incumbuerunt,

ut præcipiti sedulitate factiosorum Tumultuum absterrent Illos omnes & penitus exigerent, quos pessimis suis Consiliis adversari perpexerant.

Quoties enim in Re illa *Episcopali* an *Loco* suo *Antiquo* & *Indubiis Privilegiis* in *Domo Parium* gauderent, obtinuit eorum *Causa*, *Majore Parte Procerum* secundum Illos pronunciantem? Hæc tamen adversus Illos *Rogatio quinquies* licet repudiata rursus *Contra Fas* omne & *Morem*, per vim & *Turbam* obtrusa & à *Paucis* admodum perlata est, cum plærique è *Proceribus* eâdem vi coacti necessario abessent.

Quemadmodum etiam & *Lex Illa de Radice & Germine* *Omni Tumultuantium* clamore, & *Schismaticis Terroribus* promota, haud tamen utique ferri poterat, dum in *Vtramque Domum* infrequentia jam suâ *Rarefactam* postremo vi invalescerent.

His ergo Studiis inquis dum (prout *Ratio*, *Justitia*, *Religio* exigit) *Conscientia* prohibeor adstipulari, cæterasque eorum sententias, consensu meo *Acta Parliamentaria* efficere, propter hoc jam *Armis* impugnor, atque in eam necessitatem redigor, ut vel *Me & Regnum Meum* (dum me coner defendere) in *Extremum Discrimen* adducam, vel *cæca* quadam *Obedientia* *Conscientiam* Meam iis prosternam, qui *Superstitioso* quodam *Zelo* vel credunt, vel simulant credere, se *Deo & Ecclesie* melius inservire non posse, quam si *Primitivum*

mitivum Apostolicum, & Antiquitus Univer-
sale Ecclesiæ per Episcopos Regimen extinguant
 penitus, & aboleant.

Quod quidem cùm Alii mero judicio suo ducti satis se credant ad tuendum obligari; vel saltem ne in Illius *Abolitionem* consentiant, quanto hoc mihi incumbit vehementius, qui præter ea *Fundamenta* Judicii mei mihi cum Aliis communia, etiam *Iuramentum* suscepi in Conscientiam meam, *Rigidum* prorsus & *Indispensabile*, ad hunc Ipsum *Ordinem* & *Ecclesiæ* Iura conservanda: quod si unquam consensu meo violarem, atque adeò sacrilego & detestando Perjurio Christiano Rege indignissimo illigarer, supra omnes misérias ducereim quæcunque mihi jam obtigerunt, vel unquam possint obtringere: cùm vel *minimum peccatum* plus in se mali habeat *Calamitate Maxima* quacunque. Illud tamen si protinus fecissem, & *Factioni* Isti *Anti-Episcopali* in hac sua *Rogatione* indulgissem, Furenti eorum Avaritiæ, aut Ambitioni, aut vindictæ postremò Appetitui, Ecclesiæ *Regimine* & *Proventibus* immolatis, statim Illa speciosa Necessitas conscribendi Exercitus quo *Delinquentes* videlicet ad pœnas traherent, omnis fuisset evanitura.

Quod in *Legem* eam consenserim quæ Episcopos exclusit e *Domo Parium*, ex ea maximè fluxit Fiducia, quâ sperabam æquanimiter illos laturos detrahi aliquid in præsens Juri suo

& Honori (in Mei & Reipublicæ gratiam)
quàm vel minimò ab Illis obice posito Mihi
& Regnis Meis periculum creari. Ne verò
porro consensum meum adjiciam ad extirpan-
dum penitus illud Regimen (quod tamen
æquâ & commoda Ratione Regulandum sæpe ul-
tro proposui) eò amplius Conscientiâ meâ ob-
stringor, quatenus illud *Religiosum & Aposto-
licum*, imò ita *sacrum* prorsus & *Divinum* cen-
seam, ut non modò non *aboleri*, sed omninò
cum Illo dispensari non possit, cum quæ à *Ci-
vili Gratiâ*, *Honoris Privilegia* Illius Ordinis
Hominibus concessa fuerint, liceat forsan eo-
rum, quorum interest, consensu abrogari.

Hæ nempe sunt illæ *Obstructiones*, quas in
Iustitiam, & *Authoritatem Parliamentariam*
factas, passim divulgabant, cùm (Deum
Testem appello) nullas scirem illius Momen-
ti, ut vel Belli mentione opus esset, cùm non
aliæ prorsus fuerint, quàm, quas *Iustitia*, *Ra-
tio*, & *Religio* meæ & Aliorum Conscientiis
suggererant.

Postea quidem Magna species *Delinquen-
tium* apparuit: quod necessario erat secuturum
subducentibus se Plurimis exemplo meo, &
se ab Impetu Illorum tutantibus. At hæc pri-
ma Conscribendi exercitus causa esse non po-
terat, in quo tantùm abest ut eos prævenerim
(quod crebrò ab Illis jaëtatur, quo scilicet
Favorabilem suam Causam reddant tanquam
in sui *Defensionem* excitati, in me verò, ut
Primum Aggressorem odium omne, & Invi-
diam

diam transfundant) ut (Deum conscium appello) nec spes ulla Exercitus Animum Meum tentaverit . Si enim , edito in Facinorosos exemplo *Tumultus* Isti efficaciter & Honorificè repressi fuissent , & Libertas *Domorum* ita vindicata , ut utriusque Ordinis Membra , eo Honore & securitate (quæ *Senatum* ejusmodi decebat) & accedere , & profiteri Conscientias suas potuissent , compos fuisset illius , cujus voto recesseram , & multò celerius rediissem quàm tunc abieram , cum illud solum Necessitate fecerim , hoc Sponte essem facturus .

At nimis gnari Nonnulli , me idem mecum quod extuleram *Iudicium* & *Constantiam* relaturum , quæ haud perinde eorum Consiliis quadrare potuisset : invitantes licet reditum meum , & de Absentia mea graviter querentes , fatis illam libenter pertulerunt ; præsertim postquam Novum illum & speciosum Prætextum excogitassent , ideo Arma sumendi ut *Delinquentes* repeterent , dum interim pessima illa & minimè omnium ferenda Tumultuantium *Delicta* ac eorum Authores impunè habiti , qui Barbaris & Indignis contumeliis Me & tot ex utroque Ordine à Loco suo depulerant , quem non minùs inviti deserebant , ac His erant libentibus pulsì , ut hinc ansam arriperent illos Hostilibus Injuriis persequendi qui haud satis fracto animo Turpis cesserant .

Hunc vero Rerum fuisse Statum , & præcipuum eorum Consilium qui contra Me Arma

ceperant, ita liquet ex iis quæ secuta sunt, ut nullum postea colorem admittat. Cum enim diversis subinde *Propositionibus*, & *Tractatum Articulis* significarent, quid à me potissimum expeterent, nihil unquam ullius Momenti, vel quoad ipsas Leges, vel Justitiæ Administrationem, exhibitum ab Illis, vel postulatum: id solum (inter alia minora quæ novari voluerant) acerrimè urgebant, *Abolendum Episcopale, & Presbyterorum Regimen Constituendum.*

Cætera omnia quovis tempore proposita, vel nihil omnino facientia ad Belli causam, vel a Me facile concessa, vel denique erant huiusmodi quæ Numerum tantum implebant, aut accedebant postea ut *consecutiva* Belli jam ab illis Injustè inchoati.

Penes me non est quid alii credant efficere, (ii præcipuè, quos illa species Pietatis & Clamor, tum Studium Religionis, & Reformandi fervor ita occupant plerunque Præjudicio, ut lux omnis Judicii, & æquitas simul obstruatur. Hæc tamen (quantum observare potui) vera fuit & est inter nos *controversia*, & *Armorum Causa*, quæ hoc fine, in initio ceperunt, ut vel os mihi penitus occluderent, vel consensum vi exprimerent. Et in hac porro Veritate, (quam Deo Teste confirmo) tam remotum me fuisse à *Belli Cogitatione*, quam eram Mundo coram ab omnibus Rebus *Imparatisissimus* ita acquiescit conscientia Mea, & id invenit solatii in mediis suis Adversis, & calamitosis

mitosis hujus Belli Eventibus, ut nec inde Me quicquam denigrari, nec vel minimam quamcunque maculam Innocentiæ meæ offusam agnoscam, unde nec illâ Integritate & Pace coram Deo destituor, ut non Humili Fiduciâ ad Eum preces dirigam.

Tu enim Domine per omnes Rerum Humanarum Nubes & involucria clarè perspicis. Tu sine præjudicio judicas. Tua Omniscentia Aeterna Iudicium tuum præstat ab Errore securum. Deus Meus Iniqui insurrexerunt super me, & Synagoga violentorum quæsi verunt animam meam, & non posuerunt te in conspectu suo.

Respice inimicos meos quoniam multiplicati sunt, & odio iniquo oderunt me.

Tu enim nosti, me nulla cupidine incitatum, nullo fine proprio, nullo denique apparatu instructum, quo sic Bello Intestini Regna Mea implicarem, ad quod certe nullo pretio invitabar, ut qui plus omnibus exponens periculo, minime omnium lucrari potuissem.

Tu Domine testis mihi es, quàm crebrò ingemucrim, & id serio laboraverim ut necessitatem illius averterem: qui haudquaquam ita impensè avidus existimari possum subditorum sanguinis, ut vitam meam propterea in discrimen mitterem, quod sæpe feci coæctus in hoc Bello Infelici, quodque multo potius factum oportuit in salutem Populi mei, quam in Perniciem.

Gratiâ Tua plurimum indigeo (Domine) ut

patienter adversa feram, quæ mihi inferri ab Homi-
nibus permisisti, multo magis iniquas eorum ca-
lumnias qui haud contenti me Bello isto lædi ma-
ximè, id Mundo persuadere conantur me id pri-
mo excitasse, vel primam Causam dedisse exci-
tandi.

Ea falsi-loquarum Linguarum confidentia est,
ut Me propemodum in Innocentiæ Meæ suspicio-
nem adducant. Imo vel libens paterer (meo sal-
tem silentio) tantum in Me reatum suscipere, mo-
do vel sic Hostium malitiam placare licuisset, po-
pulumque Meum ab hoc Bello Calamitoso redi-
mere, cum tu Domine cognoscas Innocentiam
Meam hac in Re.

Tu viros sanguinum, & Dolosos invenies, quo-
rum plurimi vix dimidiarunt dies suos, qui sibi
Ipsis improbarum Machinationum fructus olim,
& voluptatem spondebant.

Serva Domine famulum Tuum, quod adhuc fe-
cisti, & dissipa Gentes quæ Bella volunt.

Exurge Domine, exaltare in commotionibus
hostium meorum, quæ jugiter crescunt, ascendunt
semper. Ecce qui conceperunt dolorem, parturie-
runt Injustitiam, & pepererunt mendacium.

Tu scis, id maximè in hoc Bello agi, ut vel
Personam Meam Interimant, vel vim faciant
Judicio, vel me cogant Conscientiæ Meæ, & Ve-
ritati renunciare.

In hoc sum, ut (optione, illi Davidis contra-
riâ) optem potius illis Negando in Manus Homi-
num, crudeli utcumque Misericordia, quam in
Tuas Manus incidere peccando adversus Consci-
entiam

entiam Meam, atque adeo contra Te (Domine)
qui es Ignis Consumens. Satiùs multo ab illis
perimi, quàm à Te damnari. Sis Tu Animæ
Meæ usque præsidium, qui Salvos facies Rectos
Corde.

Si nil jam præter sanguinem Meum vel Ho-
stibus meis satisfacere, vel Regnorum Meorum
flammas extinguere, vel Temporalem Tuam In-
iustitiam expiare potuerit, haud repugno (si ita Tua
Voluntas sit) quin ab ipsis Meis subditis profun-
datur.

Sed ô Lavetur sanguis meus sanguine Illo In-
nocentis, & Pacifici mei Redemptoris, quo Iusti-
tiæ Tuæ non solum in præsentî sæculo, sed in
æternum integrè satisfiat, tum ob Peccata mea,
tum Populi mei, quem (Te Oro) usque Tuum
agnoscas, & cum Iram Tuam Mors Mea seda-
verit, Magnas Tuas erga Illos misericordias me-
mineris, atque illis ignoscas. Ita Pater Meus,
ignorant enim quid faciunt.

10. De Regio Armo-
rum Thesauro, Mu-
nimentis, Classe, &
Militia, à Parlamen-
to occupatis.

“ **Q**Uàm falsi Criminis arguar, quòd prior
Illos Armis inuaseram, oculi eorum
qui miserentur mei, & Fidelia Multo-
rum pectora qui pro me tantum precari au-
dent, abunde testimonio esse poterunt; quo-
rum vix tot à Parte meâ palam stant, quot in
Illâ Adversâ conscripti Milites; Ita enim
prorsus ab omnibus imparatus sum ad *Bellum*
necessariis ut deterream planè opem laturos.
Quod, ut satis argumento est quàm invitum
pugnârim, ita hoc insuper confirmat, me in
Parte *Defensiva* versari, cum revera ita sit spes
mea, & vires exiguæ, quibus Alios offendam,
ut nil restet quo Me-Ipsum tuear, & sim ab
eorum Rapinis securus.

Haud erit dubium cuiquam, eos qui me
ita *Injuriis* prævenerant suis etiam *Consiliis*
præve-

prævenisse, qui tantò me maturius prospexerant, ut paratissimi ad Bellum venirent, & Robur etiam Meum præriperent : dùm, qui ab Illis non stant, Meam Partem profiteri non audent ; Ità Numero & minis Hostium oppressa omnium Fides & perterrita. Illud meum credo potius faciliè apud illos damnari, quod Innocentiæ Meæ confisus tam ab omnibus me parare neglexerim, quibus *Ius* meum & *Honos* assereretur : haud enim ita facile Bellum mihi indixissent, si Illos primo adoriri potuissem.

Sed nimis benè norunt, nulla alia mihi *Arma* residua, quam (illa veterum Christianorum contra suos Persequutores) *Preces* Scilicet, & *Lachrymas* ; quæ quidem Bono Viro, si non in *Belli Victoriâ*, at, in *Martyrii patientiâ* sufficiant.

Istâ interim Eorum præreptione occupari mihi Castella, Arces, Arma, Naves, *Militiam*, eò usque mihi forsan proderit, ut non amplius confidam in *brachio carnis*, sed in Dei viventis me tutelam consiciam, cui æquè facile est per *Paucos* admodum aut *Nullos*, ac per *Multos* servare.

Qui voraces Ipsos vultures obsonari iussit *Elie*, & alimenta illi Ministrare, Me etiam externâ opè & præsidio destitutum tanquam opportuniorem sibi factum, patrociniò suo potest sublevare.

Haud ita (Deo Gratias) de *Militia* mihi creptâ laboro, quod sic *Meipsum* tutari, quàm quòd

quòd *Populum meum* amplius non possim .

Horum multis & duris Oneribus ingemisco, *Meis* Malis factus jam superior. Subnixus alis *precum* & *fidei*, externi *Roboris* Manum non desidero.

Mirâ vero Isti ratione *Ænigma* illud suum explicant, sc, *Gloriosum* Me *Regem* effecturos, *Potentiam* Meam *Regiam* auferendo. Egregium sane Amicis *Præsidium* ero, & Inimicis *Terror*, cùm nec Illis *opitulari*, nec Hos valeam *opprimere*.

Ita enim rem instituerunt, mihique Novam prorsus excogitârunt *Suprematus*, & *Dominationis* *Regiæ* Formam, in qua Nulla vel Realis Potestas, vel obediendi Necessitas : ut *Majestas* Regum *Angliæ* instar *Mahometis* Illius *Sepulchri*, virtute quâdam Magnetica media pendeat inter jus & *Privilegia* *Domorum*, Phantasticâ nescio quâ, & *Aëreâ* prorsus *Regalitate*.

Sed credibile est, hanc *Nimiæ* Potestatis *trapulam* quam itâ avidè arripiunt Nonnulli, & penè totam deglutiunt, brevi *nausæ* futuram & *fastidio* *Reipublicæ*, haud utique illam digesturæ : *Suprema* enim *Civium* Potestas, rarius arridet *Stomacho* *Concivium*.

Volui tamen in hoc perpetuæ *Militiæ* *Articulo*, & *Timoribus* eorum, & *Importunitati* Satisfacere, ut vel sic Amicis meis securitatem præstarem, vincerem hostium odia, & paci omnium consulere, Vnicâ illâ Iuvandi & Nocendi Potestate exutus, cùm Illis cederem

rem *Militiam* (*Ius* Meum indubitatum juxtà ac *Coronam* meam) ex *utriusque Domus* Arbitrio, durante Regni Mei Tempore disponendam.

Tam parato sum animo, quascunque de Me aliorum suspiciones extinguere, & citrà omnes de aliis vivere, ut non majorem *mihi* velim securitatem, quam *Populo* Mco, & *Illis* exopto ; quos etiamsi mihi integrum esset de *Militiæ* statuere, tueri amplius non possem , quàm *Illi* Me , & seipsos vellent ; unde mutua nobis invicem *Militiæ* utilitas , meipsum enim eo usq; tutari cupio, ut sin Bonos Meos subditos propugnandi Capax , ab eorum violentiâ & Fraude , qui suæ Improbitatis , & mali animi conscii , id Mundo persuasum cuperent, nulli tutius quàm *Luporum* custodiæ *Gregem* Ipsum cum *Pastore* committendum. Misero verò experimento didicerunt Subditi mei, (postquam mihi extorta Potestas contra Illos & Me simul adhibita fuerit) nullam utrinque incolumitatem restare , nisi eâ duntaxat ratione qua *Lex* Publicæ Saluti cavendum voluit.

Hæc tamen in Exequendâ *Militiâ* ingens & immensa *Concessio* neutiquam *Illis* satisfacit , qui revera non *mihi* magis quàm *Monarchico* Regimini adversantur , atque ad eò in posteros laborant tam malignas de *Coronâ* suspiciones transfundere , ut nunquàm amplius *Iura* sua *Pristina* (quantum ad vim *Potestatis*) obtinere permittatur : cùm in *hanc* demum *potestatem* necesse sit *Legem* omnem desinere , ut quæ ab *illa* unicè sustentatur.

Hic

Hic verò , *Honos* me rursus & *Iustitia* (quam successoribus meis debẽo) prohibet , ne in futuram ab Illis penitus abalienationem *Potestatis* Istius , consentiam ; quod quidem , *Humanitatis* & *Officii ratio* (ne dicam *Honoris* & *Iustitiæ*) vetuisset à me unquam expectere

Quamquam enim æquo animo feram , obscurari paulisper *Radios* meos , & deliquium quoddam pati & *Eclipsin* , ut eorum prospiciam timoribus , qui se illico *torrendos* vel *obcæcandos* metuerent , si pleno illo splenderem *Potestatis Regiæ Fulgore* , quâ me Deus & *Leges* induerunt ; nunquam tamen committam , ut *Sol* Ille supremi *Dominatus* , in *Succedentibus* mihi *Regibus* ita in omnem posteritatem *extinguatur* : ut ullâ *Lege* meâ vel *Sanctione* obstaculũ fiat Illis vel *Præjudicium* , quo minus *Iusta* sua *Jura* , *injustè* *Extorta* & *usurpata* , *Iure* possint vindicare. Quod quidem si facerem , non *Illis* essem magis , quam *Populo* injurius , quos sanè nollem in tam perditâ in futurum conditione relinquere , ut sint *perpetua Lege* obnoxii crebris Illis *Factionum* *diffidiis* , quæ *Mulicipitem* illam *Hydram* *Dominationis* necessario sunt consecutura , quæ , utcumque fucum faciat *populo* , *Majoris* (ut inter plures *oculos*) *providentiæ* , ea tandem reperietur , in quâ plura sunt *Ora* *Hiantia* , quæ necesse est omnia expleri. Porro (ubi optimè cum illâ agitur) aliquid forsan in se enorme habeat quo excedat , non perfectum , quo præstet

stet *Monarchiæ*; in qua, spargi potest in Varios, velut *sensus*, *consilium*, *suprema* vero in *Vno* tantum ut in *Capite*, *Potestas*.

Fortè, olim Horrores expertis & *Malignas Influentias* ex hac meâ *Obtenebratione* & *Eclipsi* (interpositâ videlicet illius *Corporis* umbrâ, quod à me solum ut *Luna* *Lucem* suam mutuatur) gravior erit restituti sui *Solis* *Gloria*, & in pretio majore *foelicitas*.

In præsentia, si hæc *Juris* mei diminutione in exercendâ *Militia* minus videar fidẽ Meam, & *Juramentum* tueri, quod in *Populi* defensionem susceperam, eorum culpa est (opinor qui mihi hanc necessitatem fecerunt, nova quadam & præpostera ratione fidem meam liberandi, dum sic videar *Fidei commissæ* deserere, atque ita solum conservandi subditos meos, ut, in pacem eorum, & quietem, me periculo aut infamiæ objiciam.

Id enim, in *Bello Civili*, prævalente Parte una, aliter effici non potest, nisi cedat altera; quod tamen ut faciam, plus in me valet *Amor Publici*, & firma *Auxilii Divini* fiducia, (quæ è *Bona Conscientia* fluit) quam quæ unquam sperari possunt ab eorum *Timoribus*, qui (cum ex facinorum suorum *Improbitate* quantumvis prospera oriantur,) nunquam aliàs eos securos præstabunt, quam *Militia* & *Gladio* munitos, quæ tamen infirma admodum sunt munimina adversus *Iræ Divinæ* & *Conscientiæ* suæ flagella, quorum hæc, semper nefariè admissa comitantur, illa olim proculdubio deprehendent.

Mihi

Mihi interim non videbor carere, quicquid *Provida Necessitas*, in Populi Mei *Pacem*, & Dei *Gloriam* Ereptura est. Hic mihi satis praesidio est, qui si unus adfuerit, abunde potest compensare (ut olim Sancto suo *Iob*) quicquid Honoris, Potentiae, Libertatis, *Chaldei*, aut *Sabei*, vel Ipse etiam Diabolus abstulerit.

Eripiant mihi licet omne Armorum & *Militiae* Robur, omnia *Arcium*, & *Muniminum* in Terra refugia, omnem in *Classe* & *Navigiis* per Mare, fugam; rapiant ipsa mihi etiam subditorum meorum Corda, (optimum Regis Thesaurum & propugnaculum) nunquam tamen Innocentiam, aut Dei misericordiam adiment, vel ad coelum mihi viam intercludent.

Ad Te igitur (Deus Meus) & tuam opem confugio, Tu, si mihi adstare volueris, plus eris mecum, quam contra Me.

Quid enim mihi est in caelo, & à Te quid volui super Terram, Etiam cum omnibus rebus dissipolier Tu mihi fias potior omnibus. Ne elongaveris à me auxilium Tuum, qui non derelinquis eos qui confidunt in Te.

Vides nullum mihi Robur superesse, quod, contra Me venientibus opponam, qui, pro me pugnandi praetextu, animati, in me pugnant acerrime, sed ad Te oculos Meos dirigo.

Tu non eges auxilio, nec Ipse porro, si Tu adsis, eguero, quo pati possim saltem, si non vincere.

Si salute mea, & prosperis haud delectaris, en me promptum in quodcunque de me vis fieri, cujus sæpè iudicia à Filiis tuis ordiuntur.

Ipse nihil fiam ut Tu sis omnia.

Tu me docuisti Nullum Regem salvari multitudine Exercitus, Tu me potes servare Misericordiarum Tuarum Multitudine qui es Dominus Exercituum & Misericordiarum Pater.

Subvenias mihi Domine undequaque oppresso, Tu meas parces suscipias, & non timebo quid faciat mihi Caro.

Gloriam tuæ Iustitiæ in Adversis Meis, agnosco. O glorificet se Tua Misericordia in liberando Me ab iis qui Animam meam persequuntur.

Per peccata mea contra Te pugnavi, Tuus subditus, & Te Gloria Tua Spoliavi, jure ergo Tu optimo potes Me per subditos meos & spoliare Robore meo, & obscurare Gloriam.

Quin Te Monstres spes mea, & unicum Perfugium: Ne dicant Inimici mei, non est salus Ipsi in Deo ejus.

Perfice gressus meos in semitis Tuis ut non moveantur vestigia mea, ne nutent pedes mei.

Custodi me ut pupillam oculi, sub umbra alarum tuarum protege me.

Insigniter ostende Bonitatem Tuam, tu qui servas dextra tua sperantes in Te, à resistantibus Dexteræ Tuæ.

Ab Impiis hominibus qui me opprimunt, & ab Inimicis, qui animam Meam circumdoderunt.

*Vias vitæ demonstra, adimplebis me lætitia cum
vultu Tuo, delectationes in dextera Tua usque in
finem.*

II. De XIX. Propositionibus cū primum Regi exhiberentur, & iis quæ deinceps.

QUanquam plurima hîc postulantur; tamen si extrema sint ista quæ petunt, iuvat tandem cognoscere, quod *pretium* ab Illis *Incolunitati meæ, & Paci Publicæ* indicitur, quæ quidem nunquam existimabo me nimio posse *redimere*, modò id fiat sine *Conscientiæ & Honoris* iactura: Si non alias licuerit, eligam potius omnem illam Calamitatem & Infamiam, quam mihi possint Inimicissimi vel optare, vel infligere.

Quædam ex his quæ *proponunt*, olim à Me ultro Illis delata; alia sunt quæ facile possunt concedi. Quod ad cætera, cū jam pridem declaraverim Me illis salva *Conscientia* assentiri non posse, haud æquum arbitror, ut districtis

strictis Gladiis, & Injuriis *Belli* obtrudantur. Mirum verò, nullam aliam *Pacis* iniri posse rationem, quàm, qua *Bellum* mihi necesse est Animæ meæ inferre.

Multa hîc à me valdè *expetunt*, nil contra vicissim redhibent, quo, vel Honoris fiat grata commutatio, vel, quæ Illis jam indulserim, vel sim porro indulturus, aliquo saltem officio compensentur: In hoc utique Honori meo favent, quod mihi *Datoris* tantum partes (quod Regium quidem magis, & *Divinum*) assignent. Revera, haud plura *flagitare* possunt, quàm ego *dare*; servem mihi seorsum modò Incommunicabilem *Conscientiæ* meæ Gemmam, nec illam à me cogar amittere, cujus damnum nihil unquam vel resarcire potest, vel restituere.

Quædam verò (quæ His rogare libuerit) ita mihi videntur omni prorsus *Ratione aliena*, ut, dum Ipse *Rationis* Compos sim, mirer illos potuisse consensum meum sperare: cum hoc Ipsi ignorare non possint, nec cum *Rêge*, nec *Christiano*, ut his omnino assentiatur, constare: Quod tot hæcenus donaverim, auget illis fiduciam, me nihil negaturum.

Multum in me valet (fateor) amor populi mei & *Pacis Publicæ*, at Veritatis tamen studium, & *Internæ Pacis* plus pollet.

Rogant enim hîc à me nonnulla, quibus si annuerem, non tam externa mea *conditio Regia* debilior redderetur, quàm afflicta *Conscientiæ* quies, quæ mihi est, & esse debet atque etiam
erit

erit, Deo favente, omnibus Regnis potior.

Quædam, quæ approbari forsan alias à Rege possent, interest tamen aliquando & *prudentia* & *Honoris* ut quibusdam *Hominibus*, & quibusdam etiam *Temporibus* negentur, ne sic *omnia* concedens videretur *nil* ausus negare, nimisque aliis animum faceret, improba & in-
verecunda postulandi.

Vt verò generali adeò, & implicito consensu (*id enim inter cætera requirunt*) in *omnia* ab Illis allata, vel proposita adstringar, tam *cæcæ* esset penitus *obedientia*, qualis nunquam à libero homine speraretur, quàm, cùm à *nullo* prorsus exigere debeamus, multo minus à Rege subditi, quorum unum-quemlibet fieri potest ut *Prudentia* haud minus, quàm *Dignitate* antistat.

Idem enim prorsus videtur, ac si *Sampson* ille olim consensisset non in *manus* sibi solum colligandas & abradendos *cincinnos*. sed in *oculorum* etiam exclusionem, quo illi tutius *Philistei* illuderent; quod multò potius certè malebant, quàm mansuefactum in contumelias, & ludibriis opportunum statim perdere.

Porro hæc qualiscunque arrogantia quâ *omnem* mihi Negandi facultatem tollunt, Illos minimè omnium decere videatur, qui se *Humiles Meos subditos*, & demissè supplicantes profitentur, in quo, satis se agnoscunt *Inferiores*, & consequenter obligari, responso ejusmodi, quod *superioris* sui Arbitrium vel *Ratio* dederit, etiamsi non integrè Satisfaciat, acquiescere

cere. Cum penes illum fatentur Vim certe aliquam Rationis, & consentiendi ac dissentiendi libertatem, nimis stultè alioquin petitori, quod nec liberum negare, nec integrum illi foret concedere.

Quod si jus illud mihi utrinque competat, (tùm qua *Ratio* jubet, ut *Homini*, tum, qua *Honos* proculdubio ut *Principi*;) quantâ jam & quam immani injuriâ circumscribunt *Rationem Meam* intra unam concedendi necessitatem quicquid ipsis rogare placuerit? Ipsis, inquam, quorum mens & sententia (in rebus utique ad *Honorem* & *Rationem* spectantibus) à mea forsan longius recedit, quàm sint Fines nostri, & *Conditio* diversa; hanc enim Deus satis & Leges discriminârunt, cum me *Regem* fecerunt, Illos *Subditos*, à quibus *opponi* mihi hæc verius, quàm *proponi* dicantur, quæ ita Regiæ Authoritati necessario *imponuntur*. Haud enim Principis sui quisquam *Rationem* astringere, & cancellis præfinire laborabit, nisi qui id simul agitatur, ut vel dividat *Imperium*, vel in Illum usurpet.

Hoc vero, pro æquitate sua postulant, ut abdicato meo proprio Judicio, eorum me Arbitrio totum tradam, atque ad eum me Eum ostendam (qualis à Nonnullis depingor) dignum scilicet, qui *Pupillus* eorum potius, quàm *Princeps* audiam. Meo quidem ut non ita ingenio arrogo, quin lubens admittam aliorum Consilia, ita neque tam penitus diffido, ut me, bruto quodam more, quorumvis

in dictata subjiciam & Rationis in Anima meâ Imperio, & Coronæ Majestate subditis meis simul proditâ. Certè, nulla unquam vel Argumenti umbra est, quâ eorum cupiditati obtemperare persuadear, qui sic suam & aliorum libertatem in Confessu & suffragiis *Parlamentariis* vel Ipsi impugnant, vel ab aliis impugnari negligunt.

Adhæc, omnes qui istos norunt, probè sciunt, quàm Tyrones sint penitus in Re *Politica* plærique istorum qui hæc postulant, ut fanè, dum me septem insuper annorum experientia docuerit, quam benè vel se ipsos regere, vel, quam à me jam extorserint, potentiam moderari valeant, omnium essem stolidissimus, & Fidei meæ commissi proditor, si remissas è Manu meâ *Rationis* & *Regiminis* habenas, in eorum statim traderem, qui jam pri-
dem instar *Ichu*, præcipitanter ducuntur; & qui in *Summam* sedem insilire impotenter cupidi, plus multò *Phaëthonta* quam *Phæbum* referunt: Omen Deus avertat.

Id utinam meminerint, se (ut optimè cum illis agatur) Sedere in hoc Confessu *Subditos* meos non *Superiores*; *Consiliarios* hùc vocari, non *Dictatores*. Ita enim *Rescripti* verba habent, ut *Consilia* sua proponant, non mihi parendi necessitatem.

Cùm hoc primum ad me allatum esset, *Propositiones* mihi aliquas exhibendas, id peti expectabam, ut *Leges Bonæ*, vel jam longo tempore antiquatæ, vel incumbente morum
corru-

corruptelâ , oppressæ , in vim suam pristinam & vigorem restituerentur ; vel ut pravæ nonnullæ præter Legem *consuetudines*, & *Personales Abusus* tollerentur ; vel, quod Ipse forsan aut alii detrimentum Publico tulissent, resarciretur ; vel, ut æque mihi huiusmodi conditiones deferrentur , propter quas , (cùm illis cordi esse intelligerem Coronæ Meæ Privilegia) multo facilius inducerer ad iis Rogationibus acquiescendum , quæ ita populi Bonum spectabant , ut me non admodum minuerent , quem *Lex, Natura, Ratio, & Religio* primo loco jubent *servare* ; sine quo, impossibile est Populum meum (prout Muneri meo par est) *conservare*.

Illud saltem sperabam , in iis quæ prave admissa fuerant vel in *Ecclesiastica Re* vel *Civili*, tam moderata futura *Reformandi* studia , vt *Fundamentum & Essentia* utriusque Regiminis integra & salva manerent ; haud verò ita utrumque conquassandum simul, & convellendum , nullâ prorsus ratione habitâ vel Legû jam obtinentium, vel Pietatis & Prudentiæ superiorû omnium *Conventusum*, vel Antiquæ & universæ Praxeos *Christianæ Ecclesiæ*, vel quæ ad Jura spectant & Privilegia *Singularium* : cum interim loco Illius , quod *abolendum* erat , nil omnino *reponendum* curarent , quod vel prioris Instituti bonum *Finem* attingerët , vel *Defectus prætenso*r suppleret , vel *Abusus* reformaret , vel , Cordatis hominibus satisfaceret, qui non verbis Phaleratis & mollibus , zelum

quendam singularem & pietatem crepantibus, ducuntur, sed id serio expetunt scire, quàm solidis Argumentis, & vivis rationibus tum *divinis*, tum *humanis*, tantarum *Negotiorum* præceps Impetus & necessitas possit sustentari.

At in istis quidem *Propositionibus* animadverto hujus generis perpaucâ vel in hunc prorsus *finem*. Nil in Legibus *luxatum* quod hîc volunt *restitui*, nulla Juris alieni usurpatio abdicanda, nulla Justitiæ obstructio *removenda*, nulla omnino Injuriarum *Compensatio*, vel quicquam æquæ hujusmodi Reformationis rogatur, cui vel *Ratio* vel *Religio*, vel *Prudentia Politica*, vel Humanum quodcunque Argumentum ad annuendum impellat.

Quod vero ad summam eorum attinet, quæ diversis temporibus perhibita, nova maximè & difficilia videbantur, id demum perspexi, ea, quæ olim in Regno *seditiones* & Ecclesiæ *Schismata* habita ac legibus propterea obnoxia, jam eò usque fiduciæ pervenisse (vulgi scilicet clamoribus & auxilio præcipuè propugnata) ut non satis habeant, ipsa, cum *vanitate* sua, *novitate*, *confusione* tolerari, nisi hoc insuper requirant, ut Leges omnes contra Illos abrogentur, quin & Regimen Illud *extirpeur*, cujus Jura jam quærunt invadere.

Hoc ad summum eorum quæ petunt: Cætera ferè sunt chartæ *ineptæ* & supervacuæ, in quibus ista involvunt ideo, ut honestius paulo afferantur.

Mihi

Mihi vero haud perinde admirationi diversitas istarum aut detestanda novitas, cum nil sit adeo portentum, in quod aliqua Phantasia non pruriat.

Illud penitus obstupeſco, quâ tandem ratione contingeret, ut Articuli istiusmodi sub *Vtriusque Confessus* nomine Parlamenti Anglicani exhiberentur, cum id certò affirmaverim vix esse quartam partem *Membrorum utriusque Ordinis* qui seorsim singuli & liberi tam perniciosas Mutationes in *Ecclesiastico Regimine* vel probare possunt, vel expectere.

Quin id etiam persuasum habeo, restare etiamnum in Majori Parte utriusque *Confessus* (modò *Libertas* illis sua & *Numerus* constet) eam *scientiam*, *Rationem*, *Pietatem*, & *Moderationem* æquanimem, ut ipsi satis discernant, quid recto rerum *usui abusus*, quid primæ *Institutioni*, *Corruptio*, quid ipsi *Regimini*, *navi Regiminis*, quid *Archetypo Exemplari*, posteriorum *errata*, & *mendæ* intersint.

Certè haud credibile erat, nullis ira vel tan levibus argumentis in contrarium adductos ita penitus renunciâsse omni legum quæ jam vigeant reverentiæ, vel pietatis Majorum Reformatantium, vel florentissimi priorum temporum Regni hujus & Ecclesiæ status sub præſenti illius Regimine.

Mira tamen nescio quâ fatalitate, quid per absentiam, silentium, incuriam supinamque & stupidam credulitatem, (qua nimis faciles nonnulli, zeli omnia & Reformationis furo

tinēta, ut sinceram pietatem agnoscere) abripi se utcunque patiebantur communi torrente, qui ex hoc (velut primo fonte) scatet *Populari Tumultu & Clamoribus*, unde haud mirum animos & vires crevisse nefariæ eorum sedulitati, qui omni arte & industriâ ex præsentibus dissidiis *Innovantia* sua consilia promovebant.

Hæc propositionum *Agmina* (cum nec tantillum (meo Judicio) Rationis, Justitiæ, Religionis ex eorum parte militaret, ut quæ a Turbis & factionibus inchoata) jam nec solitaria incedunt, sed *alio Militum Agmine* sustentantur; quorum istud utcunque contra Personam meam invaluerit, haud tamen à prioribus illis me expugnari patiar, ulterius quàm causam video non enim Manu hîc & Numero agendum est, sed Justitiæ & Rationum ponderibus.

Enimvero, si uterque Confessus, pupillatu suo deposito, emancipasset se strenue ex hoc Tumultuantium Patronatu (qui nil aliud prorsus sunt quàm Canes quidam venatici stantes aure arrecta ad eorum hortatus, qui cum Regni & Ecclesiæ perniciæ privatos suos fines & Consilia persequuntur) vel, si hoc mihi semel persuasum fuisset, esse hæc postulata ex pluribus eorum suffragiis, qui non minore *Liberate* utuntur quàm *Jure* sedent; forte etiam judicium meum suspicari poteram, si minus plene & alacriter ad eorum sententias accederem.

Superest enim mihi *Charitas* quâ credam esse

esse aliquos inter Illos prudentes, quin & *humilitas* etiam quâ agnoscam me Prudentia eorum in nonnullis & egere posse, & uti oportere, cum hoc fine eos omnes ad hunc *Conventum* vocaverim: nunquam tamen illis concedam ita consummatam sapientiam, & ab erroribus securam, ut meipsum velim excludere: cum nemo prorsus sit eorum, cui incumbit, vel *Personam* tantam agere, vel illam *Fidem* liberare, vel eandem mecum *Fortunam* & *Honorem* tueri: atque adeo nulli valent sine *Rationis* meæ concursu (qui non secus ac sol in Naturalibus necessario hîc debet influere) ullum *Actum Perfectum*, & *Publicæ Prudentiæ Authoritate vestitum* (quo Lex scilicet constituitur) generare unquam vel producere.

Mihi vero haud certius constat de iniquâ absurditate quarundam ex his *Propositionum*, quam illud valdè exploratum habeo, nequaquam hîc libera fuisse, & conjuncta *Vota* Majoris eorum Numeri qui hîc jure sedent, & suffragantur.

Plurimæ enim ex istis, specie licet *Reformandi* prælatâ, *fermentum* illud *vetus* redolent, eorum scilicet *Novatorum*, qui sub duobus *Decessoribus* Meis, Principi simul & Parlamento negotium facessiebant, & subinde minabantur: quo, licet vulgus statim Morbum haurire potuerit, haud ita frequens unquam infecta fuit Nobilitatis Massa, cæterique ex Equestri ordine, atque adeò haud ita derepentè poterat in Majorem utriusque *Domus* partem il-

labi, ut sic unanimi voto conspirarent tot enormes, & plenas periculi in *Ecclesia* & *Regno* Novitates, omnes Praxi suæ, Judicio, Educationi adversantes invehere.

Neque vero me fugit, adscitos in hunc Ordinem plurimos impetu & studiis Popularium: quorum nonnulli nil ardentius sitiebant, quàm ut offensas quas in Me vel in Aulam Meam, vel Clerum conceperant, acriter omnes ulciscerentur: nulla tamen ratio permittit, ut immensam hanc & subitaneam *Novandi* cupidinem, ultra quàm Paucis Illis imputem, qui se Turbâ hac *Multipiti* & *Multimanâ* armârant.

Eadem interim me Ratio hortatur, Honorisque simul & Incolumitatis Respectus *Ecclesie* & *Regno* debitæ, ut ejusmodi mihi *buccellas* oblatas lente prius *manducem* quàm in *Stomachum* demittam: Sin conscientiæ meæ *angustia* impediar, quo minus eâ quâ alii facilitate deglutiam hos in Deum & homines sacrilegii & Injustitiæ *Camelos*, nulla causa est cur expostulent haud æquè vastum mihi *guttur* ac illis patere; Id Deo juvante fixum manet, nulla vel perturbatione, vel perviciâ, vel contradicendi libidine, vel inani *Negative Vocis* ostentatione ita transversum actum iri iudicium meum, ut sum *voluntati* meæ obsequuturus, quicquam unquam negando, quod *Conscientia* mea & *Ratio* negare vetuerit.

Contra, nulli unquam rei ultrâ assentiar, nisi si in quantum eâdem *Ratione*, *Iustitia*, *Honore*, & *Religione* persuadear, futurum in Dei *Gloriam*

riam, Bonum *Ecclesiæ*, *Populique* salutem & Pacem.

Satisfacere quidem conabor *Parlamento* meo & *Populo*, sed ut ulli unquam *Factioni* quantumvis potenti gratificer, nec metu subigar nec adulatione. Hoc enim esset, detrimento Corporis, morbum alere.

Cæterum, licet fides multorum, & prudentia deterreantur, quo minus liberum illud mihi & fidele Consilium (quod & possent alioquin & vellent, & quo carere jam possum, impertiant) nemo tamen efficiet, ne Sapientiam implorem *Admirabilis Illius Consiliarii* qui & optima dictare potest, & cor meum ad obsequendum inflectere.

O Tu Prima & Æterna Ratio, Cujus summa Sapientia omnipotentia armatur, instrue Famulum Tuum clara primum patefactione Veritatis, Rationis, Iustitiæ in intellectu Meo, deinde sic voluntatem adhærendi propositum confirmes, ut nullo terrore, vel injuriis, vel quacunque vi adhibita, cogant me Inimici mei in eas unquam Regulas peccare, quas tu per eas Conscientiæ Meæ implantavisti.

Non me ideo Regem fecisti, ut minor essem Homine, nec auderem Etiam meum & Non prout causam video, profiteri, quæ libertas nec vel Infimæ Creaturæ denegatur, cui vel usus Rationis inest, & facultas loquendi.

Mihi ergo soli in crimen cedit, quod in aliis ve-

racitas, & Constantia iaudabilis.

Vides (Domine) quàm pravis studiis, & quàm iniquitate illam mihi Regi suo libertatem negant, quam Tu omnibus dedisti, quamque ipsi pertinaciter sibi vendicant, cum sint ita valde solliciti, ne in minima quaque parte Privilegia sua laedantur.

Ad te supplex confugio, qui solum Regulâ non errante ducere nos potes & dirigere per ambiguos Labyrinthos cogitationum nostrarum, & quæ ab aliis difficilia proponuntur, quæ, non sine causa, suspicor ultro mihi objecta ut laqueos, ut, seu assenserim illis, seu negaverim, iis usque angustius constrictus hæream, quæ animæ meæ insidiantur.

Dirige Domine in conspectu tuo viam meam. Ne vitiosi mei affectus & perturbationes diverstant illa unquam aut obnubilent, quæ à sancto tuo spiritu suggeruntur.

Sit Gloria Tua, finis meus: Verbum Tuum Regula Mea: & Tua fiat Voluntas.

Omnibus placere non possum; quibusdam placere nil moror. Felix eo sim, ut tibi placeam; haud magnopere metuendum, si cui alii displicero.

Tu qui Mundi Sapientiam stultitiam facis, & comprehendis in Consiliis suis qui sibi Sapientes videntur, me veritate tua Efficias, in Honorem Tuum, Regnorum Meorum Bonum Publicum, & Animæ meæ salutem satis sapere; atque haud ero valde sollicitus quid à Mundo existimer vel in quo Numero habear.

Quo mihi minus prudentiæ velint tribuere, eò magis demonstrabitur tuam me Sapientia gubernans,

nans, dum nil dignum concedi pervicaciâ aut affectu degentem, & nil etiam quod merito negari debet, metu hominum concedam, aut adulatione.

Ne me in crimen illud patiaris vel infortunium labi, ut (vel sponte, vel temere) cujuscunque hominis Consilia Bono Publico injuria promoveam, dum assensu meo rata faciam.

Sed nec moroso unquam & perverso dissensu, obstem Bono Publico, aut fraudem faciam.

Dones me illa Charitate humili, ut eorum etiam sequar Consilia cum expedire in Publicum videantur, quorum in me animi benevoli perexigua argumenta reperio.

Tibi juxta facile est honestis erroribus benedicere, ac fraudulenta consilia dissipare.

Cum de omni verbo malo & otioso ratio reddenda sit ad tuum Tribunal, fac (Domine) ut summa prius curâ adhibita prodeant hæ Sententiæ meæ, & Declarationes solennes ut quæ sint maximè in Publicum, vel Bonum, vel Malum valiturae.

Quo minus isti quid petant cogitaverint, coimpensus me facias quid respondeam, sollicitum.

Sint licet graves Meæ, & populi miseriæ, & pax omnis futura gratissima, nunquam tamen permittas (Domine) ut vel minimo Conscientiæ impendio, vel illas unquam effugere, vel hanc velim comparare, cum Tu meritiò plus Illius, quam ego Dominus.

12. De Rebellionē Hi- bernica.

Motus illi in *Hybernia* tam repentini erant & tanto impetu, ut difficile sit vel Principia eorum discernere, vel præcipitatae jam Rebellioni remedium applicare.

Revera *mare* illud *sanguinis* summâ illic sævitiâ & immanitate fusi satis est in æternum obruendo omni simul calamitate & dedecore, quemcunque Deus deprehenderit vel malitiosum Authorem, vel omninò Incensorem extitisse.

Accedit verò mihi infælicissimè, ut hinc etiam quorundam Malitia in me telum arriperet, qui cum satis impudenter mihi quidvis imponere parati essent, hæc libenter sunt usi occasione *sanguinaria* quò me illâ aspergerent, cum id facinus esset proculdubio à quo Ipse maximè omnium abhorrere debeam, ut pleno in Deum sceleris, in me, perfidiæ, & in subditos ita exitiali.

Ægrè tamen ferebant nonnulli, parum sibi fidem abhibitam affirmantibus, quicquid ab
Hyber-

Hybernicis perduellibus astitatum, me Conscio saltem fieri, si non meo *Mandato*. Qui sic me calumniantes satis prius edocti erant haudquaquam novum esse subditis meis non solum absque *Mandato*, sed etiam contra Imperium meum, tum personam etiam pugnare, jactantes interim, se hoc Mea Autoritate, & pro mea incolumitate suscipere.

Vtinam Populo *Hyberniæ* nihil esset quod ex istorum exemplo allegaret, quorum certè major culpa est, quàm *Protestantium* doctrina magis omni in Principes Rebellioni, quàm *Papistarum* adversatur. Recta sit quantumvis *Intentio*, nec scandalum excusabit, nec exempli contagium.

Sed hoc Illis frequens. Qui officium in me suum neglexerit, mihi statim vertit vitio: hunc mihi semper honorem Hostes mei detulerunt, ut multum infra me censuerint modicas Injurias, in quibus scilicet haud satis clarum mei specimen edatur, vel quid pati ab illis possim, vel, quid Illis ignoscere.

Exquisitâ ergo virulentia, *Calicem* meorum Afflictionum *Felle* & *Aceto* Falsitatum & Ludibrii miscuerunt, inter alia mendacissima illud etiam objectantes, unde maximum in me damnum & infamia redundavit: quod eâ faciunt causâ, ut cum facinorum ejusmodi (quod omnis Ratio, Religio, & Politica Prudentia detestanda mihi maximè jubeant) particeps credar, tanto barbarus magis & inhumanus coram Mundo appaream

Mon.

Monstrum nempe quoddam *Cyclopicum*; cui nil aliud in *cibum* & *potum* sufficiat, quàm *Caro* & *Sanguis* Meorum Civium; cum quibus ut agatur prosperrime, plus certè in Rem meam conducit, quàm his expedit hominibus omnia turbare: qui revera rem suam agere nisi in turbidis Temporibus non possunt, & tum demum callidissimè se egisse arbitrantur, cum infœlicium eorum eventuum (quibus ipsi oblectantur maximè, & non minima Causa extiterunt) invidiam in alios transfulerint.

Sane ita prudentiores arbitrantur præposterum illum rigorem, & iniquam ultra modum severitatem quam nonnulli præ se in *Anglia* ferebant, haud minimum his *fomitrem* subjecisse, dum superiores irarum *scintillas*, (queis non deerat in *Hybernia* *præparata* Rebellioni materia) in horribilem illam *flammam* excitârunt: cum, satis jam exacerbatis animis, accedente desperatione, & ad cæteras graves molestias Extirpationis terrore, haud difficulter irritarentur ad apertam defectionem satis per se prompti in violenta erumpere, tum Religionis suæ quibusdam *Maximis* incitati, tum naturali libertatis desiderio, ut à præsentis se iugo eximerent, & futuræ asperitati obviarent, quam imminere sibi clarè perspexerant, ab avaro eorum zelo & iniquissimo furore, qui id multum pro Veritate Religionis suæ facere existimant, si non aliam præter suam patiantur.

Deum

Deum testor , me quemadmodum verè possum *lavare Manus meas in Innocentia* quod ad crimen hujus attinet Defectionis , ita lavare etiam posse & *lachrymis* ex tristis sensu meo , cum sic diffusam viderem , & omnia vastantem , idque eo præsertim tempore , cum propter dissidia , & suspiciones in *Anglia* , essent potius homines de Salute sua , & quos hic fines agitabant , solliciti , quàm de iis suppetias ferendo , qui inhumane quotidie in *Hybernia* trucidati : quorum *sanguis* & *lachrymæ* satis quidem per se fuissent , si non omnino *extinguendis* , at suffocandis paulisper & reprimendis Civiliū discordiarum *faculis* , quas ita sedulo nonnulli spangebant.

Vtinam tristis hæc *Hyberniæ* conditio nemini minus quàm mihi doluisset : ultro illuc deposcebam proficisci , sed timebant nonnulli , ne vel unum Mihi esset Regnum tranquillum : aut id saltem dedignabantur , *Inferiorem Me Scopum* ferire , aut Internecionis Mææ Gloriam aliis concedere. Acceperant modo quæ proposueram , fuisset proculdubio nec tam gravis Ruina , nec tam diuturna Calamitas , nec Remedia tam penitus deplorata.

Proximum ergo , ab ipsis Rebellionis Illius Authoribus , Eorum crimen est ; qui , vel per domesticas seditiones obstabant , ne mature occurreretur huic Malo , vel Auxilia intervertebant , vel ipsos postremo Rebelles

les ad desperationem agebant extrema omnia minantes, non iis duntaxat, qui prima Belli Hujus Capita, & Faces fuerant, sed ipsi Genti Universæ, obstinati, omnes simul, viros, sæminas, infantes, *Germen & Radicem* perdere: nulla eorum ratione habitâ, quæ argumenta plerumque in Misericordiam valida, quæque à propriis pectoribus suggesta satis audiunt illi Victores, quos non omnis Humanitas deseruit, ne sæviant videlicet in Illos, quos è facie miserabili agnoscas plus à malis suis propriis, quàm malitiâ stimulos: vel qui sexu aut ætate imbecilli nec contra manum levare, nec inter dexteram & sinistram distinguere potuissent. Quo quidem præpostero, & minime omnium Evangelico zelo illos potius imitantur à *Servatore* nostro reprehensos *Discipulos*, qui, quòd à paucis exclusi aut neglecti fuissent, haud mitius quam Igne cælitus totas Vrbes hausturo, vindicandam hanc Injuriam censuerunt; vel Illos filios *Jacob* a Patre cum execratione increpitos; cum Illa potius aspera & extrema optarint, queis ad præfractam desperationem redigantur homines, quàm moderata remedia, adhibere, qualia essent, nonnullos in exemplum castigare, alios veniâ supplicantibus ablatâ, armis exuere & in posterum tutos præstare à Gentiliùm suorum furoribus, qui eodem secum flumine natate recusantes prompti nimis essent submergere.

Est

Est autem quoddam *Zeli* genus cui clemens æquanimitas *Tepor* est, quique immanem se haberi, quàm frigidum malit: quamquam crebro etiam hi homines (quicquid simulant) plus *pellis* suæ causâ ursum, quam *maleficii* occidunt, cum sit his *præda fisci* charitate illâ potior quæ aut vitas conservat aut sanat errores.

Cùm ergo in *Hybernia Protestantibus* prævalente effectorum hostium numero oppressis & novâ indies strage cumulatis omnia auxilia vel negata essent, vel interclusa, id mecum sedulo agebant, & enixe hortabantur omnes ferè in illis locis *Protestantium* primarii, ut *Armorum* aliqua cessatione facta spacium illis respirandi efficerem, sine quo vix posse credebant absque miraculo quæ superfuissent reliquias servare. Deus novit quam tenero animo, & quàm sollicite hoc negotium curaverim, idque per viros *Honorabiles* & spectatæ integritatis, ut nec *Rebelligis* cresceret audacia, nec qui in officio manebant *Protestantium* fides & patientia frangeretur.

Cum vero hoc commodissima (qua licebat) ratione, in hâc rerum angustia, & difficultate perfecissem, jam mihi nova de integro subcunda infamia, quod non passus sim perduelles exiguum illud quod erat reliquum *Protestantium* devorare.

Abitrabar quidem & meritò , spacio hoc & mora Belli , haud ita quicquam accessurum Perduellium partibus , quàm Saluti & Paci *Protestantium* tum in præsens , & in futurum consultum : quod proculdubio fuisset , si durante *Induciarum* tempore , cordi magis nonnullis fuisset afflicta *Hybernia* , quò illa studia deponerent , quæ tam impensè promovebant , qui dexterius multo *Sanguinem* *emittere* , quàm fluentem *sistere* *callebant*.

Vt ut verò sinistre nostra omnia recepta fuerint, (in quibus (nescio quomodo) procliviores sunt homines quod falsum & deterius est credere , quàm , quod verum & bonum diligere) ut nullum supra me Judicem præter Deum , agnosco , ita magno mihi solatio est , quod ad Illius *omniscientiam* appellandum habeam , qui non ideo *Innocentiam* mihi aufert , quia , ut olim Sancti sui *Iob* , *Patientiam* meam haftenus experitur.

Satis mihi abunde est , si conscientia meæ prospiciam , fidemque meam in *Commisso* , ut Regi , liberem : quod ad illa convitiolorum examina , quæ ex ore quorundam & pectoribus , non secus ac fumus è fornace & scintillæ evomuntur , vix iis vacat attendere , nedum prolixis Apologiis satisfacere conari , Illis præsertim hominibus , qui *Abyssus* *Improbis* *sua* *conscii* , ægre quenquam seip-
sis minus *Improbum* agnoscunt.

Regium

Regium est, benè facere, male audire, Illud faciam modo, hoc feram libens. (Deo gratias ago) patienter audire possum etiam quæ mihi affingunt Inimici deterrima. Spero quoque me plus boni facturum, quam aut merentur Isti, aut cupiunt.

Olim (credo) manifestum fiet, eos qui cætera mea Regna turbare cæperant, reos esse magnam partem etiam horridi istius in *Hybernia* cruoris, si non quâ primo fusi, at quâ tardè repressi.

Quem certè (quicquid ipsi dicant vel sentiant) non aliter accipio, quàm è venis meis haustum tantum sanguinis, cum nemo prorsus, sat scio, plus hâc effusione debilitetur. Quancumque verò insatiata sit hominum sævitia, spero Dei misericordiam Justitiæ Ipsius aliquando dicturam, *sufficit, & Civilium Bellorum Gladium* in vaginam suam recondi jussuram, cum misericors Illius Justitia non perniciem nostram velit, sed Medicinam : ut sit scelerum diminutio, non gentis excidium.

Prævenias nos (Deus Meus) repetitis tuis Misericordiis, quæns Ego & Populus Meus sumus valde abusi, nec, ut unquam restituantur, mereri possumus.

Vides quanta inter Christianos immanitas sub Religionis specie exercetur, quasi Christiani

stianis esse non licuerit, nisi nos sic mutuo crucifigeremus.

Quia virtutem Tuam non dileximus, nec charitatem exercuimus, Tu spiritum Erroris & Acerbitatis, Mutuique & feralis odii inter Nos exoriri permisisti.

Ignosce (Domine) in quo peccavimus, & quæ perpeßi sumus, sanctifica,

Qui per ingentia peccata cecidimus, liceat ex pænitentia exsurgere.

Ne tibi parvæ videantur quas Ego & Regna mea ærumnas pertulimus, sed peccata nostra reddas conscientiis nostris qualia in speculo Iudiciorum Tuorum exhibentur, conspicua: haud enim parva delicta tam atrociter soles castigare.

O ergo pro magnarum Tuarum Misericordiarum multitudine, ignosce peccatis nostris, & Iudicia Tua removeas vehementer multa, & gravia.

Premant tamen Nos usque peccata nostra, gravius faxis quàm Iudicia, fac nos magis in resipiscentiam, quam in liberationem gestire; Da nobis inprimis pænitentis Conscientiæ pacem, & tranquillitatem deinde in Conjunctiõne Regnorum.

In servatoris nostri sanguinis Mari, obruas precor peccata nostra, & per Rubrum hoc nostri sanguinis Mare, ad stationem aliquam Pietatis, Pacis, Affluentiæ perducas.

Vt pro Publico Meo Munere, quo omnes contingo, Populi mei perpeßionibus consocior, ita faxis

faxis eo sensu eorum efficiar, qui Christianum Regem deceat & Patrem Populi Amantissimum.

Probra illa & injustæ in me sparsæ calumniæ, sint mihi lenis instar spiritus qui miserationem meam accendat: Da prunas ardentes charitatis super caput eorum coarcervare; ut ab illis colliquescant qui malitia aut crudeli Zelo acti vel accenderunt has flammæ, vel extingui vetuerunt, quæ sic tria mea Regna devastarunt.

O subvenias & liberes miseros illos in Hibernia Protestantes quos tu hæcenus servasti superstites.

Et duc eos in semitis salvificæ Tuæ veritatis qui aut inscitia sua aut errore perniciosis his Dogmatis & perduellionem spirantibus imbuuntur, atque hæc interim agentes tibi obsequium se credunt præstare.

Sit tuæ Manus Iustitiæ contra Illos, qui malitia sua & virulentia vel excitarunt Bella Illa seva & immania, vel illis fomitem dederunt.

Tu qui non amas perdere cum nocente innoxios, & errantes pariter cum malitiosis; qui misertus es Niniveh propter multos infantes, ô ne totam stirpem Pupulosæ hujus & deceptæ Gentis objicias eorum furori, quos avaritia sua facit crudeles, nec iracundiæ vehementer feroci atque adeo juste execrandæ.

Serves, (si voluntas tua fuerit) etiam in media severæ tuæ Iustitiæ fornace, semen Posteritatis Misericordiam Tuam laudaturæ.

*Et age mecum non secundum injusta hominum
oppro-*

*opprobria, sed secundum innocentiam manuum
meorum in conspectu Tuo.*

*Si concupiverim omninò, vel delectatus fue-
rim in hac die calamitosa miserabilium mihi Re-
gnorum, si non serio laboraverim, & huc omni
studio incubuerim, ut sanguinolenta hæc dissi-
dia quoquo modo prævenirem, vel componerem,
tum sit manus Tua contra Me, & Domum Pa-
tris mei. Vides (Domine) satis mihi inter Ho-
mines, hostium extare, & propterea nec opus
habeo, nec revera auderem ita mihi, & Meis im-
precari, ni mihi testis esset Integritatis Conscien-
tia Mea, quam Tu (Domine) satis nosti, nequa-
quam tamen merito meo, sed misericordiis tuis
confido. Parce Domine, ac ne irascaris in æter-
num.*

13. De Scotis in An- gliam evocatis, & eo- rum Adventu.

GEntem *Scotorum* præter illa (cum Pa-
tre in eo fœlicis memoriæ Commu-
nia) Naturæ, Dominii, Beneficentiæ
vincula, multis etiam recentibus beneficiis
devinxeram; nonnullis inter eos acribus vi-
ciis & industriis eousque indulgens, ut viderer
plus

plus illorum hominum *desideriis* quàm vel *Rei* meæ propriæ, vel *Honori* consulere: At jam video, è Regiâ munificentia *audaciam* nonnullis crescere ultra fines Modestiae & Gratitude, *agendi simul & flagitandi*.

Charitas mea vetat & Lex illa *Pacificationis* ne in superiora respiciam, in quibus, procul à me absit, ut ingratitude cujusquam vel inconstantia in poenitentiam eorum adducar, quæ in Publicum Bonum concessi. Faxit Deus ut in bonum cedant.

Ut verò denuò in *Angliam* Pars Illa cum exercitu rediret, nullam aliam ob causam, nisi ut Ecclesiam *Nostram* ad Novam illam *Suam* formam cuderent, certè haud minus iniquum videtur, quàm, erga se fuissent arbitrati, si hinc eadem in Ipsos tentassemus.

Aliud vero quod hîc agerent, nunquam scivi, (missis illis vulgaribus *Religionis* & *libertatis* nugis) quàm ut exemplar suum *Presbyterale* ita recens formatum, firmitus hac ratione efficerent, cum à nostra deinde Ecclesia (vel *sanguineo Characterè*) describeretur.

Quod *Consilium* eorum & *Finis*, an satis Divinæ Justitiæ tam violenti *Medii* usum approbaverit, eorum Conscientiis relinquo, qui hujus *Medii* calamitates experti, nondum *Finis* optati beneficium, vel in Hoc, vel in Illo Regno percepêrunt.

Multi enim hic nodi occurrent, & non levia ubique offendicula, quæ impediunt quominus

minus Ista (cui sic plauditur) tanquam unica esset iusta *Reformatio* , Disciplinæque & Regiminis recta *Constitutio*) ita securo pede transcat , quo in *Scotia* dudum pervagata est, & quod nonnulli etiam in *Anglia* crediderunt futurum , cum tot è clero *Anglicano* seu *levitate* , seu *irâ* , seu peiori aliquo *affectû* incitati , deserta sua pristinâ in *Episcopos* fide & obsequio , ad *Presbyteratum* omnes circumagerentur.

Mihi quidem ita videtur , esse hoc *Hominum se quærentium* & in quos *privati affectus* plus pollent quàm *Zelus* verus , & pia *prudenzia* ; ut aliquod exterum Regnum vel *Ecclesia* ea aliis remedia præcipiat , quæ Ipsi cum *successu* magis quam cum *laude* usurparunt ; haud interim secum reputantes , idem sæpe medicamentum pro diversa corporum temperatura , diverso modo operari , idque alium *sanare* , quo alius *occiditur*.

Sed nec ullos in *Ecclesiæ Anglicanæ* constitutione ita *malignos humores* vel sic tenaces compereram , ut non *Pharmaco* multo mitiori , quàm vi *Armata* *pellerentur* : Neque sane ita congruum videtur *Piæ Reformationi* ut sic se *Gladio incidi* , & quasi *exasciari* permittat , sed ut legitimis & æquis *Disputationibus* poliat , eorum scilicet ad quos hæc spectat maximè , nec vi ullâ , sed *Ratione* expugnandos.

Id vero isti agebant , ut *Disputationem* potius omnem præciderent , quam æquam ullam & Rectam procurarent. Hoc enim ante statuerant , omninò clerum *Angliæ* ad *Scoticum* Instar conformandum , quam vel unquam audiretur quid vel Illi in causa sua , vel contra ipsos essent dicturi.

Æquior utinam fuisset procedendi ratio. Certè *samæ* suæ melius consulissent (qui hæc tantâ vi urgent) tum aliorum *Conscientiis* , queis , non æquè dubia sua expedire idonei *Milites* in acie pugnantes , quam in docta & libera Synodo disputantes *Scholastici*.

Si quidem in Re Religionis , eæ maxime veritates in Judicia & conscientias nostras valent , quas secularis violentia minime omnium obtrudit , quæ veritatem præjudiciis infirmat & nullâ prorsus ratione usurpari debet , nisi , cum omnibus ad rationaliter evincendum frustra mediis adhibitis jam , cum excusari non possit ignorantia , pervicacia meritò castigatur.

Id quod nulla charitas suspicetur de tot piis & eruditis *Ecclesiasticis* in *Angliæ* , qui cum semper educati fuerint *Episcopali* Regimini conformes , haud ita facile existimentur antiquæ suæ sententiæ , & Praxi renuntiassse , hoc solum argumento persuasi , cuiâ sic parti *Scotiæ* collibuit , se cum simili sibi in *Angliæ* Factione conjungere , ut sunt

mâ ope & viribus Ministros omnes (velut oves) in eandem *Presbyteratus* causam compellerent, certi aliàs vel eos perdere, vel ad cutim usque attondere gregis sui beneficio destitutos. Quod si etiam probari posset *Presbyteratum* hunc *Scoticum* unicum omnium Ecclesiarum Regimen fuisse à *Iesu Christo* institutum, vix tamen &, ægrè credo probaturos, *Christum* unquam in mandatis dedisse vel his *Ipsis Scotis*, vel alii cupiam è Subditis meis, ut in quocunque Regno meo sine meo Consensu, mero *Gladii* jure, erigeretur.

Satis patet in Euangelio quantam *Christus* Ipse & *Apostoli*, Illis, sub quibus degebant, Principibus Reverentiam & obsequium præstabant: An vero Ipse vel Illi, *paritatem* hujusmodi *Presbyterorum*; eâ quâ *Scoti* isti conantur, ratione instituendam unquam præceperint, extra omnem (opinor) controversiam est.

Etenim si in tali *Suprematu Presbyteratus* à *Christo* institutus fuerit; ejusmodi plane institutum est, quod est cæteris Ejus omnibus diversum. Imò, primus omnium & solus *Christianismi* Articulus, qui tanto sanguine Christiano plantari & irrigari necesse habuit; in quo quicquid unquam effusum est, fuit cursu longè contrario primis Illis *Christianismum* & *Episcopatum* plantantibus, qui hoc sanguine suo patienter fuso, non

non *aliorum profuso* peregerunt. Nimis vero istud *homines* sapit, parum *Christi*; cuius nulla omninò Institutio *Ambitionis* aut *Avaritiæ* stimulis vel initia sua debet vel incrementa, cùm utriusque hîc vehemens suspicio.

Nil tamen aliud afferebant hi *Scoti* quod alicujus momenti videretur, quoties me vel armis *urgere*, vel per Delegatos *suadere* conabantur, (serio subinbè obtestantes, mox, pio suo more minantes) quàm hoc unicum & præcipuum, Magnam jam necessitatem incumbere constituendi in *Angliâ* *Presbyteratus* ad vitandas scilicet futuras *Belli* misérias, quod nonnulli hoc fine inchoatum, necessitatem sibi fecerant persequendi.

Rogo jam quid obstabit (si huic sententiæ & exemplo acquiescendum) quo minus omnes *Sectæ*, *Schismata*, *Hæreses*, *Numeris* modò & *Viribus*, & *Opportunitate* instructa) eâdem prorsus violentiâ *Insanias* suas erigant passim & stabiliant. Et tamen hæc *Presbyterales* odiosè exagitant, & omni modo coercenda æquum putant: cùm revera id cordati homines & docti censeant, nulla *Schismatis* & *Sectæ* manifestiora indicia quam in hoc genus *Presbyteratu* ostendi, tum, quòd secus sit ab Antiquo & jam maximè, universali *Ecclesiæ* *Regiminie*, tum ab ipsis etiam in *Ecclesiâ* *Anglicana*



Constitutis Legibus, quæ nondum sunt abrogatæ : nec à me unquam abrogandæ , ni argumentis melioribus Rationis pariter & Religionis edoccar , quàm quæ è *pera militari* depromenda.

Deo eventum relinquo , qui ubi semel opinionum stultitiam , & impotentiam Affectuum sustulerit , multifariam potest instillare illas Veræ Rationis , & pacificæ Prudentiæ regulas , quæ supernè descendens , ad Dei *Gloriam* maximè , & Ecclesiæ *Bonum* contendit : quibus me conscientia mea obligat eò curâ impensiori , & sollicito magis zelo attendere , quantò cætera Republicâ Ecclesiam , *Christi* *Gloriam* meâ *propriâ*, denique *Salutem Animarum* , omni *Corporum* , & *Facultatum* conservatione dyco potiore.

Nefas interim (meo iudicio) & improba præsumptio , ut ulli omnino mortales , in *Ecclesias* meæ fidei , & tutelæ concreditas , *Formas* has suas & fabricas , suo fictas arbitrio , & ad fines suos accommodatas *vi & armis* conentur inducere , nec consensu meo impetratâ , nec vel *Méa* , vel aliorum conscientiiis ullâ *vi Rationum* expugnatis.

Quod ad cæteros Illos Turbidos Motus , qui nec *hominem* nec *Christianum* nec *fidelem subditum* deccant , nullius apud me unquam momenti erunt , vel ad *confirmandam*

dam mihi Religionem , vel quacunque in parte *labefactandam* : nec arbitror futuros apud quenquam alterum , qui saltem norit quid sit Religio , & quàm abhorreat factionibus , quibus machina una & Organum , Vis est : *belluarum* arbitratrix non *hominum* , nedum *humilium Christianorum* , & Subditorum Fidelium in re præsertim Religionis.

Sed ita inflari plærique faciles , & magnificè de seipsis sentire , ut sint parum solliciti , quid in Dogmata sua & placita impendant , maximè si spes aliqua lucri ostendatur , quo cætera damna , & pericula compensent.

Haud vero magis sum offensus *Scotorum* Armis , qui sic Regnum meum , me invito intrabant , ruptis omnibus officii , & gratitudinis vinculis , quàm sum illos hîc nostros admiratus , potuisse scilicet in tantum Divino Auxilio diffidere , qui ita *Dei causam* venditabant *Populo* , tanquam certâ *Revelatione* Divina confirmati , ii præsertim , qui jam satis superque instructi erant Armis Civium , & apparatu Bellico, quibus & in *Mari Classis* mea & in *Terra propugnacula* , *Arces* , *Præsidia* , & tot *Urbes* munitæ supererant.

Illud potius hinc colligo , homines ejusmodi , queis suspitio est causam suam & consilia haud ita posse coram Deo probari , nunquam satis se arbitrari humanis Viribus . instru-

instructos, ut hoc opus suum, quantumvis popolare, perficiant. Valde enim muniri opus habet quod nec *Religione*, nec *Lege* defenditur.

Ea tamen plærumque Inconstantia violenta consilia comitatur, ut quos alii summo opere in auxilium sibi accersunt, alii statim pertæsi cum fastidio quodam, & nausea ejiciant, quod illi firmum sibi postea sperabant, & in perpetuum figendum, accedente *Scotorum* Influentiâ, id hi penitus repudiant & aspernantur, & una pariter totam *Scoticæ* Ecclesiæ Disciplinam & Regimen, uno opere irrita facientes illa magis *onerosa* quam *Amica* auxilia. Poterat enim Ecclesia *Anglicana* (si ita visum fuisset,) & Veritatem Reformati Regiminis, & Disciplinæ (si defuisset fœlicitatem, multo minoris conciliâsse, si vel optimos in *Europa* Theologos suo sumptu invitasset in plena & *Libera Synodo* consultaturos; quod me libente & cupido facturi essent, ut sic rebus sine studio compositis, satisfactum magis omnibus foret & diuturnius manerent stabilita.

Sed omnino aliter fieri non potest, quin patefaciat se tandem Divina Justitia, & hominum fatuitas, per prætextus illos omnes & Religionis velamina, quibus improbi Politici arcana sua consilia involvunt, frustra enim speratur, inædificari pietatem his Fidei in Principem & obsequii Ruinis. Nec durare

durare diu possunt istiusmodi Molitiones , cum verfuram Fidei suæ faciant subditi , ut quæstuosius Religionis artificium instituant.

Cæterum , ut pars optima in *Scotia* me nunquam deseruit , ita nec plærosque eorum (credo) tam longè à me discessisse , & instar *prodigi illius* omnem in me amorem & reverentiam *consumpsisse*, ut de reditu eorum desperem , cum , præter illa Naturæ & Conscientiæ (quibus omnes tenemur) vincula , ratio illos & prudentia docebit , etiam rem suam sic melius stabiliri posse , si Coronæ fidi permaneant , quàm , his populi partibus ita in præsens Commodum obsequentes , ut Salutem meam & Honorem negligant omnino , vel prodant . Quanto minus interim causæ est credendi Hominibus , tanto magis me Deo applicabo.

Tribulationes cordis mei multiplicatæ sunt ; de necessitatibus meis , erue me.

Dirige Servum Tuum in semitis piæ illius simplicitatis quæ omni alia Politica præstantior.

Libera me à complicatis eorum viribus , quibus tantum inest serpentinæ astutiæ , ut innocentiam Columbarum obliviscantur.

Etiamsi manus ad manum fuerit , non prævaleant in animam meam , in Conscientiæ meæ & Honoris prodicionem.

Tu (Domine) potes inflectere utriusque partis corda in utraque Gente , quod fecisti olim hominibus Judah & Israël ut cō David restituerent fidei ardore , quo illum nuper levitate, & impetibus fuerant persecuti.

Custodi mihi Amorem Veritatis & Rectitudinis , nec desperabo de subditorum affectibus in Me quandoque redituris.

Tu maria exundantia reciprocari, & retro cōgis concedere intra fines à Te pręstitutos.

Deus Meus In Te confido, ne erubescam , ne irrideant me Inimici mei , non gaudeant super me , non de me jubilent.

Confundantur omnes iniqua agentes supervacue, revertantur quęrentes animam meam.

Integritas & æquitas custodiant me, quia Te exspecto Domine.

Libera Ecclesiam Tuam (Domine) ex omnibus suis angustiis.

14. *De Fœdere.*

SCori isti Presbyterales haud vulgari Auxiliorum stipendio invitandi, nullo alio pretio in partes trahuntur quam animarum pignore posito, Ipsis scilicet qui illos evocabant, Solenni *Pactō & Fœdere* constrictis.

Multæ hîc piæ Machinæ, & Religiosi prætextus afferuntur ad oppugnandum *Episcopatum* vel prorsus demoliendum. Hunc nempe Grandem Illum *Cacodæmona*, quem (terriculamentis nonnullis adjectis) odio vulgi, & pavoribus objiciunt, Solenni Carmine & Exorcismo ex Ecclesia omni modo abigendum; postquam eam mille annos obsederit, ex quo primô *Christianismus* in hac Insula plantatus, quique præscripto Universalis temporis simul & praxeôs in cæteris omnibus Ecclesiis, usque ab *Apostolorum* sæculo, ad hanc proximam Centuriam, innititur.

Sed frustra causam hic agit Antiquitas: *Presbyterismus* velut adolescens hæres, nimis diù Patrem vixisse ratus, & *Episcopalis* Cathedra,

dræ, & Authoritatis impatiens; (proventus enim cedunt Laicis) omni astu molitur, ut *Episcopatu* fluctibus obruto, sibi faciat in *Angliam* appellendi copiam, quemadmodum nuper etiam in *Scotia* eodem *Fæderis* artificio emerfit.

Quanquam plurima mihi in hoc *Fædere* displiceant (in quo, subinde periculosa admodum & ambiguâ limitatione Authoritas mihi præfinitur) illud maximè demiror, quod consilium illis fuerit in Disciplina & Regimine Ecclesiastico: nec minùs hanc agendi rationem, ut *Iuramentis* scilicet & *Fæderibus* ita Res planè Novas promoverent. Durum certè, haud minori. quàm Juramenti vinculo, ut quis in ea obligetur, vel contra, de quorum morali necessitate haud constat; sed quæ adhuc sub *Judice* plæraque, doctorumque & piorum hominum controversiis agitata: in quæ, ut vel ipsi *juremur*, vel ab aliis *Iurari* exigamus, haud certè potest cum judicio illo & cæritudine propria constare, nec cum eâ in alios diverse sentientes *Æquitate*, & *Candore*, qui Religio-nem decet: quæ non æquè solum *disceptare* sed *dissentire* etiam permittit, in materiâ duntaxat probabili.

Iuramenta vero Populo imponere, ut in rebus *dubiis* periculosum, ita prorsus in *illicitis* damnabile: illic vero prorsus super-vacaneum, ubi superiora jam Legum, &
Religio-

Religionis vincula, in necessaria officia obligarunt.

Neque video quo pacto conciliare possunt Innovans hoc *Fædus*, & *Iuramentum*, cum nuperâ illâ suâ *Protestatione*, quâ tueri susceperant Religionem in Ecclesiâ *Anglicana* Sancitam; istî præsertim qui *Disciplinam* inter *Momenta* Religionis accensent.

Sed nunquam nimis se credunt Ambitiosi homines, laqueos, & tendiculas hujusmodi vulgi credulitati struxisse: his enim ferè artibus, & pietatis fucò arctius quærunt sibi *populum* obstringere, metu scilicet *perjurii* intentato; cum revera probi omnes & prudentes, satis se jam diù ligamentis suis prioribus, *Religionis*, *Fidelitatis*, *Legum*, Deo juxta & Hominibus obstrictos putarent.

Quæ quidem tanta sunt, ut nulla *posterior stipulatio*, (excogitata & imperata à paucis hominibus in aperta Factione versantibus, absque meo Consensu, & nullo simili Exemplo præeunte, vel potestate à Divinis vel Humanis Legibus derivata) satis unquam videatur cordatis hominibus, vel solvendo, vel relaxando *moralia* illa & *æterna* obsequii vincula quæ & Deo & Mihi præstanda, subditorum conscientis incumbunt.

Nunc verò, (prout res se habent) minus Deo & Mihi displicebunt boni Viri, si

Fædus suum cātenus , quā honestè & licitè possint , observarint , cū , quā sum charitate , tales esse nonnullos existimem , qui hoc solum sine & mente susceperunt , ut Religionem in *puritate* , & Regnum in *pace* tuerentur. Ad diversos his fines & media , nulla ratio est cur se teneant obligatos ; nec revera persuaderi unquam poterunt (in quibus quicquam salis Conscientiæ) vel optima sua Consilia (nedum ea quorum indies Ambitio & Factio manifestior) per illicita quæcunque media sub suspicioso *Fæderis* titulo promovere ; nisi velint ancipites & periculosas *Novitates* & nulla prorsus Authoritate munitas , exploratis & Juramento pactis *Deo* simul & *Mihi* Officiis , & nulla omninò dispensatione tollendis , antepone.

Quin ad facile etiam credo & spero ; plurimos , qui hoc *Fædus* inierunt , in hac usque sententia perstare , nullo Voto , Juramento , Pacto *posteriori* obliterari posse Typos Illos , & Characteras , quos Justa & Legitima Juramenta , *prius* animis Ipsorum insculperant.

Iam verò , quod istas *Fæderationes* suspicioni magis facit obnoxias , illud est communem esse hanc & quasi tritam viam in omnibus *Reipublicæ* & *Ecclesiæ* Factionis hujusmodi Perturbationibus . Tunc enim *Zeli Forma* maximè , & exquisitæ pietatis persona *induitur* , cū perniciosissima meditantur

tantur *vafri* homines contra omne fixum & sacrum in *Religione* & *Legibus*: quas his machinulis suis (velut cochlea quadam adtorquente *subtiliter* quidem, sed *validè*) sensim primò & occulta inflectione à Nota sua Regula, & consuetudine abducunt, ut obsequentiores deinde fiant eorum cupidini, qui sub larva Sacrorum *Fæderum*, sibi omnia subjicere moliuntur.

His tamen Funiculis & quasi intortis viminibus haud sperandum est diutiùs teneri posse conscientias, quàm dum Vis illis adsit plicatrix: statim enim quisque sibi Pontifex fit, & illa facilè solvit ligamina, quæ non aliquod è Verbo Divino *præceptum*, sed *Astutia* Factionis, vel *Terror* indidit; quæque vel *superflua* erant priùs obligatis, vel cum fraude & injuria *imposita*, si eo consilio *posterius* imponi deprehenderint, ut justæ illæ priores & necessariae obligationes, vel pro tempore cessarent, vel omninò dissolverentur.

Rarò certe vel nunquam id agunt Media ista *Illicita* ut ad *Officium* suum meliùs adigantur homines, sed ut *Partibus* accedant firmiores. Atque adeò parum refert, quid de piis *Fæderum* clausulis *exequaris*, modò, *Consiliis* & *Partibus*, & *Principali* horum *Fini* *adhæreas*.

Video enim, Istius Authores, *Fædus* suum velut *Manna* objicere (non utique è Cælo

Cœlo demissum) sed in hoc non absimile, quod sit gustui cujuslibet, & Palato conforme. Susceperis modo, quocunque sensu, per illos licet, seu *diverso* ab aliis, seu *contrario*; *cantum* sit, *provisum*, *reservatum*, quod lubet, modô, ne præcipuo illi adverferis, quod in Me & Ecclesiam machinatur. Satis habent, si *auctarum* sibi (quoad speciem) *Partium* opinionem acquirant. Ita parum meminerunt homines, Deo non illudi

In hoc *sensu latiori*, opinor, multos *Mihi* satis & *Ecclesiæ* benevolos in hoc *Fœdus* jurasse qui non ea stultitiâ aut superstitione censendi, ut quicquam pietati, & fidei manifestè repugnans sint propterea magis admissuri, qui reverâ hûc potius delapsi sunt, ad evitandam vim & ruinam recusantibus planè imminentem, quam, quod illud omnino æstimarent, aut impensius huic essent addicti.

In quo forsan latitudo *generalium* quarundam *clausularum* nonnihil illos potest juvare: quale illud *conandi* & *agendi quod fieri potest*, & *pro loci & muneris sui ratione*; atque etiam *secundum verbum Dei*, per hæc enim, reverâ, nulli datur licentia evagandi extra limites bonæ conscientiæ, qui omnes fixi & certi sunt, vel generaliter in *Dei lege*, vel speciatim in *Regni legibus*, quatenus hîc *particularia officia* in exercitio suo regulantur.

Utinam

Utinam verò qui se jactant maximè *Fæderatorum* nomine, intra licitos illos fines se continerent, ad quos Deus Ipsos vocavit; certè enim nullâ aliâ ratione commodiùs expiarent hanc in prima susceptione temeritatem, quæ tunc clarè fiet perspicua, cum, (præter id, quod justâ & legitimâ Authoritate cujus mandato susciperetur, destituitur) jam palam *ultrâ* fines ibi expressos, & prætenso, imò & *contra* etiam, procedit. Ego interim libens ignoscam, qui in hoc *Fædus* jurati hætenus tantum observant, intra eos Legum, Pietatis & Fidelitatis terminos, qui nec detrimento sint *Mihi* nec *Ecclesiæ*, nec *Paci Publicæ*: quibus ire adversum, nulla vocatio legitima obligabit.

Quod ad illam *Ecclesiæ Reformationem*, (quæ sic passim in hoc *Fædere* ostentatur) haud vel æquum vel decorum existimo, ut ex paucorum Theologorum iniquiore consilio, (qui ductili suo & servili ingenio, ad quid vis subditò agendum & obsequendum parati, etiam adversus superius suum judicium, Professionem & Praxin) ita turpi probro aut suspitione aspergatur *Doctrina* & *Disciplina Ecclesiæ Anglicanæ*; quale nunquam antea factum audiui, vel ab ullâ *foris* Ecclesiâ (quæ *Reformata* appellari meruerat) vel *domi* etiam à candidis & eruditis hominibus, quorum omnium judicia meritò pluris facio, quam istorum cujusvis factione corrupti

Nemo

Nemo certè propensiori quam ego studio, in debitas omnes *Reformationes* feretur, maturo inodò iudicio, & conscientia bonâ suscipiantur, atque in ea solum procedant, quæ æqua prius deliberatione habita) ex *Dei Verbo*, & *Recta Ratione* evincentur prave admissa; Hic vero plus ultrò exhibui, quàm vel ea, quæ liberrima, plenissima, prudentissima erant *Parlamenta*, unquam adhuc expetebant.

Nimis clarè verò constat ex iis quæ insequuta sunt, *Reformationis* huius Consilium nihil aliud fuisse, quam ut de cæto de gradu *Episcopatu*, & in *Presbyteratum* commutato, fundis suis & redditibus spoliaretur Dei Ecclesia. Nulli enim hætenus magis in Legitimo suo Jure violati fuerunt quam *Episcopi*, cæterique *Ecclesiastici*. Hi statim ut pinguissimæ ferarum, mactandi: Reliquis *Schismatum* & *Hæresum* mæcer Grex tolerari haud ægrè impetrabit. Sic ob vineam suam *Naboth* reus factus Blasphemiae. Ita usque perspicio, utcunque vela impleverit Religionis Spiritus, *Utilitatem* solum esse *Circinum*, quo *cursum* suum Factiosi homines in seditiosis hisce *Motibus* gubernant.

Deo Gratias ago ; quanquam maximè omnium expositus fuerim Tentationi huic Sacrilegæ. ut *Terras* Ecclesiæ, & *Proventus* invaderem, (qui à *Coronæ* munificentia inpri-

inprimis profecti , de Illa tenentur , atque huc tantum *legaliter* consensu meo possunt reverti) semper tamen ita ab his abhorruit anima mea , ut *Sacrilegis* hujusmodi *Reformationibus* nunquam vel minimum pertentarer : illud interim vehementer percupiens , *Episcopos* , cæterosque *Ecclesiasticos* ita semper posse *Reformari* , ut , quæ Majorum meorum pia Munificentia *Dei* & *Ecclesiæ* donavit , tum quæcunque alia additamenta Christianæ beneficentiæ accesserint , & mereri dignè possint & rectè administrare .

Nulla verò unquam (ut spero (necessitas Me aut Meos huc impellet , ut *Agros Sacerdotum* usurpare velimus aut vendere , quod & *Pharaonis* Theologia ; & vera pietas *Iosephi* respuebat . Tam iniquum prorsus videtur Pietatis juxta , & Rationis oculo , ut munus omnium sanctissimum debitis suis incitamentis fraudetur , & (quale illud alterius duro corde *Pharaonis*) *subducto stramine pensum augeatur* : quod fecerunt nonnulli , *persequentes oppressam* Ecclesiam usque ad *Rubrum Mare* Belli Civilis , unde solo Miraculo salvari superest , Illi , inquam , & Mihi , qui hunc maximum mihi *Titulum* & præcipuam *Gloriam* ducò , ut sim *Defensor Ecclesiæ* , tum in vera *Fide* , tum in justis suis *commodis* , à *Sacrilegio* & *Apostasia* perindè abhorrens .

Vivam potius (cum Decessore meo *Henrico Tertio*) *Elemosynis* Ecclesiæ sustentatus , quàm è *Præfulum* & *Ministorum* ore Panem suum violenter eripiam.

Proximum huic deinde futurum est , ad *Ierobami* modum *reformari* : ut conferrentur è *populo vilissimi* Sacerdotes in *Israël* ; aureosque Illos *vitulos* colant , Ecclesiæ patrimonio , & dote locupletatos ; quod quam cessit foeliciter *Principi* Illi , *Sacerdotibus* & *Populo* , satis notum est , nec proculdubiò hîc aliter futurum , si qui hætenus in Tutela erant Regum & Reginarum , qui *Nutricii Patres* & *Matres* huic semper Ecclesiæ extiterunt , ad eorum demensum vivendum habeant , qui jam satis ostenderunt , quid à se *Duri Patris* quid *Malignæ Novercæ* expectandum.

Quod si paupertas *Scotiæ* crimen hîc aliquantò extenuaret , in hac tamen ubertate & copia *Angliæ* rapi sic proventus Ecclesiæ , nullo modo excusare licet , aut invidiam deprecari.

Ego vero nec id preçari à Deo ausim , ut avertat illa à Regno & Ecclesia calamitosa , quæ *Ministorum Paritatem* & *Indigentiam* haud dubie sunt secutura : cum sic prorsus videamur vel *tentare* Deum , vel *illudere* , ea mala deprecantes quorum *Causæ* & *Remedia* sunt in nostra potestate : cum his *non uti* flagitium sit , illas , non *devitare*

Abunde

Abunde est, quo *damna* Reipublicæ sine Ecclesiæ ruinâ resarciantur. Illius quidem libenter *Restaurator* audiam, haud tamen eâ conditione, ut sub obtentu publici æris liberandi, hujus meritò dicar *Oppressor*. Satis erat quæ contraxit causa improba, hoc vero pacto dissolvere, multo foret deterius. Deus faxit, ut nec Ego nec Mei simus unquam huic culpæ affines.

Ad te Domine preces meas dirigo, enixe obtestans ut hanc subditis meis ignoscas temeritatem jurandi, & acriorem in illis postea sensum efficias, quo illa justas, moralia, nullatenus remittenda vincula à Verbo Tuo, & Regni Legibus conscientiiis eorum imposita, accuratius in posterum observent, à quibus nulli Pictatis, aut Reformationis respectus satis crunt illos observando, nedum in Partem adversam transire permittent.

Fac ut seriò tandem cogitent, nil violentum, & injurium cum Religione constare.

Tu nullius Sacrilegium approbas, qui sic Zelum suum ostendit in detestando Idola.

Tu per Regum Sapientissimum docuisti, laqueum esse homini Sanctum devorare, ac postea ad vota converti.

Custodi Famulum Tuum usque, ne consentiat in perjuras & sacrilegas rapinas, ne stigma mihî

mibi in æternum & execratio hæreat, tanquam Te & Ecclesiam Tuam spoliasti iis omnibus quæ & Munificentia Tua donaverit, & Clementia Tua à Nobis acceperit ut Doctrinæ & Pietatis incitamenta.

Quamquam ærario meo exhausto, & imminutis Reditibus grande æs alienum contraxerim, haud me inde tentari permittas, ut tam profana ratione hæc damna resarciam, ne Carbone ab Altari Tuo id in Throno meo & Conscientia incendii excitetur, quod vix unquam extinguere licuerit.

Sed nec publici nominis liberatio (quod stultitia quorundam vel profusio obligavit) fiat unquam occasio exhauriendi Ecclesiam.

Pace nos modo benedixeris, convalescet statim Respublica, Haud vero Ecclesia, his præsertim temporibus, ubi charitas multorum frigida est, & Religio parcè sordida.

Tu Tibi & Ecclesiæ Tuae ministrantibus, perpetues illa externa subsidia, quæ & voluntate piorum Donantium & Legum Iustitia debentur: & his gratiam tuam largiaris, quo hæc possint mereri, & recte uti in Tuam Gloriam; & pauperum levamen, ut induantur Iustitia Sacerdotes tui, & pauperes pane saturentur.

Sancta ne dentur porcis, nec canibus panis, circumeant potius Civitatem, fremant ut Canis, & murmurent si non fuerint saturati.

Sacras illas offas & frustula, quæ nonnullorum violentia devoravit, nunquam detur illis, vel posteris eorum, concoquere. Fiant hæc illis

*ut vinea Naboth Achabo; fel in ore ipsorum,
putredo Nomini, tineae familiis, & conscientia-
rum aculeus.*

*Divide eorum linguas & corda, qui sic invi-
cem faderantur contra Ecclesiam, & Regnum:
ut insipientia eorum manifesta fiat omnibus, &
ultra non proficiant.*

*Sed propitius esto Iustitiae meae (Domine) ut
in misericordia Altissimi non commovear.*

15. *De Suspicionibus
& Probris in Re=
gem jactis , quò Po=
pulum in illum conci=
tarent.*

NI mea propriâ Innocentiâ , & Di-
vinâ opē sublevarer , succumbe-
rem in hoc conflictu *Malitiæ* in
me omni arte grassantis , dùm vel falsis
Calumniis veritatem opprimere conatur ,
vel fictis *Suspicionibus* , id quod *solidi* de-
fuerat , in hac improba causa , supplere.
Reverâ , quidquid contra me pessim-
um aperta hostilitate egerunt , præ his
leve est : multò enim *Coronas* libentior ,
quàm *Famam* perderem : cùm Existima-
tionem meam & Honorem etiam Re-
gnis meis habeam potiora.

Hæc enim cum vita terminantur : *illa*
inclitâ quadam Immortalitate super-
sunt

sunt mortuo. Cùm *Bono Nomine* suo, Principes velut *aromatis* conditi, æterno Posterorum Amori & Gratitude *consecrantur*.

Turpes istæ & falsæ *Calumniæ*, occultæ primò illis Fabricæ erant adversus Populi in Me amorem constructæ, ut cùm his priùs suffossis cuniculis (hostes *Illis* pariter ac *Mihi*) existimationem meam labefactassent, *fides* omnium in me & *affectus* quasi (displosâ *Machinâ*) sternerentur.

In quo tamen, Deo gratias, haud ita vehementer afficior Honoris mei proprii iacturâ, quam flagitio illo & gravi periculo quibus animæ populi mei obijciuntur, qui hac semel suspicionum fuligine obcocti, facilè præceps agentur in abrupta quæcunque & atrociam; ubi, tantum abest ut *peccatum* suum & *periculum* agnoscant, ut sint hîc ultrò *Zelum* suum imputaturi, dum illis interim exhibear ita dignus *perire*, ut ipsi ambient mereri, qui me *perdant* potissimum: tunc se *Deum* *rimere* maximè arbitrantur, cum *Regis* omnem reverentiam excusserint.

Nunquam tamen propter hæc (Laus Deo) *iracundia* mihi major, quàm *miserati*, suborta est: nec in me usque invalescebat ulla animi perturbatio, ut interdiceret pro illis vel cùm tenerrimo affectu

affectu precari, quos non sua *malitia*, sed honestus *error* in piam hanc (ut putabant) Rebellionem prodiderat.

Quâ enim eram in Illos charitate, credebam, eorum plerosque non in *Me*, sed in meos (ut putabant) *errores* pugnâsse, nec eo animo ut *perderent*, sed ut *emendarent*. Spero, Dei misericordiam veniam huic errori dedisse & eo usque bonum animum eorum acceptâsse simul & exaudivisse, ut, quemadmodum me hactenûs conservavit, ita per hæc adversa præparaverit, ut *illi* meliùs in posterum serviam, & fiam *populi mei* commodis, quàm superiùs fueram, attentior.

† Nec libentiùs ignosco in errorem seductis, qui sic Fidem suam præposterè per injurias declarant, quàm verè expeto & enitar in posterum, omni bene merendi occasione arrepta, injustas *Suspiciones* eximere, & quæ benè cogitârint, remunerare.

Nimis enim sum affectus mei in populum conscius, ut in Illorum de Me, mutuò, suspicionem adducar, nec ulla hostium malitia eo me solatio fraudabit, quod ex hac fiducia percipio. Nunquam ita indulgebo paucorum livori, ut, quod Illi exoptant maxime, omnes inter *Obsequii desertores* annumerem, quos *piæ hæ fraudes*

fraudes deluserunt : quicquid prava quorundam Ambitio moliatur, haud malignius hinc subditos meos in universum æstimabo, *qui errare forsitan possunt, Hæretici esse non possunt.*

Juxta mihi sunt acerbæ illæ subditis meis factæ injuriæ, ac quas ipse graves pertulerim, cùm seorsim benè habere non possumus : in hoc deterior eorum conditio, quod seductoribus istis nimis creduli & *Mihi & Sibiipfis* fiant injurii.

Parum enim videtur Inimicorum malitiæ ut me reddant *miserrimum*, nisi id iis instrumentis efficiant, ut sit ipsa calamitate calamitosius, quod ab iis hæc demum perpetiar, quos *salices* esse maxime exopto, & deceptis serio illachrymor.

Hoc si Hostes mihi aperti & exteri fecissent, tolerari utique potuerat, haud verò perinde levia sunt à subditis meis propriis inflicta, quos à liberis meis proximè caros habeo, quibus ut tranquillitas reddatur, libenter *Ionas* forem, qui me in undas exponerem ; nisi id satis prospicerem divulsis magis postea, & distractis eorum studiis (qui mihi pariter & illis hostes) tanquam torventis contrariis, procellam calamitatum sævam multo potiùs quàm pacatam futuram.

G . . . Mihi

Mihi quidem si optio daretur, multò malim *Ruinæ* populi obstare, quam gaudere *Imperio*: cujus nunquam ita cupidus fui (licet jure mihi debiti) ut non potior esset longe subditorum foelicitas, modo his unquam tanta esse possit, quæ tam improbis subditorum in Regem facinoribus comparari omninò mereatur.

Idem tamen malo omnes vitæ ærumnas, & multas mortes obire, quàm Justa mea *Iura* Domini vel unquam cum pudore *deserere*, vel cum infamiâ *prodere*: ut, vel sic gratam rem faciam, ambitioni, vel malitiam Hostium justificem, inter quam, & aliorum errores non inferius discrimen agnosco, quàm à Febre distat pestilentia; à prurigne *Novitatis*, lepra *perfidie*.

Quemadmodum verò mentientibus necessarium est benè *reminisci*, ita his non minùs, benè *comminisci*; ut ad diversas hominum Phantasias calumniæ suæ aptentur, & quod deest veritatis, numero saltem & specie suppleant.

Plus mihi interim (Deo gratia) ad ferendum *patientie*, & ad ignoscendum *charitatis*, quàm est otii quo respondeam ad plurimas hasce *calumnias*, queis nonnulli me falsò resperferunt, &, nisi multo magis subditis meis satis factum cuperem,

cuperem, quàm meipsum vindicatum, minimè hanc voluptatem dedissem aliorum malitiæ, ut omninò, quid dixerint vel quid objecerint, me sollicitum viderent, aut memorem.

Reliquissem eorum Authores, suâ olim Improbitate & Cauteriatis Conscientiis puniendos, quæ nigra illa & falsa quæ in me jecerunt *Scandala* satis ipsæ refellent & ulciscuntur, atque id Orbi tandem perspicuum facient, juxta parum verè excogitata, & indignissimè sparsa, quàm nulla curâ *humanitatis* (quid enim dicam *Officii*?) ab iis minime coercita, quorum fides (credo) & existimatio, brevi futurum, ut apud ipsum hunc populum, eodem halitu nigrescat, ex eadem maledicentiæ *fornace* prodeunte, quam ita omnibus modis *accenderunt*, ut Famam meam & Honorem injecta penitus *absumerent*.

Magna mihi causa erat (fateor) suspicandi *innocentiam* meam, & accuratius in illam inquirendi, cum tot singularem pietatem professos, ita promptos in diversum à Me ire perspicerem: Id enim vulgi animos tam sinistra de Me, & causa *Mea* opinione imbuerat, ut vix fieri posse existimarent, ut quis Parti *Meæ* adhæreret, & non à Deo simul discederet: immo & idem prorsus illis sonabat

de *Me* benè loqui, & *Deum* blasphemare: adeò hæc inter se invicem pugnare videbantur, in *me Fides*, & in *Deum Religio*.

Erant tamen (laus Deo) ex mea parte complures, docti pariter & pii, (idque multis parafangis ultra vulgarem illam Magnitudinem & mensuram scientiæ, quâ nonnulli ita gloriantur) quibus tam integre probatur *Vieta Causa*, ut mecum pati potius vellent, quam in malis deferere.

Haud interim mirandum, si tot pii prætextus contra *Me* usurpati, homines alioqui non malos vehementer percellerent, & in partem adversam simul traherent: accedente præterea populari *Concionatorum* facundiâ, quibus nullum erat flagitium *pro Deo* mentiri, (vel quod ipsi *Dei Causam* appellare libuerat) diris omnibus devoventes, qui secum pariter devovere noluerant, & tam vehementer plaudentes *Bono Fini*, & in eum ita unicè intenti, ut nec, quàm *illicita* essent *media*, attenderent, nec in sceleris profundum (quod revera *Finis* erat præcipuus) omnino penetrarent.

Homines imbecilli iudicio, qui quod illis hîc deest, clamore improbo, & sedulitate farciunt, quorum magna pars *Religionis*, *Me* & *Meos* infamare, ut, qui
alias

alias *suam* asserere non possent, nisi *Meam* tanquam falsam impugnarent.

Deo gratias habeo : quanquam domi forisque lacesitus fuerim, experimentum majus habeo Divinæ assistentiæ quâ firmus maneam *Protestantium Doctrinæ* quatenus in Ecclesia *Anglicana* agnoscitur, quàm (opinor) illis unquam futurum.

Neque ulli me ita Crimini obnoxium scio (si eorum Sententiæ staretur) quàm quòd nimis videar pertinaciter *Religionì* illi adhærere , quæ summo Judicio & Fundamenti solidis in *Scriptura* & *Antiquitate* stabilita , haud me unquam vel probare, vel consentire permittet in illas plenas periculi , & inter se discordes *Novitates*, quas audax quorundam Ignorantia Mihi voluit , & Populo obtrudere.

Quæ cùm penitus adversentur exploratis fundamentis *Veritatis* & *Ordinis*, quæ multo illis Doctrina præstantiores, & puriori zelo accensi in Ecclesiæ *Anglicanæ* Confessione, & Constitutione sanciverant, quæque Superiora *Parlamenta* (in sedatis maximè temporibus & nullo Partium studio corruptis) crebro etiam firmaverant, in his semper (Deo juvante) perseverabo, ut qui hîc

credam maximè Primitivam *Veritatem* & *Ordinem* inesse.

Quod verò auxiliis quorundam è *Religione Pontificia* Subditorum meorum usus fuerim pugnat nullo modo cum hac meâ *Professione*, quod nonnulli perverse colligunt, ii præsertim, quibus minimè omnium pensi fuerat, qualium hominum operâ uterentur, vel omnino quid dicerent aut facerent, modo quâcunque ratione pollerent.

Mirum sanè, homines eò (quo videri volunt isti) acumine, id non facile animadvertere, posse in re *Religionis* discrepare, eodem aliàs *Officio*, *obsequio*, *Fidelitate* conjunctos: Illam enim *Deo* ut *Christiani*, hanc mihi ut *Regi* in comune debent; cum diversæ *Religionis* professio haud magis quam diversa artificia, communem illam *Relationem* vel ad *Parentes*, vel *Principes*, tollat. Ecqua vero tanta uspiam *Religionum* Farra-
go, quàm in istorum *Castris*, & *Satellitio*? cum quod in me reprehendunt ipsi facile in seipsis admittunt, nullo habito *Sectarum* aut *Opinionum* discrimine.

Ingens vero probrum, & macula non eluenda, illos *Ipsos Protestantcs* (ita enim se haberi volunt) me *Regem* suum & *Dominum*, *Protestantem* manifestum, ad
neces-

necessaria adigere *Papistarum* auxilia, qui hic suum duntaxat officium fecerunt, opem mihi ad Me tuendum ferentes, nec ego quicquam aliud, quàm, quòd licet Principibus in eadem conditione versantibus, ut subditorum cujusvis ope utantur.

Dolet mihi vehementer, majori sensu officii sui tactos *Papistas*, quàm permultos ejusmodi *Protestantes*, qui mihi sanè videntur à *Romanæ Ecclesiæ deterrimis*, dogmata omnium *deterrima* hausisse? ita enim omninò se gerunt.

Præposterus certe fuisset, & importunus conscientiae scrupulus, & voluptatem proculdubio hostibus meis factururus, tunc, cum Illi mecum disputarent gladiis, cum cæteris meis subditis controversias de *Fide* agitasse; quorum non solum auxiliis ut *hominum*, sed ut *Christianorum* precibus indigui.

Clamor ille in *Pravos Consiliarios* aliud erat Commentum perutile, iis nimirum qui ægre admodum ferebant cujusquam alterius consilio, quàm suo obtemperari: qui ita valde festinabant meliora consu- lere, ut, nec libertate eâ, quæ hominem decet, nedum eâ honorificentia quâ *Principem*, paterentur accipere, cum essent potius ejusmodi, quæ violenter infusa, necessariò protinus absorbenda es-

sent quàm velut salubris potio , quam lentè pitiffando exhaurirem.

Haud me eximam vel *ipsum* , vel *Consiliarios* meos humanis erroribus : poterant quidem aliqua in deterius consuli, non tamen ita gravi incommodo, ut non secundis & melioribus cogitatis reparari possent multo facilius , quàm illa valde infana & portentosa , quæ non *cladem* solum Regno & Ecclesiæ , sed *excidium* pene attulerunt.

Exitus aliquando docebit Subditos meos, quòd etiamsi vel *peßimis* Consiliis , vel quæ *peßimis* omnium Consilarii mihi audebant proponere , vel in quæ Ipse forsitan propensior forem, obsequutus fuisset, haud ita celeriter in Tribus Regnis Florentissimis *Ecclesiam* pariter & *Rempublicam* in illud *Chaos* confusionum & ærumnarum *Gehennam* (quod nonnullorum consiliis effectum est) conscii unquam potuisse : è quibus nec jam *possunt*, vel certè *nolunt* quanquàm viribus ad id satis pollentes, Me aut Subditos meos redimere.

Nemo unquam libentiùs querelam instituit, quàm ego cupidus eram corrigendi, quod *Rationi* meæ apparuit dictum vel consultum perperam : quod quidem me fecisse putabam, atque id paulò prolixius quàm modesti homines expectabant,

bant, quibus molestum erat, me nimio in subditos Zelo ita facile in meipsum extitisse injurium.

Sed illa *vindictæ* cupido infatiabilis, quæ in *Me* simul & *Aulam*, & *Clerum* Meum ruebant nonnulli, lusit penitus & fraudavit Ecclesiam pariter & Rempubicam usu omni eorum & beneficio, quæ à *Me concessa* vel *revocata*. Quin nec Iphis cessit admodum fœliciter, qui (nunc *Zelo* licet *persequutores*) nuper suas perpeffiones apud vulgus jactabant, quarum omnium solatiis & præmiis destituuntur. Quas quidem si verè passi fuissent, humilitas Christiana haud tanta duceret, ut non mallet vel nunquam succurri, quàm eo modo vindicari, ut periret sibi Christianæ patientiæ corona, quæ humilibus afflictis præparatur.

Aliud jam porrò artificium, quo suffurari mihi Populi affectus, & ad se pelli- cere volebant, erat *Libertatis* ostentatio & strepitus: cuius haud naturâ magis avidi homines, quàm ferendo impares, si eo sensu vulgari accipiatur *Libertas*, ut sit, id prorsus facere, quod cuique libuerit.

Sin verò ea sit *Libertas* sanctissima, velle homines quid debent, & quod sic velint, facere, prout Rationi, Legibus, Religioni consentaneum, haud invideo subditis meis

eam *Libertatem*, quâ nec Ipse ampliore frui postulo, nedum aliorum opprimere. Neque reverà credendum est, Proceres illos, cæterosque (qui in Partibus nostris erant) splendidis plurimos Familiis ita prodigos suæ *Libertatis* fuisse, ut servitutem sibi & Posteris, fortunis suis & sanguine procuratam voluerint.

Quod ad Civiles Immunitates attinet, nemo (pauculis tantum exceptis, obstinatis ambitiosa sua & avara consilia quaquaversum agere & ferre per ruinas Ecclesiæ, Status, Principis, Procerum Populi) vel majorem *Libertatem* optaret, quàm quæ à Lege permittitur: cuius Iustos limites Boni Viri Ornamento sibi ducunt & *Præsidio*, cæteri *Compedes* appellant, & *Gravamina*.

Haud interim æquum censendum est, ut quis *Legis beneficia & præmia* expectet, illam *Normam* sibi, & *Moderatricem* aspernatus; merito enim fraudatur Patrocinio *Legis*, qui dissolutam anhelat *Libertatem*.

Tempus meliùs erudiet Subditos Meos, illos optimè veram *Libertatem* conservare, qui sibi minimam licentiam vel *contra* *Leges*, vel *extra* illas indulgent.

Sentient aliquando damno suo, quicquid simulant hi homines) omnino fieri non posse, ut ullo molli & tenero affectu

Concivium libertatem prosequantur, qui me Regem suum ausi sunt tanta asperitate coercere, contra omnes Divinas & Humanas Leges: qui tamen vel sic perire malim, quàm apud illos plangere, quibus nil ad consummandum suum *Triumphum* deest, quàm ut sic flebili voce accinatur.

Quod ad conscientias verè teneras attinet (quæ ex sua humilitate & lenitate æstimantur, non ex improba illa & sedula arrogantia, quâ ovum quodque diversæ Opinionis in Schisma protinùs & Factionem extruditur) sæpè antea professus sum, me id minime expetere, ut Leges meæ, aut Sceptrum ullam Dei conscientiarum Domini prærogativam invaderent: cum id interim constet, ita à Deo ipso homines astringi, ut præcipiantur Subditi esse conscientie Causa, nulla aliâ licentiâ indultâ in quamcunque constitutam Legem committendi, nisi eo duntaxat animo, ut sint pœnas annexas subituri potius, quàm quicquam Publicæ Pacis perturbetur.

Omnino sic se res habet. Aliis rerum *Novarum* cupiditas, aliis, qui afflictæ suæ fortunæ mederi aut importunæ *Ambitioni* satisfacere volebant, utriusque in Pace desperatio (cùm Divinæ Providentiæ non minùs quam meritis suis diffiderent) oc-

cultæ quidem fuerunt sed præcipuæ Causæ, quæ has Turbas Civiles concitarunt, in quibus, credulum populum eousque perpulerant, ut multi rem lautam suam (quam pacatis Temporibus sub meo regimine & *comparabant* facile, & foeliciter *gaudebant*) hîc maximam partem dissiparent, me interim probris illis exposito, summâ omnium virulentia excogitatis, quæ Majestas Regia maximè læderetur, & ingrati Populi insolentia accresceret.

Quod ad *Honorem* meum spectat: persuasum habeo quod (quemadmodum jam purus & innocens horum omnium quæ calumniantur, coram Deo appareo ita &) *fama* mea aliquando instar solis (postquam noctis parumper & tenebrarum licentiâ, *Vespertiliones* isti & *Striges* abusi fuerint) exoritura sit denuò, & ascensura in eum *splendorem*, quem ferales istæ volucres & *intueri* doleant, & *sustinere* non possint. Nulli enim tantâ cluent gloriâ Principes, quàm quos Deus in ærumnarum chalybe per injurias subditorum explorari permisit.

Et quis scit, an Justus Ille & misericors Deus bonum mihi aliquando redditurus sit, propter falsas eorum & acerbæ *maledicentias*, qui loquuntur quæ *optant* potius, quàm quæ *vel credunt* vel *sciunt*.

Sed

Sed nec isti spurci adeo & infames *Libelli* (velut Ignis in magna conflagratione susque deque volitantes, ut omnia inflamment) *mihi* magis in probrum quam *ipsi* cedent, qui eximiam pietatem professi, ita parum se memores ostendunt vel in *Deum* vel in *Me*, officii, ut nec tantillum curaverint Majestatem Regis sui vindicare ab eorum calumniis, qui & Dei præcepto & Angelorum exemplo contrarii, dignitates probis laceffunt, & maledicti notam iis impingunt qui Deorum nomine honorantur.

At haud mirum, si, qui *Deum* non metuant, nec *Regem* suum revereantur.

Facile enim contemnent has *Vmbras* Dei, & *Imagines*, qui *Supremæ Illius* & *Adorandæ Majestatis* reverentiam exuerint, cui collata omnis hominum & Angelorum gloria sordes duntaxat & tenebræ: qui tamen (tanto licet intervallo disjunctis) eos Regibus *Divinæ Authoritatis* & *Sacro sanctæ Potestatis* Characteras impressit, qui sine gravi peccato obliterari non possunt. Quicquid nigri hinc veli opposuerint, non abscondetur lumen vultus mei, dum mihi Deus cor dederit ad frequenter & humiliter cum illo versandum, à quo vera omnis Gloria & Majestas derivatur.

Deus Tu scis Improperium meum , & confusionem meam , in conspectu tuo sunt omnes qui tribulant Me,

Anima mea est in medio Leonum inter filios hominum qui flammis exurunt , quorum dentes lanceæ , & sagittæ , & lingua eorum gladius acutus.

Tota die exprobrabant mihi Inimici mei, & insanientes in Me adversum Me jurabant.

Filii hominum usque quo (Domine) gloriam meam ad ignominiam ? quousque diligent vanitatem , & querent mendacium ?

Audisti opprobria Inimicorum undique. Ne taceas , ne quando dicat Inimicus meus prævalui adversus eum, & gloriam meam in pulverem deducat.

Tu Domine perdes omnes qui loquuntur mendacium , virum sanguinum , & dolosum abominaberis.

Educ quasi lumen Iustitiam meam , & Innocentiam meam tanquam meridiem.

Fac ut nec silens prodam Innocentiam meam , nec patientiam iratus : ut servatoris mei exemplo maledictis appetitus non maledicam , & execrationibus devotus non contra referam.

Tu qui linguam illam virulentam Shimei impune illi esse non permisisti , cum tua in Davidem judicia viderentur hæc probra vera facere, eâ Me dones gratiâ , ut apud Misericordiam tuam intercedam pro Inimicis meis, ne dentur his linguis dolosis carbones juniperorum inflammati à Gehennâ.

Sint preces meæ & patientia velut aqua offusa quâ mitescant vel extinguantur lingue Ignæ, quæ à Gehenna jam diu accendi videntur, & inter malitiosas illas flammæ æstare.

Des eorum maledicta benefaciendo vel refellere omnino, vel silentium imponere Ne gaudeant fructu labiorum suorum, sed Orationis meæ potiùs penitentiam illis & veniam precantis.

Instrue me Davidis patientiâ & pietate Hezekiæ, ut per eorum virulentiam misericordiam tuam perspiciam & in eorum peccato Iustitiam.

Ille Turbidæ Shebæ conciones, illa Rabshakeh opprobria, & execratio Shimei, preces meas humiles laceſſant, & receptas Tuas in Me benedictiones.

Licet illi maledicant, tu benedicas, & benedictus ero, & benedictio ſiam populo meo.

Et Lapis quem repronaverunt ædificantes, factus erit in Caput Anguli.

Proſpice me de excelſo Sancto tuo, & libera me ab iis qui me absorbere cupiunt.

Absconde me in conſpectu tuo à ſuperbia hominum malorum, & à contradictione linguarum ſerva me.

16. *De Decreto Parlamento contra Liturgiam Anglicanam, seu Librum Precum Solennium.*

Familiare hoc cunctis fere *Novitatibus*, ut *Reformationis* Nomine in *Ecclēsia & Statu*, inducantur, idque ab iis plerunque, qui famam apud vulgus captantes pietatis & ingenii singularis, irrita omnia facere conantur, quæ rectissimè & prudentissimè constituta.

Ita ægrè impetratur à *Novatorum* superbia, ut in *superioribus* se seculis quidquam omninò *prudentiæ* aut *pietatis* agnoscant.

Quoniam vero *Preces & Cultus Dei Publicus* magna Religionis momenta sunt, ut, quibus Animæ hominum cum Divina Majestate propiore commercio fruuntur, haud alias gratiosius se jactant Populo quàm id serio monentes, Deum malè in *hac parte* coli.

Hinc

Hinc *Publica Liturgia* & Solennes *Pre-cum Formulae* non corrigendæ solum (si quæ, liberâ prius & publicâ consultatione habitâ, vel in re, vel modo minùs commodè habere viderentur, cui sane haud quaquam repugnâssem) sed antiquandæ penitus & abolendæ, & post plurima demum ludibria in *Librum* ipsum & *Libro* utentes, prout *Conscientia* & *Leges* exigebant, ad extremum *Decreto* crucifiguntur, ut iis nimirum gratum fiat, qui *extemporanea* sua facultate & *divite vena* gloriantur; vel iis saltem, qui malè sibi conscii perfunctoriè nimis in hac parte egisse, expiatam jam sibi hanc culpam ducerent illius convitio, quasi *litera mortua* esset, merito repudianda, ut sic *Corda* sua *mortua* meliùs excusent.

Quod ad Argumentum hujus *Libri*: Satis jam diù docti & cordati homines ab eorum cavillis & stricturis vindicârunt, quorum magna pars pietatis in hoc sita est, ut profanè illum crimentur, *Papismi* inprimis, & *Superstitionis* nomine: cum proculdubio *Liturgia* ad *Ecclesiæ Anglicanæ* Doctrinam exactè formata fuerit, eam scilicet, quæ ab omnibus *Reformatis* *Ecclesiis* sana maximè & *Orthodoxa* agnoscitur.

Quod verò ad *certas* & *præscriptas* *pre-cum*

cum *Formulas* : haud dubitandum est , quin verba sana , & Nota , & Intellectui hominum accommodata , tùm facillimè in corda recipiantur , tàm affectus prudenter fervidos , sint excitare & promovere aptissima.

Neque ullam omninò causam video , cur fastidium magis daret Christianis bene *formata & composita* (qualem hanc existimo) *Liturgia* , quàm res aliæ plurimæ , quibus ob perpetuam consuetudinem , nil de fructu aut excellentia decedit : vel , quâ tandem ratione suadeatur Christiano , ut aspernetur has *easdem* *Precum Formulas* , vel interdici sibi hunc morem æquum censeat , qui *eundem* semper Deum precatur , in *eundem* Servatorem credit , veritates *easdem* profitetur , *eandem* legit Scripturam , officiis *iisdem* obligatur , & *eosdem* plærunque in se defectus , (tam externos quàm internos) toti scilicet Ecclesiæ communes , agnoscit.

Rogo , cur non liceat perinde præcognitum habere *quid* precamur , ac Illum *quem* precamur ? cur non æque *verba* , ac *sensum* ? cum *eadem* omnes experimus , quid obstat quo minùs *iisdem* ipsis *voculis* ? certe *panis noster quotidianus* haud ideo sapit deterius , quod *quotidie* (ut precamur) manducatur.

Est tamen genus quoddam hominum ita impatiens coarctari, vel in quacunque precatione *Doni* sui usu, id est *propria inventione* interdicti, ut ipsâ etiam *Oratione Dominica* non solum (quod plerique) rarò admodum utantur, sed eam penitus repudient & aspernentur, cujus id quoque grande crimen est, quod sit præscriptum quoddam & Archetypum omnium *Liturgiarum* in Christiana Ecclesia.

Equidem semper arbitrabar, superbam hanc ingenii *ostentationem*, & affectatam verborum *redundantiam* in Precibus Publicis, vel in Sacris Officiis quibuscunque, majus multo in se crimen habere, quàm, quod *Frigus* appellant, & *sterilitatem*. Porro, in his *Novationibus* haud rarius, quàm in *Perpetuæ Formæ* usu contingit, ut eâdem prorsus supinitate & oscitantia (animi saltem) peragantur, cum, si quid sit ejusmodi, *cordi* potius quàm *verbis* sit imputandum.

Alii, oratione multiplici & extemporaneâ se effusione jactantes, formam tantum habent pietatis, alii, intra certas verborum & consuetas formulas, vim optimè illius, & fervorem retinent. Neque est Deus magis *diversitatis* Deus, quam *constantiae*; nec omninò majus periculum est, ne consuetâ Precum *Formula*

mula obstipetur & *torpeat* Spiritus precum & Devotionis, quàm, ne confusa & immeditata varietas *distrahat* illum penitus, vel *excludat*.

Quamquam verò haud repugnem exerceri à Ministris *dona* sua, etiam in *publico*, dum id graviter fiat & humiliter, & eâ quâ decet prudentia, quo, & sua forsan magis & Populi studia excitari possint, & in præsens negotium præparari; nulla suadet propterea necessitas, ut quantacunque vis ingenii, & eximiae dotes privatorum hominum, pellant penitus ab Ecclesia, vel illi fraude eripiant conjunctas facultates & conspirantia dona tot Doctrinæ & pietatis laude præstantium, quales erant, qui nostram illam *Formam Publicam* composuerunt, qui sanè meritò existimantur ampliori fuisse Gratiâ & Donis instructi, quò maturâ deliberatione, & consociatis consiliis, eas *Formas* precum componerent, quæ communibus Ecclesiæ indigentis optimè possent competere, tum Auditorum intellectus informare, & eam denique fiduciam & fervidam mentis intentionem (*vitam* scilicet Precum & *Animam*, verumque Illum quem sic crebro jactant *Spiritum*) foelicius multo excitare, quàm sperandum sit ab uno homine, quantacunque
seorsim

seorsim facultate pollenti. Quæ, quanta sit in istorum plerisque (etiam in quo se ostentant maximè) illa passim eorum *affectationes*, illa *inania*, *insulsa*, *rustica*, *confusa*, illud *exsangue*, *putidum*, *obscurum*, vanæ & ridiculæ *repetitiones*, *sensu vacuæ* expressiones, & sæpè etiam *blasphemæ*, tædio denique omnia, & prolixitate immensa, satis omnibus demonstrant, nisi qui eodem *Pharisaïsimo* gloriantur.

In quo frontem eorum demiror, & cœcam sui adulationem, haud pudere, hoc modo agentes in rebus Sacris coram Deo & mundo tam *ridiculos* conspici, ne dicam *prophanos*.

Nec reverâ vitari potest, quin, in solennibus & crebris *officiis* (quales sunt *Sacramentales Celebrations*, quæ eodem semper modo fiunt) vel suas *Formas* peculiare perpetuò sint usurpaturi (quas certè, haud tam sanas futuras credibile est, & naturam officii complectentes quàm has in publicum usum compositas) vel ut singulis vicibus *varietur*, cùm argumentum semper sit *idem*: in quo sane sperari non debet (sint quantumvis aliàs instructissimi) ut non aliquid saltem desideretur in gravitate, ordine, perfectione, quæ in huiusmodi *Officiis* requiritur, quæ hoc tandem modo
cele.

celebrata sunt omnium Ministrorum erroribus, tum infirmitatibus plærunque & perturbationibus, tum iudicii & eloquentiæ mancamenti obnoxia.

Quæ incommoda necessariò sequuntur: *diversos Celebrandi modos*, cum vehementer seriò perpenderet sapientia, & pietas Antiquarum Ecclesiarum, occasionem hinc arripuerunt (quâ mederentur huic malo) instituendi *perpetuas Liturgias*, easque publicè priùs componendas.

Quarum defectum aliquando sentiet (credo) hæc *Ecclesia*, cum effrenis in posterum *ignorantiæ*, & imbecillium ingeniorum *præfidentiæ* fructus indies calamitosi, in omne genus erroribus, *confusionibus*, *Schismatis*, & alienis charitate disfidii, (quæ jam nimis malo nostro experti fuimus) magis magisque detegentur.

Sin vero ita obstinati sint, (ne omninò *nil agere* videantur) has suas *Novitates* invehere, quas & *Lex* & *Ratio* & *Religio* prohibet, (saltem ita per vim obtrudi, ut *Liturgia publica* extrudatur) nullo tamen colore excusatur iniquissima horum hominum severitas, qui (cum Ipsi non ita pridem, pars maxima subsignarent, usurparent quoque hunc *Librum*, & assererent, vel, qui id recusarant, vehementer-

hementer in Legum & Episcoporum truculentiam invehentur, qui libertatem conscientiarum hac in parte negabant) ita jam derepente alii facti sunt, ut non solum *Liturgiam* in *Directorium* commutaverint, quasi subsidiis inventionis egeret Spiritus, expressione ut-cunque non necessariâ, vel, quasi non æquè angustaretur præstitutâ & statâ materiâ, quam intra certas verborum formas inclusus, ita facilè vulgo imponitur) sed eâ porro severitate hîc agant, ut nec usum *Liturgiæ* cuivis amplius permittant, licet utrinque obligati, pietate in Deum, & in Leges obsequio.

Unde constat nullos magis Tyrannidem moliri nec rigidiùs ab aliis exacturos ut illicitis suis *Novationibus* obtemperent, quàm, qui Ipsi (qua erant superbia) ad parendum legitime sanctitis minime omnium fuerunt proclives; qui enim suæ haud ita dudum ut indulgeretur licentiæ, libertatem Conscientiæ crepabant, hanc mihi, & meis Sacellanis si quando Copia eorum data fuerit, vix & ægrè permittunt; quos quidem, non dubito, etiam in illa suâ *extemporanea facultate* minime illis concedere, modestia vero & doctrina longè præstare.

Hæc verò ita merè popularia sunt, & ad vulgi sensum, ut satis ipsi animadvertant,

vertant, eruditam disputationem non latura: ne rationum evidentia non minus, quam apertâ Lege convicti, vel jam magis contra scientiam suam peccarent sublatâ *Liturgia*, vel permissâ illius consuetudine Factioni suæ & Parti displicerent. Quanquam multò plures hîc offensos crediderim, eosque majoris pretii homines, nec numeris solùm & opibus, sed judicio pietate pollentiores, quorum longè & alia ratio habenda, quam nonnullorum imbecilli & fluxo ingenio, quibus gratam rem fecerunt hæc abrogando.

Illud maximum (opinor) apud homines ejusmodi in *Communis Precum Formule* crimen valere, quod pro me toties orare instituit, cùm his Fides desit quæ respondeat AMEN, & multò magis Charitas in illis suis Orationibus, quæ Precum vice, probra, & maledicta in me omnia effundunt.

Nullam aliam his pœnam opto præter suam pœnitentiam, ut advertentes mala jam indicta Publicarum *Liturgiarum* desuetudine, eam denuo illis estimationem, usum porrò & reverentiam restituant, quæ certis *Formis* sanorum & salubrium verborum ob antiqua Ecclesia habebantur.

Et Tu Domine qui es semper idem Deus in æternum benedictus, cujus variæ Misericordiæ, & constantes tamen; Tu vcteres nostros & quotidianos defectus, nova usque & recenti benignitate restauras, nec renovatos affectus aspernaris, iisdem licet verbis prolatis.

*Ne destituamur beneficio orationum, quas re-
cte prius meditatas unita Tua fundit Ecclesia.*

Sit Precum nostrarum Argumentum voluntati tuæ conforme, quæ semper eadem, & suggestionibus tui Sancti Spiritus, animorum fervor

*Et jam nulli dubitamus, Te qui tota es Spiritu-
alis perfectio nec affectata Novitate delectar-
nec iisdem sæpe repetitis, piis modo precibus of-
fendi.*

*Has enim varias esse, vel easdem, nullibi à
Te vel præceptum vel vetitum: sed relictum
pictati & prudentiæ Ecclesiæ, cui utrisque ha-
rum uti licet, neutram spernere*

*Fac ut in Rc Religionis ita discant homines
iudicia sua pie moderari, ut nec aliis ignorantia
sua noceant, nec facultatum suarum præsentia
iis omnibus quærant privare, quæ rite simul &
pie in Infirmitatis subsidium adhibentur.*

*Et cum Errores fere inducant Novitas & Di-
versitas, Veritas contra in unione, & Constancia
servatur, Ne Ecclesiam tuam siveris vel cor-
rumpi erroribus, vel indecoris in te colendo riti-
bus deformari à diversa & nova invicentibus:
sed nec etiam fraudari veritate, unione & orai-
ne, hac fallaci sententia deceptos, statas nempe
has Formas Formam tantum Religionis generare.*

Integra nobis corda custodi ab Hypocrisis larva, nec jam eadem precantibus, aut Te laudantibus voce illa Davidica aut aliorum sanctorum, quicquam nobis deterius eveniet.

Da nobis Sapientiam, ut quæ intus sunt prava corrigamus, minus erit jam extra emendandum.

Libera semper Ecclesiam tuam, & immunem præsta his malis quæ cæcitatem zeli & audacem pietatem consequuntur.

17. De controversiis inter Regem & utramque Domum Parliamenti in Disciplina Ecclesiastica.

Regimen Ecclesiæ per *Episcopos*, quod eâ semper pertinaciâ defenderim, ea erat plurimorum suspicio me non vera pietate id facere, sed *Politiciis rationibus* adductum.

Nec sanè diffiteor, eousque apud me valere *Rationes Politicas*, ut hoc Regimen aliis anteponam, quatenus mihi jam diu exploratum est

Regi

Regi omnino impossibile Regnum suum
in pace servare, nisi eam in Ecclesiasticos *vim*
trahat, & ij vicissim ita ab Illo *dependant*, ut
frænum aliquod positum Ministrorum *lin-*
guis nimis alias proclivibus in seditiosam li-
 centiam evagari: cum enim *Claves cælorum* te-
 mere existimantur, ita tenent plærunque *Cor-*
dium claves (plebis præsertim hominum) ut
 (prout varia oratione placuerit) pacem sæpe
 & obsequium in principem vel *intromittere*
 possint vel *excludere*.

Atque adco (mea quidem sententia) cum
 Mihi ut Regi tum à Deo & Legibus salus Re-
 gni & Ecclesiæ commendatur, nulli erat ratio-
 ni consentaneum, ut quacunque in diversum
 mutatione *vim* illam meam & *influentiam*
 (qua omni jure & ratione in utrumque polle-
 re debeo) infirmarem ullo modo, aut dese-
 rerem.

Exclusio Episcoporum è *Dmo Parium* satis
 erat *excludendæ* etiam illi suspicioni me Illis
 ideo favisse, quo mihi commodè vicissim in re-
 bus Regni sententiis suis obsequerentur. Cum
 reverâ indignum Illo confesso *Episcopum* arbi-
 tror, qui secundum Conscientiam suam suffra-
 gari non audet.

Impetrare tandem liceat ab istorum charita-
 te, ut hac solum causa existimer Ordinem Il-
 lum conservandi cupidus, uti primò institu-
 tus fuerat, quatenus Rem Religiosam & Sa-
 cram agnosco, quæque argumentis perspicuis
 (quæis judicium meum confirmatur) probat

Integra nobis corda custodi ab Hypocrisēōs larva, nec jam eadem precantibus, aut Te laudantibus voce illa Davidica aut aliorum sanctorum, quicquam nobis deterius eveniet.

Da nobis Sapientiam, ut quæ intus sunt prava corrigamus, minus erit jam extra emendandum.

Libera semper Ecclesiam tuam, & immunem præsta his malis quæ cæcitatem zeli & audacem pietatem consequuntur.

17. *De controversiis inter Regem & utramque Domum Parlamenti in Disciplina Ecclesiastica.*

Regimen Ecclesiæ per *Episcopos* quòd eā semper pertinaciā defenderim, ea erat plurimorum suspicio me non vera pietate id facere, sed *Politiciis rationibus* adductum.

Nec sanè diffiteor, eousque apud me valere *Rationes Politicas*, ut hoc Regimen aliis anteponam, quatenus mihi jam diu exploratum est

Regi

De omnino impossibile Regnum suum
servare, nisi eam in Ecclesiasticos vim
& i vicissim ita ab Illo *dependeant*, ut
aliquod positum Ministrorum lin-
guis alias proclivibus in seditiosam li-
beriam evagari: cum enim *Claves celorum* te-
neantur, ita tenent plerumque *Cor-*
porum claves (plebis praesertim hominum) ut
prout varia oratione placuerit) pacem saepe
obsequium in principem vel *intromittere*
possint vel *excludere*.

Atque adeo (mea quidem sententia) cum
mihi ut Regi tum à Deo & Legibus salus Re-
gni & Ecclesiae commendatur, nulli erat ratio-
ne consentaneum, ut quacunque in diversum
mutatione vim illam meam & influentiam
qua omni jure & ratione in utrumque polle-
re debeo) infirmarem ullo modo, aut dese-
cerem.

Exclusio Episcoporum è *Domo Parium* satis
erat *excludendae* etiam illi suspicioni me Illis
adeo favisse, quo mihi commodè vicissim in re-
bus Regni sententiis suis obsequerentur. Cum
reverà indignum Illo confessu *Episcopum* arbi-
tror, qui secundum Conscientiam suam suffra-
gari non audet.

Impetrare tandem liceat ab istorum charita-
te, ut hac solum causa existimer Ordinem Il-
lum conservandi cupidus, uti primò institu-
tus fuerat, quatenus Rem Religiosam & Sa-
cram agnosco, quæque argumentis perspicuis
(quæis judicium meum confirmatur) probat

se tum solidissimis *Scripturæ* fundamentis inniti, tum Christianarum Ecclesiarum *perpetuæ Praxi*, usque ad paucos admodum abhinc annos: cum, vel *Turbæ* populares, vel Presbyterorum *Factiones & Arrogantia*, vel etiam Principum ipsorum & Statuum *Avaritia*, occasionem dederunt nonnullorum ingeniis, *Novas* has suas *Formas* excogitandi, atque eas demum proponendi sub speciosis istis Titulis, *Christi* nimirum *Gubernationis*, *Sceptri* Ipsius & *Regni*, quò commodius opus suum agerent, quibus utile erat, res sic mutari.

Veniam interim mihi dabunt, si nullis hujusmodi tentamenti illectus ad movendos gradu *Episcopos* (quo fortunas eorum tanto melius invadam) parum etiam fidei adhibeam prætensis *Novandi* rationibus, quæ ita omnium Historiarum constanti & perpetuo testimonio repugnant, quo certe sanis hominibus, & nullo partium studio actis facile fiet exploratum, quòd, quemadmodum *Primitivæ* Ecclesiæ proculdubio ab Apostolis Regebantur, & eorum Immediatis successoribus primis illis & optimis *Episcopis*, ita nullà ratio vel *Charitas* existimabit omnes totius Orbis Ecclesias, vel ignorasse Regulam ab illis præscriptam, vel à sacro & divino exemplari tam cito *deviasse*; cum, à primo usque sæculo, ad mille quingentos annos, ne unum quidem exemplum prodeat stabilitæ cujusquam Ecclesiæ (in quo plurimi Ministri & Cætus erant) ubi non aliquis præsidebat *Episcopus*, cujus cæteri

teri Regimini & Jurisdictioni parebant.

Harum autem perpetua & Universa *praxis* tot perspicuis & amplis in Scriptura *Regulis* pariter & *Exemplis* consona, cum satis ostendatur in *Epistolis* ad *Timotheum* & *Titum* eo consilio scriptis, ad stabiliendum hoc maxime Regimen, non in *personis* duntaxat *Timothei* & *Titi*, sed in eorum etiam *successoribus* (cùm *Disciplina* & *Regimine* haud magis possit Ecclesia quoad suum *bene esse*, quàm *verbo*, & *Sacramentis* quoad *Esse*, destitui) Miror illos, qui sic jus *Episcopale* & *Authoritatem* maligne intuentur, ita penitus liyore occæcari, ut nec tantillum animadvertant, vel quis *usus* horum in Ecclesiâ, vel quàm sit *Apostolica constitutio*, quod utrumque in his *Epistolis* videtur haud minus perspicuè explicari, (tanquam scopus earum esset & finis Principalis, ut peculiare quoddam Munus, Jus & *Authoritas* instituatür & delegetur certis hominibus, qui *Præsidentes Episcopi*, cæteris in *Ordinatione*, *Censuris*, & reliquis porro Ecclesiasticæ *Disciplinæ* actibus præfessent) quam breviores illæ notæ *Qualitatum* & *Munerum* ad *Presbyteros*, *Episcopos*, & *Diaconos* pertinentium, alibi in eadem *Epistola* describuntur. In latiori enim sensu & promiscuo usu *Nominis*, utrosque horum mos erat, (& fortasse nunc licet) appellare *Episcopos*, quatenus *Curam* quandam ipsi, & *Inspectionem* obtineant in *Privatos* suos *Greges*, quos illis *Apostoli*, vel *Apostolici* illi *Episcopi* de-

mandarant, ij nimirum qui (non secus ac *Timotheus* ac *Titus*) succedebant in ordinariam potestatem in ampliori aliqua parte Ecclesiæ & jam plures Presbyteros complectente.

Ea vero humilitate erant Primi Illi *Episcopi*, ut declinantes eximium *Apostolorum* nomen (quod jam stylus Ecclesiæ à communi illa sua acceptione (qua Nuncium vel *Missum* significat) ad specialem Illam dignitatem tra-duxerat, quæ Extraordinariam suam Voca-tionem, Missionem, Dona & Potestatem im-mediate à Christo acceperat) sat haberent se Episcopos vel Presbyteros vocari; donec tan-dem consuetudo (magna verborum arbitra-trix & loquendi norma) cum justa causa vi-deretur peculiari aliquo Nomine distinguendi quorum Jus & officium in Ecclesia non di-versum solum à cæteris, sed Illis omnibus erat *superius* (cum *Apostolorum* essent *succedanei* in Ordinaria illa & perpetua potestate admini-strandi Ecclesias, utcunque *Nominis* Illius *Honore*, modeste sed laudabili more abstinentes) his Nomen *Episcopi* appropriandum vellet: quod sanè fieri potuit absque ulla vel minima Arrogantiæ nota in Eos, qui propagine qua-dam Apostolica recta serie ab illis descenden-tes, excelsissima & Amplissima Potestate in-duebantur gubernandi purissimas & Primi-tivas Ecclesias, quæ proculdubio multos ha-bebant sanctos Episcopos ad exemplum *Titi* & *Timothei*, quorum peculiaris potestas haud magis clare innotescit ex præfatis Epi-stolis,

stolis, quæ sunt quasi Fundamenta & limites
lilii quod ex *Iure Divino* sibi vendicant *Epis-*
copi) quam expresse notantur *periculosa* hæc
Tempora , & qui Illis hæc pericula créarunt :
qui *Sanam Doctrinam non ferentes* & clarissimis
Testimoniis Ecclesiarum Praxeôs adversantes
ita præfractè disputant & arroganter usurpant
in verum *Episcopatum* , qui si minus *Proditores* ,
& *Gloriosi* appellandi sint, at videntur qui-
dem Illi ipsi esse *cupidi* , *præcipites* , *inflati* , *in-*
temperantes , *inimicos* , *voluptatum amantes* potius
quàm amantes Dei , *habentes formam pietatis* ,
sed qui vim ejus abnegarint.

Hi vero cum nil aliud habeant, cumulo quo-
dam futilium, leviculorum , & nullius erudi-
tionis Doctorum quasi mole congestâ oppri-
mere quærunt penitus & obruere Claritatem
simul & Authoritatem *Episcopalis* Regiminis,
quæ citra omnem *Æquivocationem* aut ambi-
gui Nominis fallaciam evidentissimè in Scri-
ptura demonstratur, tum in omnibus Ecclesiæ
Historiis.

Hæc *Theologi* potius more , quàm *Principis*.
scribo, ut Posteritati saltem liqueat (si in pu-
blicum prodierint hæ chartæ) quibus tandem
fundamenti Judicium meum tum ex Scriptu-
ræ *Canonibus* , tum Ecclesiasticis *Exemplis* de
Episcopali Regimine confirmatur : cui profecto
nec Ratione ulla *Politica* , nec obstinatæ volun-
tatis *pervicacia* , nec ullo vel in *Homines* ipsos,
vel in *Ordinem* peculiari studio indulsi : Nul-
li enim horum tanti mihi esse possunt (saltem

quoad seculum) ut injurias , & detrimenta ullo modo compensent , quæ Mihi , & Meorum charissimis , tum & Regnis quoque hæc potissimum controversia creavit.

Quinimò non solum quoad *Religionem* (cujus optimus Canon *Scriptura* est , & universæ Ecclesiæ *Praxis* optimus Commentarius (sed si quis recta ratione naturam *Gubernationis* expenderit , omninò credi non potest , benè institutam subordinationem inter Presbyteros vel Ministros ullo modo Christianitati magis repugnare , quàm sæculari & civili Regimini , ubi perunque è *paritate* Confusio & Factiones oriuntur.

Mihi sane , qui negaverit hæc posse cum vera Religione consistere , perinde est ac si dixerit , nec cum Harmonia Numeros , nec bona lineamenta cum bona forma constare.

Sed nec credibile est , Deum , qui distinctos *Ordines* & *Præfulatum* ad gubernandam illam primam Ecclesiam in *Judæio* Sacerdotio instituerat , eandem inter *Christianos* ministros vetare voluisse aut respuere , cum in his , non secus ac aliis subsint etiam *seditionum* & *Schismaticum* semina : quæ , ut anticiparet , vel mature restingueret , prudentia *Apostolica* (quæ certè *Divina* erat) crescente in multiplices *Congregationes* (in quibus singulis erant Presbyteri) Christianorum Numero , hanc Gubernandi rationem *instituit* , quæ *unitatem* optimè & *ordinem* cum *Authoritate* conservaret.

Unde

Unde satis perspicuum est, nec Principum *Gratiæ* nec Presbyterorum *ambitioni* institutionem *Episcoporum* in Ecclesia deberi, qui hoc Iure suo gaudebant, & exercebant perpetuo, iis maximè temporibus, queis Religio *purissima* erat, persequutiones *asperrimæ*.

Nec tamen repugno, hanc unius *Præsentiam* & *Authoritatem* eo modo administrari, ut commune Multorum Presbyterorum Consilium & Consensus adhibeatur (quod etiam ultro largiebar) ut medium prorsus non inutile ad vitandos errores, cæterasque corruptelas impotentis præsertim studii & Gratiæ, quibus *unus* aliquis esset magis forsan obnoxius, tum autem ad cavendam *Tyrannidem*, quæ, ut minimè *Christianos*, ita minimè omnium *Ecclesiasticos* decet. Accedebat hoc insuper commodum, quod levare aliquo modo videretur onera illa & odia, quæ *unius* viri humeris nimis graviter incubuissent: quod & opinor, *Episcopis* meis accidisse.

Quid jam magis *Rationi* aut *Religioni* consonum, quàm ejusmodi forma *Gubernationis*, qua *Parentem* quis magis quàm *Dominum* referat? & qua non solum ad vitandas *Factiones*, *Confusiones*, *Æmulationes* & *Contemptus* (quæ facile omnia inter *pares* nascuntur) maximè valet, verum etiam (cum sint aliqua in *Donis* Ministrorum discrimina, & diversa Gubernandi capacitas) hîc utique videtur necessaria, ut, qui cæteris sint præstantiores, digniori aliquo *Munere* fungantur: Sed neque

hæc præoccupato Judicio, & contradici non ferente pronuncio. Satis constat, me conatum sedulo, ut mihi integrè fieret exploratum, quid diversæ Partis Patroni præcipui vel *contra hanc* objicere, vel *pro sua* allegare potuissent: id verò seriò tandem deprehendi, non *Scriptura* solum & *ratione* multum infra nostros causâ cadere, sed *exemplis* Ecclesiarum, & *Praxi*, & *Historiarum Testimoniis* planè destitui, ita toto flumine in *Episcopatum* ruente, ut nec tenuissimus illis rivulus relinquatur.

Quod ad *exempla* illa (nimis importuna) Ecclesiarum quarundam *nupere Reformationis*, (omnes enim non carent *Episcopis*) quas Rerum & Temporum necessitas *excusat* potius, quàm *absolvit* ab Antiquitate diversas, nullam sane causam video, cur Ecclesiæ rectè reformatæ, & ab *Episcopis* administratæ ad *pauvorum* hominum exemplar componi potius adigantur, quàm ad *Antiquarum* Ecclesiarum Catholica (quæ nullâ prorsus Reformatione eguerunt) vel ad illas jam extantes Ecclesias, quarum plures sunt in Christiano orbe ab *Episcopis* administratæ, quàm vel omnium *Presbyteristarum* & *Independentium* simul, quas quidem omnes (opinor) ipsas in Tribus Meis Regnis ab *Episcopis* rectas Ecclesias æquare saltem numero si non excedere.

Minimum interim *prudentiæ* aut *Charitatis* sapere videatur in hac Christianorum discrepantia (qui plus nimis in cæteris discordant) latius plagam diducere, & toti orbi Christiano

(præ-

(præter aliquem *Protestantium* manipulum) tantum scandalum objicere in *Administration Ecclesiastica*: quos, etiamsi in nonnullis *Doctrinalibus* manifesti erroris convincendos nunquam eò perduces, ad ut consummandam Reformationem deferant illam penitus & repudient Institutionem, quam cum omnibus retrò sæculis *Catholicam*, *Primitivam*, *Apostolicam* adeo tenuerunt, ut nulli unquam *Schismatici* cætera vel *Hæretici* (unis illis *Aërianis*, exceptis) ab unitate Ecclesiæ, & conformitate in hac parte deviarint, inter quos semper *Episcopi* Presbyteris *superiores*.

Nec eo parùm argumento iudicium meum confirmatur, quòd Regimen istud *Episcopale* haud ita dudum Universo Consensu probaverint, & se illi submisserint non Laici solum sed ipsi etiam in his Regnis Clerici, quorum tanta levitas & inconstantia in præjudicium cedit Novitatis: cùm enim (quâ sum Charitate) doctrinam eorum & probitatem eousque suspicari non possim, quasi aut ignorassent quid fecerint, vel adversus Conscientias subscripsissent, nunquam certè excusabo facilitatem hanc illis & mobilitatem ingenii, qui priusquam liberè & æquè controversia hæc fuisset disceptata, contra Juramenta sua superiora & Praxim, contra obedientiam in Leges jam valentes, me denique repugnante, non solum Regimen *Episcopale* exploserunt, sed plausum etiam & stimulos illis addiderunt qui *Episcopos* cæterosque Ecclesiasticos tam nefario

“ & crudeli modo spoliarunt, ut ipsas etiam *Terras Ecclesiæ* venales habuerint, & ab omni *Sacro* usu in perpetuum abalienandas; Eam vim habent fluxus temporum, & præpotentia Partium in nonnullorum hominum iudicia, qui ut sic jam repente & penitus mutarentur, nullam aliam possunt causam afferre, quàm, quòd *Scotorum* Exercitus jam in *Angliam* venisset.

At se olim castigabit horum hominum stultitia, & desertores *Episcopatus* sibi ipsis non minus inimici, & rem suam prodidisse deprehendentur: nunquam enim vel ipse *Presbyteratus* vim illam aut pretium seorsum obtinebit, ac fuisset *Episcopatu* conjuncto & eodem quasi coronato: Ut vero secundior sit Ministris *aurea populi*, quàm *Principis Gratia*, æquè parum sperari debet, ac, ut crescant fælicius plantæ manû rigatæ illis rore celesti dulci & liberali perfusis. Quin inopia & contemptus clerici ostendent, quale jam *cadaver* supererunt, cum à *Capitis Illius* influenza, in cuius *Præmatum* jurârunt, dimoventur.

Modico interea temperamento adhibito, occurri forsân potuisset magnis malis. Id interim fixum est mihi, *Episcopatum* illum *Præmitivum* quantum in Me est extirpandum non pati: facile reformabit Prudentia affectibus incorrupta, quicquid temporum ærugo, vel indulgentia Legum, vel corruptela Morum induxit: vitia *Personarum* aut *Temporum* toti ordini imputare, vel propterea in pœnam deposcere,

cere, crassus vulgi error, & inter eas seditionum *Maximas*, à quibus omnes Cordati homines meritò abhorrent.

Secularia vero illa additamenta *Authoritatis* & *Honoris* Civilis, & *Fortunæ* ornamenta, quæ Majores mei & alii Christiani Principes *Episcopis* cæterisque Ecclesiasticis annectenda censuerant, haud alia semper existimavi, quàm justa eruditionis & pietatis præmiâ iis maximè debita qui Ecclesiasticæ Administrationi aliquo modo immisceri mereantur; Accedit, quod sic melius ad Charitatis opera, & Hospitalē beneficentiam instruuntur, tum *Authoritatem* etiam habeant munitiorem quoad externum respectum & observantiam (quæ vix unquam in pacatis temporibus, ita ex *Virtutis* dimenso, ac *Fortunæ* persoluitur) cum tenuitate haud dubio & inopia ipsi simul & Munus evilescerent in hac morum dissoluta & animorum licentia, quam dura illa Tempora castigabant.

Tales semper exopto *Episcopos* fieri qui sine his incitamentis dignissimi, & in optimum usum conversuri: Si quid iudicio erraverim, bono saltem animo excusabor. Erant mihi (fat scio) nonnulli hujusmodi, quos eruditos, graves, & pios homines fuisse nemo certè inficietur cui vel mica Judicii aut frontis inest; Illud fateor me summo opere expetisse ut Ecclesiastici præ cæteris (maximè ij qui *præsent*) ab illo vulgi contemptu securi viverent, qui (præter id quod fere omnibus innatum

tum est iis potissimum *adversari* qui *reprehendere* aut *coercere* videantur) necessario debet
 11 comitari vel *Presbyterorum* paritatem quâ om-
 11 nes æquantur , vel *Independentium* dispari-
 11 tatem , quâ infra Populum collocantur Pa-
 stores.

Hæc mea de *Episcopatu* sententia est, in qua
 (Deum testor) nullo affectu privato aut studio
 vel tantillum à veritate deflexi.

Deum jam appello & orbem Christianum,
 an sit fas *subditis*, vel *Christianis* pium, vi me-
 ra & injuriis in servilem modum coercentes
 me Regem suum eò velle subigere (quod non-
 nulli fecerunt) ut, reluctante Judicio ita so-
 lidis fundamentis subnixo, in infirmas istius-
 modi & inter se distractas Novitates consen-
 tiam.

Nemo prorsus eorum est, etiam qui optime
 affecti videntur, qui vehementius quàm ego
 exoptat ut administretur Ecclesia secundum
 ipsum *Christi* institutum, prout recta *Ratione*
 è *Scriptura* colligitur, ubi nullum adhuc vi-
 deo Argumenti simulachrum cur hæc nova
 potiora crederentur, nisi id satis habeant affer-
 re nonnullarum Ecclesiarum exempla in In-
 fantia illa Prima & solitudine, (cum jam raro
 adhuc *Christianismo*, uni forsan in Civitate vel
 Regione cæni unus facile Presbyter suffice-
 ret) vel hanc velint perspicuam veritatem ne-
 gare, exercuisse scilicet Apostolos *Episcopatum*
 æque in eos quos Presbyteros instituerant ,
 quàm, in quas plantaverant Ecclesias; & (cum
 hoc

hoc esset imprimis necessarium ad bene esse Ecclesiæ aucta postea, & in multiplices cætus abeuntis, formam aliquam Regiminis institui) hunc etiam necessario ab Apostolis derivatum ad exemplar Potestatis illius & Authoritatis, quæ ab Ipsis in alios exercita usu adhuc & fine Gubernationis manente, cum ipsis finire non poterat.

Constat eas quæ Purissimæ, Primitivæ & Optimæ Ecclesiæ audiebant sub *Episcopis* omnes floruisse, quod etiamnum fieri posset, ni ignorantia, superstitio, avaritia, ultionis porro cupiditas aliique inordinati & perversi affectus ita animos quorundam contra illos concitassent, ut, quod deest *Rationum* & Primitivorum *Exemplarium*, vi & *Armis* perficere conentur: dum nonnulli magno zelo (proculdubio) *Episcoporum* Agris, *Ædibus*, & vectigalibus inhiantes, propter hæc multo promptius *Episcopatum* deglutiunt, quod meo quidem iudicio, quicquid illi existimant, nihilo levius crimen *sacrilégio* est, cum Deum omnium datorem fraudent illa portione, quam olim pio animo Ecclesiæ & *Prophetis* donantes Ipsi gratè vicissim retribuerunt, qui per manus huiusmodi *Calicem frigidæ* libamentum sibi esset accepturus.

Porro aliud est mihi vinculum particulare, *Iuramentum* iudicio meo consonum, quo me conceptis verbis obligavi ad tutandum hoc *Regimen* & *Iura Ecclesiæ*.

Quo tamen Iuramento haud difficulter forsitan exolveri poteram (ut, errore, suscepto) si
mihi

mihi plane constaret esse *ordinem* illicitum vel (quæ audax quorundam sed infirma calumnia est) *Antichristianum*. Cum verò exquisitissima veritatis exploratione habita magis indies magisque confirmor in æquitatē & pietatē eorum in quæ juraverim, certē nemo, nisi qui animæ meæ perniciem struit, in hæc duo tam atrociam scelera, *Sacrilegium* nempe & *Perjurium* se hîc invicem trahentia impellat : mitto hîc personales injurias in plurimos de me optimè meritos, qui haud minore Iure suis gaudent fortunis, quàm, qui Illos privare student propriis suis patrimoniis, quique nulla adhuc lege convicti sunt eorum criminum; ob quæ prædiis suis & Bonis cæteris mulctari mereantur.

Sæpe equidem demiratus sum istos homines magnam *Conscientiæ* tenebrositatem & *Reformandi* studium præ se ferentes, id mihi velle persuadere, me *Iuramento Coronationis* meæ obstrictum in quæcunque ab illis proposita *consentire* debere (quod vehementer urgent) utcunque *Rationis* & *Religionis* libertati contraria, (quam certè tueri omnes debent, & de qua Ipsi in suffragiis suis tam impense cavent) eodem simul tempore affirmantes irritum me facere oportere, & apertè violare illam partem *Iuramenti*, qua, secundum optimum *Rationis* & *Religionis* lumen, Regimen Ecclesiæ, & Legitima ejus Iura tueri obstringor. Mirum sane, in hæc solum *valere Iuramentum* quæ mihi & cæteris in eadem conditione versantibus iniqua prorsus & injuria videntur (cum anima-

animarum essentiali libertati directe repugnant irritum tantum in illâ Clausula & invalidum futurum, quâ me Deo & Hominibus jure obligatum existimo.

In hoc tamen equuleo jam diu versor, quid ambitiosa illorum avaritiâ, quid Sacrilegâ aliorum crudelitate distentus qui Me & Regnum & Ecclesiam eousque civilibus dissidiis lacerare certi, dum me in ea assentiri cogant & palam comprobare, quæ (Deus novit) improbo maxime, & ex animo detestor (ut multimodis Religioni tum Rationi etiam & Justitiæ adversantia) quibus tamen etiamsi cum pudore meo & infamia consentirem, haud utique illis satisfacere, qui Consiliis & opinione diversi non contra me magis & Episcopatum, quam intra se invicem pugnant..

Quod verò Scotis haud ita pridem in Ecclesiastico Regimine morem gesserim, nullo modo rectè urgetur, ut in Regnis meis cæteris id propterea admitterem. Hoc enim debent cogitare, haud ita altas unquam radices egisse, vel stabilitum in Scotia Episcopatum fuisse, prout fuerat in Anglia, atque adeò me neutiquam obligari ad hunc pariter in utrisque Regnis tuendum; Quod enim meâ sententiâ optimum est, haudquaquam omni loco & tempore absolutè necessarium existimandum est.

Hanc autem in Illos indulgentiam si quis errorem meum aut peccatum dixerit, facile agnoscam: pessimè verò hinc argumenta colligunt, idem iterum faciendum, vel potius mul-

to deterius, cùm de his forsan quam antea exploratiùs jam constet, quin nec illa ipsa concessio ita cessit fœliciter, ut animum mihi addiderit porrò aliis concedere.

Si quid hîc magis Christi in his Novos Modos affectantibus *lenitatis* scilicet & *Iustitiæ*, si quid *ordinis* magis aut *Charitatis*, aut obedientiæ conspiceretur, suspicari forsan poteram iudicium meum affectu aliquo præoccupatum aut diversum sentiendi consuetudine inflexum: Cum verò iustis ita causis adducar ut de his longè credam contraria, haud sperare possunt his moribus Novæ suæ Regiminis Formæ existimationem acquirere.

Sed nec in aliis etiam quibuscunque Ecclesiis (quarum exemplo sic plauditur, quodque in illas à Me regnatas omni vi importare contendunt) quicquam adhuc compertum est vel doctrinæ uberius, vel Religionis, imo nec ulla pietatis aut Charitatis opera ita eximia præ nostris sub *Episcopatu* agentibus (quibus Dei benedictio in hac parte non defuit) ut ex his omnino adducar credere vel *Presbyterisum* vel *Independentiam* benignius in corda & vitas hominum, quam *Episcopatum* rite habitum influere.

In quem si *abusus* fortè aliqui irreperierint, horum fiat exterminatio, usu adhuc Illius retento. Multo enim satius duco *Primitivæ* & *uniformi Antiquitatis* vestigiis iusistere, quam *distractæ Novitati* manus præbere.

Rectus certè Episcopatus iustis omnium deside-

desideriis satisfaceret, quicquid boni *Episcopi*,
 vel *Presbyteri* humiles, vel modestia *populi* ex-
 optet, ut sic Re Ecclesiastica nec per *Tyran-* 11
nidem, nec *Paritatem*, nec *populares Tumul-* 11
tus administratâ evitentur hæc maxime peri- 11
 cula, ut vel ejiciantur *Episcopi*, vel spernan-
 tur *Presbyteri*, vel sit *populus* vexationibus
 obnoxius.

Et in hac *Iudicii & Conscientiæ* meæ *Inte-*
gritate Deus me (ut spero) custodiet.

Tu enim Domine, nosti Integritatem meam &
teneritudinem, qui cum me Fidei Defensorem &
Ecclesiæ Tutorem posueris, ne me ullâ violentia
patiaris adversus Conscientiam impelli.

Exurge, Domine, protege causam tuam, ne
deformetur tua Ecclesia manca facta illo Regimi-
ne, quod ab Apostolis derivatum primitiva &
purissima tempora conservarunt, nec proventus
Ecclesiæ fiant sæculari invidiæ obnoxii, quæ jam
omnia illi quærit eripere Doctrinæ & pietatis in-
citamenta.

Me vero cum bono illo Samaritano misericor-
dem efficias, & afflictæ tuæ Ecclesiæ subvenire
promptum, quam à nonnullis vulneratam & spo-
liatam cæteri negligenter prætereunt, nulla
omnino miseratione aut ope adhibita.

Potestas mea à Te derivata, fac (tua Gratia
jurante) ut pro te maximè exercentur; & quan-
quam cætera mea Iura Regia amplius mihi in
præsens non permittantur, usque tamen custo-
dias in illa Rationis libertate & Religionis amo-
re,

re, & in Ecclesiam studio, quæ in Conscientia mihi ut Christiano altè insidunt.

Custodi à sacrilega deprædatione benedictiones illas temporales, quas Ecclesiæ Tuæ providentia in Gloriam Tuam dispensavit.

Ignosce qui flagitiis suis & erroribus hanc sunt maximè pœnam commeriti, ut sic Aprum de Silva, & astutos vulpes exterminare patiari vincam tua dextera plantatam, & diu rore cœlesti in fœlicem fecunditatem irriguam.

O ne illa infami nota in æternum maculet, primum me Regem Christianum hujus Regni extitisse, qui in Ecclesiam opprimendam, & una Patres Ecclesiæ consenserim, quorum omnium errores maluerim Constantini illius exemplo silentio veiare, aut lenitate corrigere, quam personas eorum & sacrum Munus ludibriis vulgi exponere.

Vides (Domine) quid pro Tua Ecclesia, & quid una cum Illa passus fuerim, ne tardaveris Domine Illam simul & me liberare, à perversis hominibus quorum & pepererunt Consilia, & jam usque parturiunt confusiones, cum antiquos illos limites intra quos stetit pax Ecclesiæ ita omnes vesano impetu dirimant, omne genus erroribus, Schismatis, & dissolutione introductâ.

Tu vero Deus veritatis & ordinis, hanc in bono tempore tuo compeste malitiam, furorcm mitiga, & confunde sceleratas eorum machinationes, qui & tibi & Mihi, & Ecclesiæ Tuæ juxta inimici.

Vt & ipse, & qui amant Ecclesiam Tuam Psallamus tibi, & magnificemus salutare tuum coram filiis hominum.

18. *De Tractatu Vxbri-* *genfi, & Conditioni-* *bus à Rege latis..*

PErinde mihi videntur *Tractatus*, ac, si qui misso *ferarum* ritu pugnare, jam disceptare incipiant ut *homines*, quorum robur certè plus in ingeniis esse oportet, quam in *Membris* situm.

Quaquam raræ sic agenti oportunitates adfuerint, nunquam tamen defuit vel affectus vel studium, ut qui semper minus *Gladio* meo quam *Rationi* confusus, ita hîc penitus cedere potiori statueram, ut nil opus illo postea arbitrarer, modo nos invicem cognoscendi & perspiciendi copia daretur.

Quod autem studium meum in hac parte palam fecerim, atque illos aliquoties de *Tractatu* interpellaverim, haud me quicquam exinde imminutum credidi, cum non magis sit *Homini*s *Ratione* potius quàm vi agere, quàm pacem quærere & consecrari, *Christiani*.

Cum enim *Arma* perinvitus in defensionem meam tantum sumpserim, omnia ad pacem facientia libenter amplectar: Omnes Belli eventus tristes, Civilis tristissimi, sine vix compensante & serò reparante Mediorum mala.

Nullò

Nullo unquam successu inflatus carius idēd
pacem destinabam, quam vehementius omni-
 bus concupivi, licet à me carissimè redimen-
 dam: *Honorem* meum tantum & *Conscientiam*
 „ peculiare mihi volui servare, cum *illum* qui-
 „ dem Regi, *hanc* Christiano nefas esset dese-
 rere.

Tractatus vero iste *Vxbrigenſis* spem mihi
 maximam fecit fœlicioris eventus, ad quem
 si alii eandem mecum moderationem attulif-
 sent, proculdubio finis Bello fuisset impo-
 situs.

Eousque enim cedere volebam, quoad *Ra-
 tio, Honos, Conscientia* permetteret, nec quæ
 restabant controversiæ tanti erant, vel in Rem
 Populi tam necessariæ, ut *securitati* subdito-
 rum meorum aut *fœlicitati* obstarent, quorum
 utraque multo melius gavisi fuerant annos
 ante complures quam hæc omnino postulata
 nascerentur, è quibus nonnulla repudiando,
 & mihi Ipsi ius facere, & subditis meis gra-
 tum arbitrabar

Nimis vero constat, haud ita facilè *mitiga-
 ri* suspiciones ac primo *excitantur*. Major enim
 nonnullis timor est, ne à violentis fœderatio-
 nibus quibus jam sunt impliciti *discedant*, quam
 erat olim ne se his *implicarent*: quod deest æ-
 quitatis pertinaciâ suppleant; Ipsi videlicet qui-
 quibus modica admodum res fuit, quâ vel in
 pace *gauderent*, vel Bello *perderent*, illud sedu-
 lo agebant ut ipsum Nomen *Pacis* suspicio-
 ni & odiis obnoxium redderetur.

In

In rebus *Ecclesiasticis*, ubi tot ligaminibus *Conscientiæ* astrictæ minima erat deliberandi libertas, eo modo sancire placuerat, quo abunde esset omnibus satisfactum, quos non Factio aut Avaritia, aut Superstitio denique, quam Zeli fervor aut charitas aut Reformationis studium impulerat.

Promptus eram omnia largiri quæ synceram pietatem promovere viderentur, ea solum *retinendi* cupidus quæ in ordinem præsidium & Authoritatem *Ecclesiastici* Régiminis necessaria, & quæ persuasissima habeo (prout alibi me uberius explicitum) veris omnis Politicæ principiis, (etiam quæ consummatissimæ sunt) consentire, tum Primitivo imprimis & Apostolico Exemplari & Primitivæ Ecclesiæ Praxi.

A quâ ut penitus discedatur, in eorum tantum gratiam qui nec quicquam probabile pro suis afferre, nec vel uni objectioni respondere valent (sed perversa voluntate acti, nec inter se fere aliâ re concordant quàm quòd utrique eradicandum *Episcopatum*, & contra me pugnandum simul censeant) eam animi molliem & imbecillitatem arguet, quæ à *Dei veritate* potius quàm à *pace humana* depelli voluit, & *Ecclesiastici* Honoris naufragium facere, quàm factiosis quorundam studiis adversari.

Quorum interim vitio ita male successit hic *Tractatus* & qui sequentium calamitatum crimen maximè sustinent, Deus novit, & Tempus patefaciet : Me (credo) coram Deo & in
corru-

corruptis hominibus (qui hæc feriò expenderint) liberari, qui non minori studio ad laboravi *pacem* Populo meo restituere, quàm ipsas meas *Coronas* Posteris meis incolumes servare.

Eâ sunt arrogantia nonnulli, ut omnes huiusmodi *Concessiones* in Imbecillitatis argumentum statim trahant, & tunc se rigidos maximè & pervicaces ostendunt, cum alios flecti faciles, & de suo remittentes, invenerint.

Hæc Illis pars magna *Prudentiæ*, aliquid semper *ultrà exposcere*, quàm *Æquitatis* aut *Honoris* Ratio concedat, ut isto saltem colore alia omnia *Concessa* repudient; tam iniquis plærunque *pacis* conditionibus ut præ his leve sit quod in *bello* deterrimum. Cum id unice semper egerunt, ut inhonestis *Concessionibus* me primùm jugularem, quò minus Iphis restaret conficiendum.

Prorsus nihil amplius vel in hoc *Tractatu* vel in alio quovis effectum est, quàm ut *Orbi* constaret, quo utrique animo essemus in *Pacem* Publicam: Ipse, nihil fere *negare* promptus, Illi nihil *concedere*.

Duriore hinc factos nonnullos, pravis eorum ingeniis imputandum est, haud, à Me tunc *Concessis*, vel *Negatis*. Me nunquam pigebit *conditionum* quas detuli, culpa eorum sit & pudor qui recusaverant.

Haud exivit me unquam secundissimus *Fortunæ* cursus ne *Tractatui* auscultarem, nec ita hætenus reciprocaverat, ut non possem *Armis* contendere, licet nunquam id veræ fortitu-

fortitudinis duxerim vitas hominū male prodigere, quā, collatis utrinq; rationibus, si opus esset alienis subscribere.

Quod verò de plærisque *Tractatibus* pessimè ominarer, inde erat, quod tam inviti ad illos trahebantur, quo tacitè licet indicabant, quædam *gladio* esse impetranda, de quorum iniquitate disputatum nollent, quæque inter *Milites* agitati, quàm *Consiliis* aptiora.

Deus illis ignoscat, qui dissoluti huius *Tractatus* rei fuerant: & id gratiā suā in iis efficiat, ut jam Bello potiores fortunæ suæ opportunitate ad moderatius agendum utantur, ut quæ hætenus ob peccata nostra *Pax* merito dilata est, foeliciter tandem procuretur, dum, quod *Tractatu* non licuit, *precibus* saltem consequamur.

*Tu O Deus Rationis & Pacis qui nec Ipse dedignaris cum Peccatoribus agere, ultro pace oblata præveniens, & ut velint tecum in gratiam redire obtestans, quos & potes, & justè potes perdere, ni misericordia in salutem abundares, emollias corda nostra Redemptoris nostri sanguine, quo & pacem tuam accipiamus, eamque rursus inter nos invicem (quod Christianos decet & homines) procuremus simul & conserve-
mus. Quoties pacem obsecravi? Sed cum loquor de pace, ipsi ad bellum parati sunt.*

Ne dedas nos Impotentiae affectuum, & nobis, & aliis exitiosae.

Purga nostros Intellectus, ut veritatem tuam videant, tum Rationis ut homines, tum Religionis ut Christiani: & sic omnium corda inclines, ut servemus unitatem Spiritus in vinculo pacis.

Tolle illam in te Inimicitiam, cordibus nostris nimis instam, & illam indas charitatem, quam exercere mutuo debemus.

Remove quae ita valde commeriti sumus Belli mala, & illam Pacem largiaris, quam Ille noster Pacificus Christus unice potest mereri.

19. De vario Belli successu, Victoriis & Cladibus.

Varii hujus Belli Infoelicissimi Eventus occasionem suggesserunt varia meditandi. Placuit Deo nonnunquam experiri me victoriis, fuis hostibus & profligatis, eo fine, ut discerem simul gratè agnoscere & moderatè uti ea Ipsius Potentia, qui est vere Dominus exercituum, potens (ubi collibuisse) reprimere

mere fiduciam contra me pugnantium,
Numero ita & Viribus superiorum.

Ab exiguis admodum initiis aucto,
 satis ostendit, me non penitus ita populi
 mei amore, & Illius præsidio destitui.

Alibi exercebat Patientiam meam, &
 docebat non in *braccio Carnis*, sed in
Deo vivente confidere.

Valuerunt aliquoties *peccata* mea con-
 tra causæ *Iustitiam*, & qui mecum tunc
 erant, argumentum abunde & occa-
 sionem subministrabant severè utrosque
 castigandi. Poena interim hostibus non
 minor, qui secundis rebus indurati,
 magis hanc suæ causæ iniquitatem affe-
 ruerunt, & (quam *licentia Tumultuum* Par-
 lamentis indigna inchoaverat) jam aper-
 tiùs *Armis* promoverunt.

Nocent sæpe *Publicæ Causæ Privata*
 flagitia, nec qui vulgo generosi & for-
 tes audiunt, idonei semper à Deo habiti
 qui *Iustam Causam Bello* propugnent:
 Quo enim proclivior quisque est suæ
Arti, Consilio, aut Virtuti tribuere, eò
 minùs (in suam *Gloriam*) Deus per Il-
 los operatur.

Illud constat malè admodum ex ever-
 tu æstimari vel *Iustitiam Causarum*, vel
Conscientiæ Pacem, vel in quem sta-
 tum *Animæ nostræ* in futurum mittun-
 tur.

Qui à Mea Parte stabant, clarè (credo) & indubiè Dei *Verbum*, & *Leges* Regni, tùm *Iuramenta* sua propria omnia à se conjunctim stantia habuerunt: his enim omnibus præcipitur justis meis Imperiis parere; nemini certe conceditur extra meum Consensum, nedum contra me, arma sumere.

Illi ex parte adversâ, ad nescio quas confugiunt prætensas formidines, & dissolutissima Status (ut vocant) *Fundamentalia*, ea scilicet quæ præsentem Statum *Ecclesiæ & Regni* evertunt; quædam porro hîc afferunt *Sui in defensionem* argumenta futilia & imaginaria, quæ etiamsi vera essent, minime omnium ab illis urgenda, qui cum mei Subditi essent, Me & Leges meas primi impugnabant, turbas illas initio non coercentes, mox etiam conscripto Exercitu. Ejusmodi certe argumentis, cuicunque Factioni licebit (vires modò adsint & fiducia) quæcunque contra Leges exstantes & Magistratus postulant, ea Gladio demùm expugnare. Nunquam enim tam commodè erunt res constitutæ, ut non aliqui saltem offendantur, & quod Ipsis reformandum videbitur ad Rebellionem usque prosequi incitentur, accedentibus præsertim *parasitastis* Concionatoribus, quales hi qui *Martyres* appellare

pellare audent, qui contra *Me & Leges*, nec minùs *Iuramenta* sua *Religionemque* pugnantes occubuerunt.

Probè verò intelligunt Boni *Christiani*, iis duntaxat *inclytum* hoc *Nomen* tribui, qui Dei veritatem & quæ speciatim hîc debent officia vitâ suâ habent potiora, cæterisque in Mundo charissimis; qui nil sibi privatim è rebus novis quærentes id solum piè cogitabant, quibus animarum vinculis, Deo, Mihi, & Ecclesiæ, obligati erant in obsequium simul, & auxilium.

Deus suâ misericordiâ potuit donare, & donavit proculcubiò multes vitâ æternâ qui in iusta causa obierunt. ipso illo *corporum* interitu in Salutem *Animarum* Sanctificato, vulneribusque & clade *temporali* viam quasi ad æternam felicitatem sternentes; dum certa mortis approximatîo ita corda eorum in eam fidei diserneret humilitatis, pœnitentiæ capacitatem, quæ iustissimæ causæ conjuncta in meliorem multo vitâ præpararet, quàm vel nefarii illis hostes adimere, vel sibi ipsis sine pœnitentia sperare potuerant.

Sæpe (fateor) in *prælio* superiores fuisse nostris partibus; nunquam ita apud Dei *Tribunal*, & conscientias suas futuri, ubi certe haud eâdem fiduciâ cominùs ibunt tot perspicuis rationibus, (à Le-

ge *Iuramento Fidelitatis* & *Christianæ Religionis* fundamentis contra cunctis militantibus (quibus intus jam agitantur, & se in corde suo accusant) quâ olim acti vecordiâ, in quas Deus mihi dederat copias impetum fecerunt.

Horum fors utcunque ærumnosa, oppressis plærisque aut extinctis, (haud dubito) longè optabilior est pio homini, & mentis bene sanæ. (cui officium suum & salus Animæ præsentaneæ huius vitæ oblectamentis potiora) quam omnes Hostium nostrorum Triumphus & Gloria, qui vix fieri potest ut effugiant quotidianos illos horrores, quibus (semper ambiguae, nunc vero palam convictæ) conscientiæ Illos persequuntur, præsertim postquam Orbi jam satis constet, quàm falsi penitus & ab animis Ipsorum alienissimi illi primò sparsi Prætextus fuere, quibus forsitan speciosum aliquid inerat, nil, quod justè excusaret vel hæc *Arma* moveri, vel in illis tam diù perstari, contra Me & Leges sancitas, in quorum utriusque conservatione omnes probi arbitrantur *publicam* maximè *salutem* consistere atque adeo *propter* simul & *cum* illis honestius multo & foelicius ducunt *occumbere*, quam per Ruinas has *crescere* & *exsolli*.

Sæpe

Sæpe id precibus à Deo expetivi, ut qui mearum partium essent, veram *pietatem* cum *obsequii* sensu conjungerent & in *Deum* æque atque *animas* suas extarent ac in *Me* fideles, ne quæ hîc deliquissent, ceteros illos conatus prorsus irritos efficerent.

Nunquam tamen existimabo ullam in parte adversa non prætenfam modo, sed veram (si fuisset) pietatem, vel excusare omnino, vel compensare posse illa *Obsequii* & *Fidei* dispendia quæ mihi penitus deberi ita manifestè evincuntur conscientia hominum, ut hac sola permoti homines (alias prophani satis) vitas suas mei causa periculo objecerint.

Nulla mihi unquam victoria sine dolore meo obtigit, nempe in Subditos meos parta, quorum plurimi nimis verèor cum *Absalone* in peccatis suis perierunt. Nec vero fusus unquam prælio de Misericordia Divina, & præsidio desperavi.

Nunquam certe ejusmodi victoriam optavi, qua Leges & Libertates Populi Mei *vincerem* magis quàm *restituerem*: has enim utrasque simul cum Jure meo vehementer oppressas videbam ab iis ipsis hominibus, quibus Justa omnis cœrcio gravis erat.

Dante interim vel negante victoriam Divinâ Providentiâ, id unicè duxi cavendum ne vel de viribus meis gloriarer, vel *Deum stulte aspergerem*, quem credebam etiam aliquando in bonum omnia conversurum.

Nihil aliud mihi è Bello insuper accedere optabam, quàm ut Hostibus meis *modum* imponerem, Amicis *pacem* darem.

Expavi tentationem integræ nimis victoriæ: nec id magis sum à Deo precatus, ut *Hostes* meos, quàm ut *Meipsum* vincerem. Illud Deus negavit, hoc dedit, quod mihi optimè vidit expedire.

Varii Rerum Successus erant diversæ *Methodi Divinæ Instructionis*, his quasi ventis contrariis excutere nos volentis & repurgare, ut puniendo peccata nostra, puros simul illis præstaret, & ita animos nostros erudiret, ut futuras benedictiones & *estimare* melius possemus, & rectiùs *uti*.

Cùm illos toties de Pace interpellaverim, satis patet *Bellum* mihi haud quaquam voluptati fuisse; quemadmodum & Superiores meæ *Concessionibus* indicabant quàm libenter illi obviafsem; & sic ab omnibus esse imparatum, erat illius qui nec de Bello cogitasset.

Vetuit Me Conscientia Innocentiæ meæ quicquàm à Bello *metuere*; sed amor
Populi

Populi exegit, ut quanquam fas esset *desugerem*.

Ea mihi in hoc *Bello* culpa præcipua est, quod nonnullis plus nimio indulserim, confirmando hanc illis potestatem, quâ, eâ modestia & gratitudine uti volebant, quæ eorum tum fidem, tum fiduciam meam decuisset.

Si parciùs *dedissem*, parciùs forsan *oppugnassent*: si *plus* negassem, *plùs* fuisset obsequii.

Serò jam recensemus causas Belli. Illud unice exopto, ut sit *felix* tandem exitus *infelicium* cœptorum. Ea fors Inevitabilis peccata nostra expectabat, ut non ampliùs quiesceret Divina Justitia: victa primò Dei patientia in ea nos supplicia damnavit, ut alternantibus victoriis mutuò collideremur: utriusque enim Partis *prospera*, Publico *adversa*.

Miseræ vero omnes *Victoriæ* quæ peccata adhuc relinquunt *indomita*, quæis effertur insolentiùs superbia, & ad cumulandas injurias animatur.

Quin nec *Pax* Ipsa expetenda est, dum nos in Illam *pœnitentia* præparaverit.

Cum adversus Nos Ipsos *magis*, & in Deum *minùs* pugnare didicerimus, his invicem pugnis abstinabitur. Sanæ hæ

utinam cogitationes in cordibus nostris
coeant, ut melius satagatur *Belli* hujus
Infœlicis periodus : & discamus utrim-
que, Ego *Deo* obtemperare, & *Populum*
regere, Illi & *Deo* & *Mihi* parere; nec
Mihi ampliùs pareri postulo quam *Deo*
simul parcatur.

O *Deus* *Meus*, fac ut æquo animo vincar, cùm
sic *Tibi* placuerit.

Doce *Me* (quæ pulcherrima omnium victo-
ria est) meipsum vincere, & *Hostes* meos pa-
sientia. Sic enim *Christus* vicit, atque adeò nos
Rege *Christiano* indignum.

Inter utramque *Manum* tuam, sublevantem
dexteram & prementem sinistram, in illam for-
me s pietatem quæ tibi maximè grata est fistura.

Ignosce secundarum rerum comiti arrogantia, &
& in adversis non minus, quærimoniis & stoma-
cho, quoties in fiducia virium nostrarum ince-
dentibus tu vim tuam meritò subtrahis, nec inter
opias nostras unâ egrederis.

Esto *Tu* *Omnia*, sive *Nos* aliquid, seu nihil
simus, & seu victores seu victi tibi *Gloriam* tri-
buemus.

Tu *Domine* nosti quantâ animi molestia hæc à
Subditis meis mala perpetior, quibus optima sem-
per concupiui, & ob hanc causam, maxime sen-
sio quæ me cogunt sibi mala facere, dum eorum
luam supplicia.

Cùm

Cum ergo victor simul & victus utrinque
plectar, dones me geminata Spiritus tui portio-
ne, & ea gratiæ mensura quæ mihi sola sufficiat.

Quemadmodum me habuisti miserrimum, ita
maximè facias reformari; ut non solum eò sælix
sim, ut civilium dissidiorum finem videam, sed
Instrumentum etiam fiam præcipuum rediturae
Pacis, & in Regnis meis feliciter stabiliendæ.

Sit diversarum Partium una æmulatio, ut se
invicem ratione, & moderatione animi exsuper-
rent, & ea postremo sui abnegatione, quæ deceat
illos qui cogitant mutuis nostris dissidiis scindi
publicum, & id Bonis maxime expedire ut sit
omnium concordia.

Sin Tu (Domine) qui ob peccata nostra ca-
lamitates Belli induxisti, pergas adhuc ob pec-
cata Belli sælicitatem Pacis denegare, & nos
usque detinere in calamitatum circulo, des Mihi
tamen Famulo Tuo & fidelibus meis (licet op-
pressis) Subditis ea tandem pace frui, quam nec
Mundus dare potest, nec eripere.

Ne Mihi sanguinem Subditorum meorum im-
putaveris, animo valde reluctanti, & dolore
summo effusi in illa justa mea & necessaria de-
fensione, sed me pretioso illo lava Sanguine, à
Magno illo Pacificatore Iesu Christo propter
Me effuso, quem Me brevi confido ex his omni-
bus angustiis liberaturum: novi enim Iubila-
tionem Impiorum brevem esse, & gaudium Hy-
pocritæ ad instar puncti.

20. *De Reformationibus* *Temporum.*

NULLA adeo invidenda est Gloria ,
quàm quæ ex debita Ecclesiæ vel
Status *Reformatione* acquiritur, nisi
cùm sint deformitates ejusmodi, ut ipsa
Motum incidentium, & Novitatum in-
commoda bonum Reformationis exsu-
perent.

Hunc licet mihi Deus honorem ne-
garet, ut Instrumentum fiam tam præ-
clari *Operis*, quoquo modo tamen ef-
fectum lætarer.

Grata sanè in initio *Parlamenti* hujus
studia fuisse, ut quicquid *Temporum* In-
dulgentia, vel corruptela *morum* pravi
induxerat *reformaretur*: jam non minùs
dicerucior, cùm his Turbis Factionum
libertatem *Parlamenti* oppressam videam,
cumque Legum extantium, & Religio-
nis sancitæ (quæ Mensura & Canon *Re-*
formationis esse debuerant (nullam prò-
prie rationem haberi, & eâ porro iniqui-
tate ,

tate, & populari assentatione Affectibus quorundam & Opinionibus obsequutum in detrimentum Publici, & Reformatæ Religionis ingens Scandalum.

Quanta enim hinc continuò facta est omnis Ordinis & Regiminis Ecclesiastici *dissolutio*, quæ Novitatum, Schismatum & corruptissimorum Dogmatum licentiosa *invectio*, quæ in Sacris Administrationibus *Indecentia* pariter & *Confusio*, quæ in Jura & Fundos Ecclesiarum *Invasiones* Sacrilegæ, qui Cleri *contemptus* & *contumeliæ*, quæ in Me denique *dehonestamenta* & *injuriæ*, omnes statim ab hoc strepitu *Reformatianis* insecutæ (ut à calidis Radiorum stricturis magni imbres) omnes mecum unà saniores testes erant molestissimi & spectatores.

Omnium vero Errorum origo est, quod Populares ferè clamores & Furor, vulgo *Zeli* famam, & *Communis* omnium *Voti* obtineant, unde paucis placendi studio publicè omnes plærunque læduntur.

Certe optimè tunc *initur* Reformandi ratio, atque optimè demum *perficitur*, cum moderatè & libere, & nullis Partium studiis prosequamur; contrà *Factiosæ* molitiones multo plures *offendunt*, quam *placent*.

Utro me paratum ostendi omnes in
Re

Re Ecclesiastica , & Religione discrepantias , liberæ Synodi consultationi , vel *Convocationi* rite electæ permittere , cuius tandem decretis (cum omnium essent suffragia inclusa) verisimile est omnes acquieturos.

Conventum illum *Theologorum* quos (more quodam insolito & extraordinario) *Domus Vtraque* ad deliberandum de *Ecclesiasticis* adhibuerunt , hætenus tantum non probo , quod nec legitime *congregati* nec *electi* fuerint ; nec totius Cleri *Angliæ* partes sustineant , neque omnino liberè & incorruptè agere possint , cum (etiamsi nulla alia vis fieret) intra certos tamen limites & fines constringantur.

Illud enim haud facile credam , tot homines doctrinæ & pietatis nomine insignes , qui *Liturgiam* & Regimen *Anglicanæ* Ecclesiæ haud ita pridem (in præcipuis) probaverant , adeo derepente consensuros in *utrumque extirpandum* , (cum Illud saltem ignorare non possent si non *Apostolica* institutione , at *Primitiva* & *Vniuersali* Praxi defendi) modo integra fuisset suffragandi libertas , nec Diversæ Factionis potentia occultas spes & metus instillando in eos tandem valuissent , ut has simul promoverent plenissimas periculi Novitates , nullo respectu

respectu habito ad superiorem suam *Sententiam* & *Praxin*, vel ad rem & existimationem totius Cleri communem, spretâ Ordinis, Doctrinæ, & Religionis curâ, contra omnia denique Veterum Ecclesiarum *exempla*, Leges Regni constitutas, & consensu in *Meum*, qui certe nunquam impetrabitur adversus claram illam lucem, quâ Intellectus meus in hoc Articulo illustratur.

In rebus enim ejusmodi, quæ non perindè ex professo *rationi* aut *Fidei* aut *Bonis Moribus* adversantur, & circa quæ in Scriptura haud ita clarè & distinctè præcipitur, ibi certe perpetua & universalis *Praxis* Ecclesiæ optima est quam sequamur *Regula*.

Quod ad me attinet, promptus eram vel donare *Presbyteratui* vel restituere, quicquid *Episcopatui* conjunctus intra *Rationis* & *Prudentiæ* terminos postulasset: ut vero ita penitus invadat illam Potestatem, & Gladio asserat, & *Antiqui* illius Ordinis Jura aboleat, id nec justum in *Episcopatum* nec *Presbyteratui* tutum existimo, nec ullo modo vel *Ecclesiæ* vel *Reipublicæ* convenire.

Moderata certe consilia haud difficulter secuta fuisset debita *Reformatio*; atque ea forsân quæ longè gratior fuisset iis *Ipsis Theologis*, qui ipsi prius decepti
multa

multa postea Gravitatis specie aliorum consilia promovebant quæ haud dubiò jam satis detexerunt, licet spes suas delusas & offensam præ metu dissimulent.

Speciosa vero illa & Popularia Christi scilicet *Gubernationis, Throni, Sceptri, Regni* (quod certè nunquam dividitur, nec quod istorum est bifrons) tum illud *Integræ & Absolutæ Reformationis* æquè facile est cuivis Novæ Formæ appingere, quam pulcherrimos colores deformi Imagini.

„ Feneſtras interim in Ecclesiis (satis
 „ tempore deformatas) confringere, Cru-
 „ ces etiam (quæ Civilia apud nos monu-
 „ menta potius quàm Religiosa) evertere,
 „ Busta mortuorum violare & Epitaphia
 „ eradere, quibus solum admonebantur
 „ Posterì quas Deo debent gratias in ma-
 „ jori luce versantes Omnes porro Mi-
 „ nistros Sacris publicè operantes suo pe-
 „ nitùs arbitrio, & (quâ privatim pol-
 „ lent, Facultati permittere (ut meritò
 „ ambigat Christianus, quibus tandem
 „ AMEN subjiciat, vel, ne forte cum pe-
 „ riculo in errores aut Blasphemia con-
 „ sentiat, vel insulsa forsàn alia aut ridi-
 „ cula, ab audacibus plærunque & in-
 „ doctis temere inter Preces officia & Cõ-
 „ ciunculas jacta) quin edere passim Cate-
 „ chismos,

chismos, & Confessiones Fidei recon-
cinnare, quasi nulla priùs extitisset in
hac Ecclesia doctrina sana omninò aut
perspicua circa vel ipsa Fidei elementa,
quàm Quinquennii hujus proximi de-
liberatio hoc negotium integrè matu-
rasset:

Ista quidem omnia & his similia, quæ
vulgò fieri solent (ne nil facere videan-
tur) ab his *Reformationum* larvis quibus //
brevè aucupantur Plebis Gratiam (quæ //
his Novitatum illecebris non secus ac //
Pueri Imagunculis *vehementer* quidè sed //
non diù afficitur) tantum abest ut me-
reantur *Reformationis* laudem, ut reverà
(quantum ad *Charitatem*, *Pietatem*, *Rectum*
Ordinem, & *Mores* spectat) turbida magis
omnia & querula & confusa relinquan-
tur, quàm, ubi primò inchoaverant.

Haud enim facili operâ mala illa prio-
ra & detrimenta maxima pensare li-
cebit aut corrigere, satis carè ab illis
conciliata, & necessariò semper futura,
ni remedia debita adhibeantur.

Id utinam seriò tandem & unanimiter
vellent *Dei* opus agere, non *suum*. Multis
sanè incommodis obviam itum fuisset;
si Religionem (prout dignum erat) pri-
mo loco spectâssent.

Illud vero haud absurdè existima-
bant nonnulli, Ecclesiæ & Status Re-
gimen,

gimen, tot *Legibus* firmatum & diuturna *Consuetudine* fixum haud ita statim diffluxurum, & in novas suas *Formas* fundi facile, nisi ad Ignem prius Belli Civilis colliquesceret, in quo facti potiores, statuerant Me & Subditos meos universos ad *procumbendum* adigere, & *adorandas* *Imagines* erectas ab Illis & fabricatas: Sin id *Christi* Spiritus in horum hominum *pectoribus* (*Charitatis*, nimirum, & *Manfuetudinis* & *Sapientiae*) insedisset, quantum in linguis Nomen *Christi* & ipsissima *Reformandi* Regula jactabatur haud dubie (illius *Benedictione*) tum in *Christi* Gloriam, tum in Bonum *Ecclesiae* Honoremque *Religionis* & *Veritatem* efficacius multo valuisset.

Qui *reformare* volunt publicè, in se primùm agant, & experiantur in corde suo quæ in alios constituunt: intus enim si quid fuerit deforme, vereor, ut qui de *Publico* videntur solliciti, in ea *Privata* Consilia pertrahantur quæ *Publico* Bono multùm obstabunt.

Recta quidem ratio *Reformandi* Ecclesiam minimè omnium consistit cum *Civilis* Status *perturbatione*, nec oppressa *Fidelitate* crevit unquam *Religio*, cuius hæc pars præcipua & Ornamentum est. Proximum enim à præcepto illo *Deum Time*, subjicitur *Regem Honora*.

Instan-

Instaurabitur (haud dubito) *Christi Regnum Meo* neutiquam *everso* , & cū *studia* & *affectus* cessaverint haud utique *Boni Christiani* censebuntur qui *Boni Subditi* esse desierint.

Christi certe *Regimen* in *stabilimentum* *Regni Mei*, non in *ruinam* cedit , cū *meum* ab *Illo* acceptum profitear, atque id unice in votis habeam ut in *Gloriam* *Illius* & *Ecclesiæ Bonum* administretur.

Si id seriò laborassent nonnulli vel quid hoc sibi vellet intellexissent à *Christo Regi* , facta illa sua & dicta dissolutiora quibus & mihi & sibi invicem injurii fuerunt , multo rectiùs fuissent moderati.

Quemadmodum vero *Boni Fines* nunquam justa efficiunt *prava Media*, ita nec ex *malis Principiis bona* unquam fiet conclusio, ni miraculo quodam suæ *Misericordiæ* lucem *Deus* è *tenebris* , è *confusione ordinem*, & è *perturbationibus nostris Pacem* creare destinaverit.

Tu Domine, qui solus potes *Coronam nobis dare pro cinere* , & sublatâ *Hypocrisi* *veritatem* reddere , ne has nobis permittas *Pharisaicas ablutiones pro Christiana Reformatione im-*
sponere.

Intus illi sunt nobis Nævi maximi , & tur-
pitu

pitudines, fac ut in nos ipsos severe agamus, & ab Animis nostris Reformatio incipiat, ut perspicaci Iudicio, & integro Corde accedentes, quæ in Ecclesia aut Statu perperam sunt, idonei simus reformare.

Cor mundum crea in Nobis Deus & Spiritum rectum innova in visceribus nostris, ut tuo ductu simul & tuâ Benedictione in Tuam omnia Gloriam faciamus.

Miserere deformitatum & vulnerum, quæ temerarii & sævi Reformatores huic Ecclesiæ & Statui inflixerunt; extingue Factionum flammæ sub prætextu Reformandi accensas.

Et quemadmodum per hæc mutuo dissidia, & confusiones palam omnibus facere voluisti quàm sint pravi nonnullorum fines, & infirma Iudicia; ita ex his flammis educas nos purgatiores, præcunte Christiana magis, & plûs in se charitatis habente Reformatione, ubi nihil vindictæ aut ambitus, avaritiæ denique aut sacrilegii polleat in eorum consilia, quibus opus tam insigne & bonum, & jam maxime necessarium æquo & licito more peragendum providentia tua demandaverit; ut internæ pietatis felicitate aucti ego simul & populus etiam Pacis externæ beneficio rectius in posterum discamus.

21. De Epistolis Regiis interceptis, & divulgatis.

Litteras meas fuisse interceptas, opportuna erat Hostium Malitiæ, & præter spem occasio, quâ tamen honestè & civiliter uti ignorabant. Nec sane arbitror, apud æquos & probos æstimatores quicquam in illis repertum ita mihi in *probrum* cecidisse, quam sic turpiter fuisse divulgatas, in eorum *infamiam*.

Tunc enim maximè se probat virtus, & generosi animi vera indoles, cum in hostes maximè liceat, nec ullâ magis humanitate afficimur, quàm quæ ab iis deferitur à quibus minimum speravimus.

Hanc à me gratiam inire poterant chartas meas celando : in quibus cum essent *liberiora* quædam, atque etiam *arcana*, certè aliquid hîc civilitatis necessarium duxissent homines non plane Barbari : Nec revera quicquàm unquam inhumanius factum

factum est, quàm eas publicè omnium exponere.

Cùm verò secus vellet Providentia, haud utique moleste fero Pectus meum (quod Divinæ Omniscientiæ approbare studeo) palam jam coram Mundo rectum fieri, sine fucis illis omnibus & speciosis ad populum ornamentis, quæ in Publicis Epistolis & Orationibus solent. Vtinam vel in penitissimos animi mei sensus intropicere liceret Subditis meis; certe nil aliud deprehenderent, quàm quâ curâ & amore distractus sim, non quò Iura mea magis, quàm ut pacem coram & fœlicitatem conservem, & quàm ingenti mœrore conficior, eos ita in perniciem suam delusos.

Nec quicquam ampliùs ex his literis malevolentia ullius consecuta est, quam, quod omnibus notum fecerim quàm constanti animo fuerim in *Vxorem* meam, *Leges*, & *Religionem*; Mella legent *apes*, ubi virus fugit *Aranca*.

Quod explicare me voluerim angustiis (in quas me Hostes adegerant) licitis & honestis Fœderationibus initis, nemo sane vituperabit qui me amat & Rempublicam, cùm haud fieri omnino possit, ut sint *salices* Subditi Mei *Me misero*, vel pace sua & Immunitatibus *Me* oppresso potiantur.

Satis

• Satis patet, ad hoc unice nonnullos collimâsse, ut *Absalonis* exemplo, atroci aliquo facinore latius indies fieret dissidium, & exacerbata utramque partem ita à se invicem distraherent, ut nulla spes esset postea redintegrandi.

Has verò, ut & cæteras Injurias non solum (Deo Gratias) æquo satis animo ferre possum, sed (quæ mea est Charitas) ignoscere.

Ea interim fuit Animi mei integritas ut non multum metueret à stylo lædi: licet enim arcani fiducia in id genus *Literulis* majorem fortè in scribendo licentiam permetteret & malignorum cavillis obnoxiam, nunquam tamen principalis mei consilii innocentiam vel tam malè intelligere, vel sinistre interpretari possunt, ut non omnibus fiat perspicuum, me nil magis exoptâsse, quàm ut omnia foeliciter componerentur, *Iustitiæ* & *Honoris* ratione habita: idque non ex meâ magis quam *populi* sententiâ, eorum saltem quibus aliqua supererat aut *amoris* in Me aut *fidei* scintilla: quibus etiam ipsæ hæ *Literæ* clare demonstrabunt, me & *Rei* meæ privatæ & *Regni* mei curas posse & negotia (arte quâ Principem decet) capeffere; quod non libenter de me credi volunt Hostes mei, quasi ex aliorum Præscripto &
Dictato

Dictato viverem quos *Pravorum Consul-*
torum nomine infamarunt.

Jam forsan me respicient nonnulli ut
meorum Consiliorum *Authorem*, & cùm
alium non habeant in quem litem inten-
dant, in me posthac omne odium effun-
dent, quanquam id semper illis ægrè
fuerit, ut vel ullâ animi mei libertate
gauderẽ, vel conscientiæ meæ luci obtẽ-
perarem, quem sibi planè addici & man-
cipari volunt, sua inprimis *consilia* à Me
probari debere existimantes qui tam
diù contra me Bellum gesserunt.

Satis quidem fuisset illius diei victo-
ria, cùm accesserunt in prædam *Litera*
mea, ad explendam illam Famæ popula-
ris ambitiosissimam sitim: siquidem a-
pud vulgus hominum benè tantum au-
diunt prospera, contra adversa & afflicta
conditio omni statim contumeliâ exci-
pitur, quasi Bona Fortuna Umbra sem-
per esset virtutis, & non frequentius
turpia & injusta facinora in hoc Mundo
prosequeretur.

Verùm illis qualicunque successu nun-
quam satis muniri videtur & commen-
dari causa ejusmodi, quæ à Turbis au-
spicata de Aura Popolari dependet. Has
ergo suis consiliis utilissimas ducunt
victorias quæ famam & exstimationem
meam apud populum pessundent. In
horum

horum enim pectoribus, omnes Amoris, Reverentiæ, Fidei scintillas ita penitus sopitas aut extinctas cupiunt, ut nunquam possint reaccendi in illum ardorem, quo vel Mea vel Legum, vel Regnorum meorum Libertates (quas omnes pariter everfas cupiunt) vigeant amplius aut restituantur; existimatione mea ereptâ via pulchre sternitur ad eripiendum mihi vitam & Regnum: Regno enim indignus jam nec vitâ dignus judicabor. Accurata igitur sævitiâ pariter & astutiâ cogunt prius exequias Honoris Mei celebrare, ut mox interitu meo parentetur. Sed haud dubito veram illam Dei Justitiam, nec errori nec affectibus obnoxiam posse aliquando & velle perversa hominum studia, & consilia evertere; Potest ille efficere, & (ut spero) efficiet, ut in bonum meum cedant quæ in me pessima Inimici vel cogitarent, vel fecerint.

Nil me interim aliud existimo hâc *Litterarum* interceptione, quàm tot Chartulas tantum perdidisse. Quantum vero Illis perierit Humanitatis famæ (quæ cùm omnibus debetur, certe omnium maximè ab iis qui singulare præ se ferunt pietatis studium) quantum etiam Reverentiæ & Honoris Regi suo debiti, & præsens ætas & futura optimè judicabit.

Sed nec Ipsas Eorum conscientias arbitror ita penitus in stuporem datas, ut non sensu aliquo secreto afficiantur pudoris illius & Infamiæ quæ inhonesta facinora comitatur, utcunque publicâ adulatione, & populari Gratiâ commendata.

K

Certe

Certe nunquam sperabunt Deo posse approbari turpem hujusmodi rem & indecoram; modo velint meminisse quâ Deus olim benedictione illam *Nohe* Filiorum verecundiam & filialem in Patrem teneritudinem compensavit, cum nullâ contra Parentis infirmitate vel excusari posset *Chami* impudentia, vel ab execratione illa liberari ut esset *Servus Servorum*; quæ (verecor) ut sit illis hæsuræ, qui actibus plenis probri & placere student Populo, & hoc sibi Patrocinium firmare.

Haud verò magis vel defendi possunt vel foelicem exitum sortiri illa eorum malitiosa consilia, qui hac me ratione cogitabant summæ apud Populum ignominie & ludibrio exponere, officii illius valde immemores quo modestè celare jubebantur, si quid verè in Patriæ parente indecorum comperissent, quod tamen (Deo Gratias) neutiquam factum est, sed illius potiùs Gratiâ perfectum, ut mihi non secùs (quàm olim *Davidi* evenerat) reverentiam porro conciliârît ipsa hæc Literarum vulgatio, quâ me ut *Vilem Personam*, omni prorsus exutum Majestate, & nulla post-hac fide aut existimatione dignum exhibere omnibus voluerunt.

Tu vero (Domine) qui Sapienti tua & cuncta disponente Providentiâ ordinas ea quæ videntur in humani rebus incertissima, fac ut constantem tuam in Me Misericordiam agnoscam, etiam ubi

*in me maximam licentiam Hostibus meis permisi-
sisti.*

*Tu qui olim Achitophelis consilia difflasti,
& in bonum tui David, & exitium Aulhoris
convertisti, ita & horum potes machinamenta
subvertere qui hæc mea secreta evulgando, odio
me volebant & contemptui Populi exponere.
Tuam Omniscientiam appello Testem Integrita-
tis meæ, quam iniqua & falsa sunt illa valde
probrosa, quæ hac Chartarum mearum occasione
Hostes mei pessimi interpretes de me vulgo credi
postularunt.*

*Malum quod in Me machinati sunt, & sol-
licitè ita procurarunt, ita in Caput Ipsorum re-
vertatur, ut induantur pudore, & operiantur
sicut diploide, confusione sua.*

*Vides Domine, quàm id omni studio agunt,
ut Honorem meum deturpent, sensa animi detor-
queant, & vestigia exprobrent Vncti Tui.*

*Me vero Corde illo dñes quo libenter contu-
melias accipiam Tui causâ, & Tuæ Ecclesiæ.*

*Hunc in Me firma animum, ut tuo maxime
studcam honori: meum tibi curæ fore nil dubito,
vei me enim Potestati illi & Majestati restitues
(quam nonnulli tuo permissu ita quærunt cripe-
re) vel illa corona imperties Christianæ patientiæ,
tibi usque pertinacis per gloriam & ignominiam,
per infamiam & bonam famam servire.*

*Tu (Domine) fons es Bonitatis & Honoris,
tu eximia Majestate indueris: fac me tuæ Excel-
cellentiæ qua sapientia Iustitia & misericordia
superas, aliquo saltem modo participem, nec jam*

illo destituar Honoris & Majestatis portione digna Loco in quo me collocasti, qui es Exaltator Capitis mei & Salus mea.

Duc me Domine tuâ Gratiâ ad eam veram solum & æternam Gloriam.

22. *Cum abiret Rex ab Oxonio & se ad Scotos reciperet.*

Q Vanquàm tria mihi Regna Deus dederit, nullibi tamen locus restat, ubi jam tutum caput (tuto simul Honore) deponam. Ita enim ostendere volebat Deus se tutissimum esse perfugium, & arcem omnium munitissimam in qua oportet confidere.

In his rerum angustiis non tam *Homines* quàm *Deum* respicio. Sic Illi visum est facere : atque adeò Me penitus & afflictas res meas in Illius misericordiam conjicio, cujus unius arbitrio manus omnium & corda impetrantur.

Quod viribus negat providentia, prudentia forsan

forſan concedet. Advocata in conſilium neceſſitas jubet ut incolumitati meæ proſpiciam, *diſſimulato* me illinc *habitu* ſubducens ubi præcipuum robur ſupererat, ut eorum jam *fidem* experiar qui has primùm Turbas inchoârunt; forte his tandem instrumentis uſurus eſt Deus ad hæc omnia honorificè componenda.

Hæc fortè de illis fiducia exuet eos armis, & vincet: quòd me Illis ſic ultro crediderim, affectus eorum arctiùs astringet, qui ita crebro profeſſi ſunt non ſe *in Me*, ſed *pro Me* pugnare.

Ænigma jam hoc explicandum eſt, & occaſio illis offerenda quâ jam orbi teſtentur, non ſe ea quæ *agunt*, ſed quæ *dicunt*, velle.

Deo verò hîc cuſtode opus eſt, conſiliumque & ſolacium à Conſcientia meâ petendum. Tradam *corpus* licet in iſtorum manûs, *animam* tamen Deo & mihi integram ſervare decrevi, nullâ unquam neceſſitate cogendus vel *Honori* meo renunciare, vel à *Iudicio* deſlectere.

Quod *vi* rapere volebant, jam his *ultro* donabitur, tam inſolito genere præſidentia, ut jam merito pudore afficiantur, ſi id re non præſtent quod debent, & quod verbis ſunt sæpè proteſtati.

Haud enim Deo ſatis viſum eſt, ut militari meo Robore ad me tuendum deſtituar, niſi eorum etiam Arma implorem, qui licet ex

officio me tueri debeant, adhuc tamen censentur in hostium numero.

- // Ita variæ sunt res humanæ, & in eo sæpè difficili Statu res Principum versatur, ut in quo collocant illi *præsidium*, ibi maximum subsit *periculum*, & quod credunt *periculum* in *salutem* vertatur.

Eo jam redactus sum, ut, qui strenuè meis Partibus hæserunt sint à me relinquendi, ut ad Castra inimica confugiam: forsan hanc *Pacis* rationem foelicius initurus, quàm illam *Belli*, quò & sanguinis effusio sistatur, & jam vulnera facta coalescant, dum sim interim haud perinde de *Mea*, quàm de *Meorum* incolumitate sollicitus, ut qui maiora potius velim pericula tentare quàm constantem eorum Fidem extrema pati.

Est & aliqua in lusitando peritia, scire jam vincere non posse, & maturè desinere, quàm frustra certare.

Id jam summo studio agendum, ut Iudicium meum amplius confirmem, sinque juxta à Ratione & Religione instructior, ne libertatem *Animæ* meæ simul tradere videar, aut *Conscientiam* illis mancipare, quos vel ab initio oportuerat *Argumentis* potius quam *Armis* in hæc nova sua postulata Consensum meum exorasse.

Nullus apud me (Deo gratias) successus fucum vero facit, aut fraudem, nec jam minus in hoc rerum articulo verba mea animo respondebunt, quàm si essent (prout Re-
gis

gis inter Subditos esse decuerat) *plena potestatis.*

Vis maxime Divina Ratio est : nunquam inopem Me virium putabo , dum hac integrè & liberè frui liceat. Nulla externa Fortunæ *Eclipsis* hac Me luce innatâ fraudabit. Quicquid *extra* Deus negabit roboris , *intus* à Gratia Illius (uti spero) in constanti animo supplebitur , non ut *negem* præfractè quod concedi par est , sed ne quid ejusmodi *concedam* quod *Ratio* & *Religio* jubent negare.

Nec Me interim *minorem* factum existimabo , dum hanc Conscientiæ integritatem custodiam quæ Mihi sola *Gemma* superest digna *servari.*

O Tu Animarum Moderator Supreme , qui Conscientiis nostris solus imperas : licet ignorem quid agere debeam , oculos meus ad Te dirigo . In tutelam tuæ Misericordiæ me semper committo.

Quemadmodum Me servasti in die prælii , ita & adhuc potes vim Tuam in infirmitate mea ostendere.

Sis Tu mihi in nocte obscurissima Columna Ignis quâ illuminari simul possim & dirigi , & in die Tribulationis ferventissima sis Columna nubis Me inumbrans & protegens.

Tu nosti (Domine) Me nullâ penitus animi pervicaciæ sed justissimis argumentis persuasum , à Ratione , Honore , Religione ductis hæc &

*Capitis mei, & Pacis, & Incolumitatis pericula
adiisse, ut Me iis opponerem qui hæc vi mihi ex-
torquere voluerant.*

*Ne Tu justa finas mentis meæ proposita cum
externo robore flaccescere: comitetur me usque Bo-
na Conscientia in hac solitudine & derelictione.*

*O ne prodam unquam Rationis meæ Faculta-
tem, & illam Arcem Animæ meæ, quam Tu
mihi tuendam credidisti.*

*Deduc me super Semitas Iustitiæ, & ostende
mihi salutare tuum. Fac ut placeant tibi viæ
meæ & tunc inimicos quoque convertes ad Pacem.*

23. *Cum Scoti Regem Anglis traderent, & de Custodiâ Holmbe- jana.*

IN hoc tamen *Scotos* istos coram' Mundo
absolvo, quòd me haudquaquam fefelle-
rint, nunquam enim Illis amplius quàm
Hominibus par est, credidi, si ab iis divendar,
dolet

dolet eos hoc maximè facere , & multò *Servatore meo* cariùs me æstimari.

Sunt hæc alia insuper experimenta, quibus Deus Me voluit Inconstantiam Humanam explorare , ut me penitiùs in se defigat nunquam Illos deferente qui in Ipsum crediderint; *quassetur* licet *arundo Ægyptiaca* subter *volum illius cui innititur* , Rupes tamen *Israëlis* in æternum manebit.

Dei me jubet Providentia à cæteris omnibus ad seipsum confugere, ut in Illo Me fruam, qui Me nimis perdidit , cùm in aliis Spes extrâ collocaverim.

Soli jam & Captivo (eò enim jam redactus sum) satis otii superest quo de Mundi Vanitate , & Inconstantia cogitem.

Id Deo expedire visum est , ut Me Vxore mea, Liberis, Exercitu, Amicis , & Libertate destituat , ut sim unicè Illius , qui est *Vnus Omnia*.

Parvi refert inter *Infelices* numerari, modò Nigro *Impiorum* Catalogo inter Sacrilegos Principes non ascribar.

Nulla quæcunq; coarctatio animam meam illaqueabit , nec id unquam à Me impetrabitur , quo vel Hostibus meis *insolentiam* augeam, vel Amicis *pudorem* , vel Nomen meum reddam *excrabile*.

Nihil est quod triumphant detento *Corpore* , cùm Ipse *Animam* retineam in nil adversus Conscientiam expugnari firmam.

Quod hi vocant *Pertinaciam* , id à Deo reputa-

putabitur *honestæ Constantia*, à qua *Ratio* non minùs & *Religio*, quàm *Honor* meus vetat recedere.

Paret jam, haud ita in *Pravos Consiliarios* quam in *Bonam Conscientiam* huc usque pugnatum, nec illis unquam animum fuisse Me ad Parlamentum *retrahere*, quàm ad *Ipsis* prius obsequendum *animum* meum pertraxissent.

Si quod petunt nonnulli concederem, essem is profecto quem cupiunt, non eo *Rex* potior, sed & *Homo* & *Christianus* multo deterior.

Quod *Turbæ* & *Arma* non poterant, nunquam à Me impetrabit *Captivitas* æquè cum illis *intuta* Principi, sed non magis *formidanda*.

Nulla mihi nassa fiet metus hominum, nec animam impedit *Libertatis* amor. Præstat enim ab *aliis* quàm ab *Me* ipso prodi, & ut *Libertatis* lytron *Conscientia* persolvat, quod enim mihi maximè cupiunt facere *Inimici* injurium, sine meo consensu non possunt.

Dum id integrum solum habeam cum *Ratione* negare, maximam eorum malitiam frustrabor, qui nec rectè uti sciunt quæ jam olim concesseram, nec quid aliud à Me postulare, quàm ut in *Meam* & *Meorum* perniciem operam meam velim commodare.

Immo etiamsi *Me* interimant, faxo, nulla erit causa cur *contemnant*, nec mihi tanti *Libertas* & *vita* ipsa, quanti *pax Conscientiæ*, cùm Co-

ronæ

ronæ meæ Honore & Salute Populi conjunctas;
 queis sum *uno* forsan *Verbo* magis nociturus,
 quàm *quæcunque* Belli mala: dum, ut *paucis*
 indulgeatur, *cunctos* pessundem.

Reviviscent (Deo juvante) Leges nostræ,
 & cum iis Subditorum Meorum obsequium
 & amor, modò ne Meo *Consensu* sepeliantur
 eo Probri & Injustitiæ Tumulo, qui à nonnul-
 lorum violentia effoditur.

Si non aliàs hæc liceat redimere quàm Li-
 bertatis meæ aut Mortis pretio, en Me ultro
 paratum dependere.

Nulla fors Regi verè calamitosa, quæ se-
 cum Animæ Ipsius & Populi & Posterorum
 servitutem non trahit.

Cernent forsan futura sæcula in quod præ-
 sens ultrò amat *cæcutire*: & ostendet Deus
 aliquando Populo meo, Me *pro Illis* potius
 optasse, quàm *cum Illis* pati; etiamsi plane con-
 staret Me in eorum servitutem assentientem
 posse in aliquam libertatem restitui, satius du-
 co unum Regem vel de extremis periclitari,
 quam tot in Eos Tyrannos confirmare: quod
 Deus avertat, quicquid de Me facturus est,
 qui Me in solitudine meâ solum esse non
 sinit.

*Tu enim (Domine) infinite Bonus & Ma-
 gnus semper mecum es, cujus potior vita præsen-
 tia est, & cui servire Libertas consummatissima.*

Agnosce Me Famulum Tuum, nec jam querat

amissam libertatem Christiano & Homine & Rege dignam.

*Tua tamen usque Benedictione adsit Rati-
mihī ut homini, ut Christiano Religio, & constan-
cura, ut Regi, Iustitiæ.*

*Cæteris licet omnibus ornamentis externis di-
spoliari permiscris, maneant illa semper salva per
quæ Te fruor, & quæ cripi mihi invito non
possunt.*

*Nullō Igne afflictionum effervescent ullæ ani-
mi perturbationes, ut in iræ impotentiam, aut
spurcos metus ebulliant. Multi dicunt non est Sa-
lus Ipsi in Deo Suo, Leva Signum super Me,
nempe luccm vultus tui, nec jam amplius Liber-
tate, nec Salute, nec Majestate indigebo.*

*Illum mihi Constantiæ des, & Patientiæ mo-
dum, quem præsens mea Conditio desiderat.*

*Robur meum dissipatur, Spes ab hominibus de-
stituitur, ipse Captivus detineor, O ne elonga-
veris Domine, ne Inimicus meus nimium contra
Me invalescat.*

*Tanquam prodigium factus sum multis, Tu
adjutor fortis & asyllum prævalidum.*

*Fac mecum Signum in bonum, ut videant qui
oderunt Me & confundantur, quoniam Tu Do-
mine adjuvisti Me & consolatus es Me. Spiritus
principali confirma Me, ut & faciam voluntatem
Tuam, & patiar quod tibi placuerit.*

*Miserere mei Deus quoniam in Te confidit
anima mea, & in umbra alarum tuarum sperabo
donec transeat iniquitas.*

*Exurge Domine, eripe Me, nè longè facias
miserationes tuas à Me.*

Etiamsi

Etiamſi Me occidas , in tua tamen Miſericordia & Servatoris mei meritis confidam.

Scio quod Redemptor meus vivit : Et ſi ambulavero per vallem umbræ mortalis , nihil mali timebo.

24. *Cum Regi ſui Sacellani interdicerentur.*

CUm ſic Dei Providentiæ viſum fuerit Me Civilibus Solatiis , & cætero omnī famulātu orbare , nulla re commodiùs arbitrabar omnium poſſe abſentiam ſuppleri , quàm *Sacellanorum* meorum Contubernio ; quos & ob munus ſuum revereor , & ob fidem diligo : Horum enim doctrinâ pietate & precibus Me ſic meliùs ſperabam potuiſſe tum incommoda cætera tolerare , tum in futuram meorum reſtitutionem , & ſanctiorem uſum præparari , dum adjutus horum pietate ſpiritualem meſſem Gratiæ inter tribulos & ſpinas , & poſt duram Afflictionum *Arationem* perciperem.

Nunquam ſanè mihi magis neceſſaria fue-
rat

rar nec expetita magis opera eorum & auxilium, qui *Pietatem cum Iudicio & Religionem* cum mente *sana* conjunxerant.

Quâ me clauferunt solitudo ad cæteras meas *Tentationes* ut *Desertum* accedit: quos enim mihi obtrudunt Comites quâvis sunt solitudine tristiores.

Jam si mea *Vestigalia* aut *Jus Militiæ*, vel Regnorum aliquod postulâsem, haud mirarer denegantes quod illa improba Politice ideo vetat restitui, ne hoc facto faterentur se injustè usurpasse: Cùm vero *Sacellanorum* meorum Spirituale mihi solatium abnuerint, durius mecum & inhumanius actum videtur, quàm quod uaqueam à Christianis factum est, vel in infimæ fortis vinctos, vel maximorum facinorum reos; qui, etiamsi Legis severitate aliis vitæ commodis priventur, tamen Religionis misericordiâ, *beneficiis* fruuntur *Clerici sui*, ut quæ simul nolit Corpora perimi, & Animas damnari.

At neque hoc mihi permissum in angore meo, ut à quocunque *Bono Angelo* sustenter; (Is enim mihi jure optimo videtur Doctus Pius & Prudens Theologus, quales certe Meos omnes exopto.)

Quibus prius dividiæ erat Mè Regem esse, jam molestum est esse Christianum; ita me omnibus quærunt *spoliare*, quasi id etiam viderentur ne vel *Salva* mihi *Anima* superesset.

Nulla Charitas clementius interpretari potest tam præfractè negatum postulatam æquis-

simum,

simum , ut mihi nonnulli è *Sacellanis* adessent.

Cogitabam hoc mecum aliquando , ideo forsàn ab Illis (licet parum Christianè) negatum, quòd ægrè ferrent Me meos *Theologos* suis *Ministris* ante ponere , quos (licet alias forsàn virtute & pietate laudabiles) haud tamen rebar idoneos qui remedia mihi in præsens aut solatia adhiberent , quorum quidem nonnulli magna harum *Calamitarum* Causa, & *vulnerum* meorum extiterunt.

Quin etiam inter eorum Saniores nōdum ea in Sacris unanimitas & conjunctio Cordium exspectanda est quam in ejusmodi officiis mecum unâ & pro Me peragendis , vehementer desidero ; cū eorum plærique, Judiciis vel à meo diversis , vel in meum suspiciosus , vel omninò adversantibus, haud unquam eo concentu harmonico (qui maximè in precibus & cæteris Sacris requiritur , ut cum fructu præstemus) vel cum meo sint Spiritu vel cum eorum Ipse , concordaturi. Aurea enim hīc Regula & *Perfectionis Vinculum* in illo mutuo amoris & charitatis consistit.

Sunt Remedia nonnulla pejora morbis , & plane consolatores ejusmodi major ipsa calamitate calamitas , cum (velut amici illi *Job*) non confirmare animum patientiā studeant , sed eò velint perducere , ut repudiatâ & proditâ Innocentiâ suâ de Divina Misericordia desperet , & juste latas agnoscendo eorum injurias , confirmet insolentium inimicorum manus , & corda magis faciat indurari.

Ita valde faveo *Ecclesiasticis* (qui in se dignum quid habent tantō munere) ut hâc causâ præcipuè rem meam in discrimen adduxerim, quod pertinaci conscientia in tuendo iis Jura sua perstiterim, quos, quò magis ut *pupillas* intuebar sub Sacrilegis oculis constitutos fævorum & rapacium Reformatorum, eo amplius ex officio meo ducebam *Patrem Me* & *Patronum* Illis pariter & Ecclesiæ præstare, quanquam malè mihi à nonnullis hæc gratia rependitur, in ea forsan tempora victuris, quibus non minùs de mea *calamitate*, quàm de ingrato suo *errore* serio doleant, luantque contumelias illas & parvipendium, cui & se & ordinem suum fecerunt obnoxium.

Hiis interim omnes misereor, sperno neminem: id saltem credebam meritò mihi potuisse indulgeri, ut eos mihi peculiares adsciscerem, qui & Judicio meo probatissimi erant, & Sententiæ maximè conformes. Quod cum non impetraretur, multo potius duxi (etiam cum aliqua Impietatis suspitione) nullis Precibus interesse, quàm simulare Me eorum participem quibus nec Cor meum adstipulari, nec lingua potest respondere *A M E N*, nisi Intellectui meo prorsus obluctari, & in animam meam velim mentiri.

Prorsus in Sacris hujusmodi & Solennibus Officiis nec profana mihi placet audacia, nec insulsa, & sensu destituta pietas, sed eo judicio & humilitate & gravitate peragi, quâ se supplex demonstret, & de Dei Majestate, & de Eccle-

Ecclesiæ Honore sollicitum, tum & suam Virilitatem cogitasse, atque illud etiam non ignorasse, vel *quid* fas à Deo peti, vel *quo modo* Peccatorem deceat Divinam Misericordiam pro seipso & aliis implorare.

Juxta omnes illæ Preces offendunt, in quibus aliquid protervius, rusticius, perturbatius auditur, cum hic absit necesse vel *humilitas* in Deum, vel in homines *charitas*, vel quæ ipsi officio *reverentia* debetur.

Fateor mihi magis arridere, ut meditatas probe, & studio adlaboratas *Conciones*, ita eas *Precum* Formas Publicas, quæ tùm Ecclesiarum, tùm Christiani cujusvis necessitati magis sunt consentaneæ, quia in his multo exploratius habeo quibus Cor meum debeo adjungere, quàm in cujusquam extemporanea Facultate licuerit, quam quidem ut minimè interdictam velim publica occasione exigente, ita libertimè tunc posse exerceri censeo in privatis illis nostris secessibus, ubi nec officii solennitas, nec verecundus aliorum respectus tantam in ritu exteriori curâ desiderat: quanquam lux Intellectus & Affectuum fervor sint illa maximè necessaria in Sacris omnibus Officiis, sive sint illa Solennia, seu ex occasione nata, solitaria, vel cum aliis conjuncta.

Æqui interim homines existimabunt Me eâdem prorsus ratione *Sacellanos* Meos Eorum *Ministris* prætulisse, quâ *Liturgiam* præfero *Directorio*. In illa semper eductus, & exercitatus fui; in hoc nondum initiatus, & planè novus.

vus. Quod tamen melius callerem, haud unquam Illius ductu (tanquam certâ ulla *Regulâ* & præcum *Canone*) persequi liceret aut investigare devias eorum aberrationes extra omnem semitam & regulam, qui huic ita præclaro instituto & imprimis utili applaudunt; quanquam & jam etiam à plurimis sperni cœpit & obsolescere, non secus ac illæ Preces nostræ publicæ, ab iis maximè fastiditæ, quorum magna pars pietatis in illa Plebi gratissimo maledicentiæ argumento versatur, ut debacchentur scilicet in *Liturgiam* & Regimen Ecclesiæ & exponant (quâ possunt) ludibrio. Mihi potius denuncietur *Væ soli*, quam illud audiam horrendum *Væ vobis Hypocritis*, quod quidem meritò formidarem, si quæ corde respuo, ea precibus expetere simularem.

Forte nonnulli eorum arbitrantur Me satis fungi posse *Sacerdotis* erga Deum officio, licet *Principis* nequaquam in homines.

Vtrunque sanè Munus (non nego) *Regium* pariter & *Sacerdotale* eidem benè posse Personæ competere, quemadmodum etiam antiquitus sub eodem prorsus Nomine Juri *Primogenituræ* connexa erant. Potiores quos imitarer non habui, quam illos Reges inclytos *David* & *Salomonem*, non *Corona* & *Sceptro* illustriores, quàm piis *Psalmis*, & Divinis *Parabolis*; unde hic *Ecclesiastæ* nomen obtinet, ille meruit *Propheta* appellari: *Tituli* reverà multo ampliores (ubi dignè collocantur) quàm quoscunque Romani Imperatores à de-

victis

victis Gentibus usurparunt ; cum sit longè Gloriosius *Verbo* Animas hominum ad Ecclesiam Dei convertere , quam Eos *Gladio* subigere in servitutem.

Cum verò (ita Dei Providentiâ ordinante) *Regum* ferè semper fuerint & *Sacerdotum* munera *Ecclesiastarum* quoque & *Principum* tam in Judaicis quàm Christianis Ecclesiis *discriminata* , dolet Me in id necessitatis devenisse , ut vel *idem* sim mihi *uterque* , vel *neutris* fruar.

Qui enim Regiâ Me Potestate & Dominatu spoliant , non minori violentiâ adnuntantur , ut Sacramentis , Precibus , Concionibus (vel per plurimos Menses) interdicas , ni mihi Ipse fiam *Sacellanus*.

Clerum certe cùm (ut Rex *Christianus*) tutari debeam ita ab Illis vicissim *Donorum* suorum & *Orationum* beneficium exspecto , quas ideò meis & aliorum efficacius reor valituras , quòd à mentibus magis illuminatis , & minùs turbido affectu fluunt , quàm eorum ferè solent qui negotiis sæculi implicantur. Porro hæc æstimandum est acceptiora officia , & majori benedictionum incremento cumulari , quæ sunt rite peracta , & Muneris illius præscripto , ad quod à *Deo* & *Ecclesia* peculiari modo designantur nonnulli , & consecrantur . Licet enim quoad sensum latiore *Spiritualis* Regiminis , (quo quævis pia Anima Christo subjicitur , & per Illius merita quotidie se & Cultum suum in Oblationem Deo sistit) unusquisque Fidelium & Rex & Sacerdos dici possit.

possit (cū Regali Sacerdotio induatur) Si tamen Ordinem Ecclesiasticum & Externam Politiam spectemus , æquè certò secutura est Religionis confusio , si quisque partes *Ecclesiastæ* aut *Sacerdotis* agat , quàm foret in ea Republica ubi omnes *Regnum* ambirent.

Ego multo modestioribus *Principiis*, & (ut opinor) piis magis innutritus sum: cōsciū impotentiaē meæ *Spiritualis*, cō impensius æstimo & desidero omnia illa pietatis subsidia quæ mihi à sanctis & probis *Ministris* (sive illi *Episcopi* sint seu *Presbyteri*) administrari possunt in his angustiis , in quas (Deo permitte) ita à Subditis meis sum redactus , ut nil sit amplius quod eripiatur præter vitam residuum , nec mihi ultra quicquam expetendum , (in quo minùs atbitrabar vel offensam eorum , vel suspicionem irritare qui mihi hoc tam districtè negarunt) quàm ut aliquod mihi saltem in *Animæ* meæ levamen , & solatium suppeteret.

In hunc enim finem Illos nominavi , quorum vita probro omni (quod sciam) vacua , tum *Doctrina* & *Pietas* non minùs , quàm in Me *Fides* perspecta , adversus quos nihil est quod objiciant , nisi forsan quòd sint maximè idonei , studiiq; in Me nimium propensi.

Sed neque hæc prima opera est (licet omnium præcipua) quâ ab illis coactus sine aliorum *Ministerio* defungor , quanquam ægrius Me fatear *Sacellanis* meis quam cætero omni *Famulatio* carere , quodq; mihi ab *Vxor-*
ris

ris & Liberatorum divortio proximus certe (imo major in nonnullis) dolor , cū ab his plus forsan humanis affectibus indulgeatur in præsens , Illi in Gratia Celestis incrementum profint.

Hoc Me solatur , quod his *Mediis Ordinariis* necessario destitutos solet Deus *Donis* suis & Gratiâ *extraordinario* quodam modo supplere.

Si Me Spiritus illius erudire & infirmitates meas (quod spero) adjuvare voluerit orantis , legentis , meditantis , haud jam alio *Oratore* aut *Doctore* opus.

Ad Te igitur, Deus Meus, has jam Preces meas solitarias dirigo: quod alienæ opis deest per immediatam tui Spiritus assistentiam supple, qui & tenebras meas solum illustrare potest, & excitare torporem.

O Tu Sol *Iustitiæ Saccr Fons Cælestis Lucis & Ardoris*, Clarifica cor meum & accende, docens Me simul, & pro Me intercedens. In Te Omnis Plenitudo, A Te Omnis abundantia; Per Te Omnis acceptatio, Tu mihi in societatem, in solatium sufficis. Tu Rex meus es, esto mihi & Propheta, & Sacerdos: Regas Me, erudias Me, pro Me precare, & mihi semper præsens sis.

Valuit olim in Te colluctatio Jacob in illo Sacro duello, cū nemo esset præter Te qui assisteret. Tu Illum robore donasti quo Te vinceret, & gratâ quadam violentiâ benedictionem à Te extorqueret.

O respi-

O respicias Me Famulum Tuum (pro infinita tua Misericordia) olim satis felicem conjunctis illis omnium & sociatis precibus , quarum fervor affectionum mearum in Te frigus accenderet , cum ad Domum Tuam simul veniremus , simul in illa conveniremus , voce jubili & letitia adorantes Te in unitate Spirituum , & in Vinculo Pacis.

O ignoscas mihi omissas occasiones felices , vel in quod bonum oportuit , minus adhibitas.

Iam voluntate tua factum est , ut sim velut Pelicanus in deserto , vel Passer Solitarius in recto , vel ut pruna quaedam dispersa & disjecta ab illis simul congestis scintillationibus & mutua pietatis effervescencia , qua ille Sacer Ignis Gratiarum tuarum accenderetur melius in Ara cordis mei , tum aleretur magis & augeretur , ut hinc Precum Sacrificia , & thymiamata laudum ad te debitae oblationes ascenderent.

Sed O Tu qui non conteris calamum quassatum & linum fumigans non extinguis , ne aspernaris illam precum mearum infirmitatem , & has animae meae suppressiones in hac aerummosa solitudine , ad quas Jam Me necessario adigunt , qui sic (nulla charitate) ea negant subsidia , quae vehementer egeo , nec minus desidero.

Sit O Cordium istorum durities mihi tantum occasio qua erga Te magis , & pro illis emolliar. Accendatur per illorum odia meus amor , & iniquissima sprecone pii desiderii preces meae ad Te magis excitentur : Surdi cum sint isti & inexorabiles Tu mihi aurem propterea magis advertas , qui es Deus exorari facilis , non aggravata est

aureis

auris tua ut non possit, nec cor durum ut nolit audire, nec manus abbreviata, ut salvare nequeat Me supplicem tuum desolatum.

Tu Me ab hominibus permisisti externis illis mediis privari in Ecclesia tua à Te institutis, haud vero me illa prohibent Internæ Gratiæ communionem, quam tu Cordibus humilium solus inspiras.

O Me talem efficias, & jam (nullus dubito) docebis Me, exaudies Me, adjurabis Me. Cor enim contritum & humiliatum Deus non despiciet.

Tu Me (Domine) una opera potes & Templum tibi & Sacerdotem, Victimamque & Altare efficere, dum à Corde humili Solitarius inter Sacras Meditationes, Preces fervidus, & non fictas lachrimas Me quotidie tibi sistam Oblationem, qui Me tibi preparas, in Me habitas, & à Me dignaris accipere.

*Tu secretis (Domine) reparationibus, & miraculosa infusione effecisti, ut pugillum farinæ non deficeret Viduæ, nec Lecythus olei immi-
nueretur durante illa Famè & Siccitate.*

O Animam meam intuearis, nunc quasi Viduam quandam desertam & desolatam: Ne Salvificæ istæ Veritates quas jam antea addidici è memoria mea elabantur, nec illæ dulces Spiritus Tui effusiones quas aliquando sensi, desituant Cor Meum in hac fame ordinarii illius salubris alimenti quo Anima mea reficretur.

Quod tamen malim sustinere quam ab eorum manu pabulari, qui panem meum miscent cineribus

ribus & vinum felle , qui Me torquent potius
quàm docent , & quorum ora in acerba convitia ,
quàm in amicas preces , promptiora.

Tu (Domine Veritatis) nosti, quàm frequen-
ter Sacras tuas Scripturas in perniciem meam
pervertunt. Cum nîl hîc discretius præcipiatur,
quàm ut pareant mihi simul , & incolumem con-
servent. O ne sit Illis in condemnationem.

Nosti Domine nonnullos qui Orationes lon-
gas orantes fratrum suorum Domos, & Regis, &
Dci denique comederunt.

Oleum eorum ne offendant Caput meum , nec
Corroborantia Pharmaca Cor meum opprimant ,
contra iniquitatem eorum semper precabor.

A Veneno sub linguis eorum , à labiorum Il-
lorum laqueis , ab Igne Verborum & Gladiis
libera Me semper (Domine) & mecum unâ il-
los fido & pio Corde , qui bene volunt animæ
meæ , & prosperitate illius delectantur , quique
suis orationibus sublevare quæerunt hanc mæsti-
ziam Famuli Tui & solitudinem, Deus meus, &
Rex meus.

25. Meditationes Pœnitentiales & Vota in Solitudine Holmbejana.

Verba mea auribus percipe (Domine) intellige clamorem meum, intende vocem Orationis meæ, Rex meus ac Deus meus, quoniam ad Te orabo.

Dixi enim in excessu mentis meæ, projectus sum à facie oculorum tuorum, at tu exaudisti vocem orationis meæ cum ad te clamarem.

Si Iniquitates observaveris Domine, Domine quis sustinebit? Sed apud Te propitiatio est & propterea timeris.

Agnosco peccata mea coram Te, quæ Conditio mea reddit gravior, illà dignitatis celsitudine pondus omnibus adjiciente.

Ignosce mihi Privata mea, & Subditorum meorum peccata eo usque mihi imputanda, quatenus illam quam dedisti Potestatem in Tuam Gloriam & Populi Bonum non exerui. Tu Me

L nunc

nunc à Gloria & Libertate Regia in eam sortem deiecisti, ut à propriis meis Subditis Captivus detinear. Merito Domine si præpotentem tuam manum considero, quia in plurimis contra Te rebellavi.

Quin Tu mihi licet aliàs coarctato Cor meum in Te dilates, & in Me Gratiā Tuam.

Multum infra existenti pietatem Davidis, sed ærumnis æquali da mihi etiam solatia, & misericordias Davidis fideles.

Dolor ille in pœnitentiam ob peccata mea esto mihi argumentum te hæc mihi condonasse.

Ne tibi exigua videantur quæ sumus habemus Ego & Regna mea passi mala, licet haud pro merito castigaveris.

Respice in Me Domine & miserere mei, quia unicus & afflictus sum Ego.

Tribulationes cordis mei multiplicatæ sunt: de angustiis meis erue Me.

Oblitus es misereri Deus, & continebis in ira misericordias tuas?

Memor esto miserationum tuarum antiquarum, & misericordiarum tuarum à seculis.

Nisi credidissem Me visurum Bonum Domini in Terrâ viventium, animum despondissem.

Ne in rebus secundis peccata nostra fraudent nos ab adversarum beneficio.

Quin hæc per Ignem exploratio scoriā illam absorbat, è diuturna pace & copia contractam.

Has si velis ærumnas producere, O ne Gratiā tuam subduxeris; quod deest fortunæ se-

cundioris patientia & pœnitentia supple.

Et si nondum Ira tua auferatur, sed manus tua adhuc extenditur, vertatur (oro) contra Me, & contra domum Patris mei, oves autem istæ quid fecerunt?

Satiet meæ perpeſſiones eorum Malitiam quæ sunt mihi pariter & Ecclesiæ infensi; Sed nec ultima eorum sevitia Charitatem meam unquam exuperet.

Procul à Me facessat omnis vindictæ cogitatio, ne mihi percat patientiæ merces, tibi Gloria.

Quemadmodum mihi cor dedisti ad condonandum facile, ita & Tu (precor) condones, quæ adversus Te & Me deliquerunt.

Et nunc (Domine) quoniam mihi Cor dedisti quo ad Te precor, audi & accepta quæ coram Te vota facio.

Si Me & Regna mea in misericordia velis reminisci, perpetuando lucem Evangelii tui, & veram inter nos Religionem stabiliendo:

Reddendo Legum beneficium, & debitam Iustitiæ administrationem:

Compescendo illa plurima in Ecclesia Schismata & Factiones in statu:

Restituendo Me & meos in Tura illa antiqua & Decessorum nostrorum Gloriam:

Si Tu velis convertere corda Populi mei, ut Tibi pietate, mihi fidelitate, sibi invicem charitate uniantur:

Si hæc tandem velis Flammas extinguere, & Civilis Belli fomitem subtrahere:

Si nos publicè consulendi libertate benedixe-

vis, & Honorem Parlamentorum ab insolentia Plebis liberaveris:

Si Me à magno Peccato custodiveris, ne quicquam adversus Conscientiam meam ratum faciam, maximè ne in Sacrilegas rapinas, & Ecclesiæ Tuæ spolia consentiam;

Tunc laudabit Te anima mea, & magnificabo nomen Tuum in laude coram Populo.

Tunc Mihi vel Coronis meis pretiosior erit tua Gloria, & illa cura præcipua, ut vis veræ Religionis & puritas simul promoveatur.

Tunc in Iustitia regnabo Populum, & Regna Mea in æquitate.

Tunc a Manu Tua immediatè agnoscetur (sicut Ius Legitimæ Successionis) ita clemens Regnorum meorum, & omnis Gloriæ eorum Restitutio.

Si Me rursum in Pace, & Honore meo salvo, incolumem ad hanc Urbem meam Præcipuam & Parlamentum reduxeris.

Si in manus meas iterum Gladium Justitiæ punientem simul & tutantem commiseris.

Tunc Orbis (faciam) intelligat, & ipsi Hostes Mei percipiant beneficium illius propositi, & Christianæ Charitatis voti quod ad Te jam facio Domine.

Nempe, ut jam omnibus ignosco (Christi causa) quæcunque in Me deliquerint, ita nunquam Manum Meam contra quenquam futuram, ut ob privatam ullam offensam ulciscar præterita.

Satis invicem luimus in scelerato hoc Bello;
propter

propter Te jam Domine, & Redemptoris Mei
charitatem, illud firme in corde meo statuo omnes
modos Amicitiae, & Indemnitate experiri, quod
& metus omnes pellam, & suspiciones oblivione
sepeliām.

Tuis ita in Me & Meos misericordiis potiar
ut Veritatem & Pacem firmè volo.

Auribus percipe orationem meam Domine non
è labiis dolosis præcurrentem.

Benedictus Deus qui non repulit orationem
meam, nec misericordiam suam a Me subduxit.

Anima Mea ævolve super Dominum viam
tuam: Spera in eo, & ipse faciet.

Sin Tu nolis Me & Meos restituere, quis sum
ego qui tibi insulsum tribuam?

Tu (Domine) dedisti & abstulisti. Sit no-
men Domini Benedictum: Laudeatur Nomen Do-
mini,

Fælix sit Populus Meus & Ecclesia, si non
mecum una, at sine Me.

26. *Cum Rex in Holm=*
beja interciperetur, &
quæ inde distractiones
in Vtraque Domo,
Exercitu & Vrbe
consecutæ.

Quam Personam mihi jam impositurus est Deus, vel quid agere omnino aut pati velit in hac *Nova rerum Scena* haud sum valdè sollicitus. Modico usu Artifex evadet qui *Honestatis* tantum & *Virtutis* partes suscepit.

Hac Mei raptione ostendunt, vix eo usque dejici Regem posse, ut non momentum sit aliquod & Pondus, parti in qua conspicitur, alaturus.

Motus iste (prout alii horum Temporum) *Eccentricus* prorsus & *Irregularis*, cui tamen haud facile vel *resistat* quispiam, vel *sistat*. Præstat rapi torrente, quàm frustra brachio contra obniti.

Nempe

Nempe est hæc *Gemellorum* colluctatio quos idem nuper *uterus* includit; dum in *Majorem* certat *Minor* prævalere. Quod tam diu venati sunt *Presbyterales*; volunt jam *Independentes* eripere.

Omniñò aliter fieri non potest, quin à *Centro* semel ductæ *Lineæ* à se invicem statim diducantur, atque eo latiori intervallo quo recedunt longiùs à *Puncto* Unitatis.

Enimvero ut *Babelis* *Exstructores* à *divisione* ad *confusionem* labantur, haud perinde mirandum: ut verò ii qui simulant ædificare *Ierusalem* ita linguâ & manu invicem *dividerentur*, malum profecto augurium est, & aliquid in se habere videtur *Zelotarum* furoribus simillimum, quorum maximè intestinis dissidiis *Fatum Urbis* illius & suprema clades debebatur.

Muto jam *Custodes* & *Carcerem*, manet eadem *Captiva* conditio; hæc me spes solatur, istos, qui se *Populi* libertatum ita strenuos vindices profitentur, haud ita *Regis* suæ libertati in omnibus posse adversari: quod enim suis conscientiiis donandum postulant, meæ sunt iniquissimè negaturi.

Atque hîc magis ingenuè videntur agere, quàm quâ erant *Presbyterales* inhumanitate; qui id maximè lamentari soliti, *exigi* sic ab illis ut essent *Legibus* conformes, jam *Exactores* sunt omnium acerbissimi, ut *Novellis* suis *Dictatis* obtemperetur, licet nulla adhuc *Le-*

gum authoritate firmatis, quod sine meo consensu nunquam fiet.

Patet jam, *Independentes* ex hoc *Rivalium* suorum famulatu manumissos se penitus arbitrari, cum rem tanti momenti, (quale est *Me Exercitui* custodiendum tradere) nullo alio *mandato* nisi suo *jure* exequentur.

Qui hæc in Regem suum audent, quidvis facile porro aggredientur quod in animum semel induxerint, nullo metu aut verecundia deterriti.

Proximè jam ad *Vrbem* turbatur, terrore intentato & minis tum in *Illam*, tum in *Domum utramque*, quæ jam frustra iisdem repetitis Tumultibus mox & hos & illos priores (quorum nulla adhuc inquisitio nulla prorsus animadversio aut pœnitentia extiterat) eodem una luunt supplicio, in præsentis pavore & Distractionum speculo peccatum suum contemplantes.

Stupidè cœcum esse oportet, qui hîc *Manum Dei* non videt : ut, qui ipsi *Tumultuantes* invitabant primò, & initium fecerunt Exercitui, jam ab iisdem ob *Tumultus* castigentur.

Ita difficile est intra unum peccatum continere, nec nova insuper facere, dum superiora novissimis puniuntur. Qui enim *Me* non ita dudum & utriusque Ordinis plurimos à Primis illis licentiosis *Tumultibus* pulsos ita placidè & libenter spectabant, jam & ipsi in Castra confugiunt, ut sint à *Tumultuantibus* tuti.

Sed

Sed quis hæc jam expediat *Ænigmata*? qui se prius ex *Vtroque Ordine* mecum una ab his furoribus subtraxerant, *Desertores Parlamenti* habiti sunt, & in perpetuum exclusi, qui vero permanebant, & beneficio Tumultuum utebantur, hi unici erant *Senatores*: Contra jam, Locum suum *descentes* & profugi secum unâ *Authoritatem Parliamentariam* auferunt, debacchantur in *Tumultus*, & se vi armatâ restitunt, dum qui manent adhuc in statione sua fixi *Hortatores Tumultuum* audiunt, libertatisque & Honoris *Parlamentarii Proditores*.

Adco ultra *Leges omnes & Regulas Vis* pollet; dumque magis quid in præsens expediat, homines quàm *Conscientiam* spectent & illam *Normam Justitiæ* immutabilem, sit plærumque ut dum *aliorum* *Judices* sedent *scipso* maximè condemnent.

Jam *Tumultus* grande Crimen! jam *Authores* eorum & *Fautores* prodigiosæ *Audaciæ* rei, nuper animo in *Parlamentum* benevolo, & necessarij valde *adjutores*.

Ita (quod olim narratur de illo *Præsule Germano à forcibus & muribus interempto*) acris sequitur *vindicta* & deprehendit eos, qui se *Numero* securos, & *obsequio* in *Populum* munitissimos existimabant.

In quos jam *Leges* nil possunt, *Deus* propriis ipsorum sceleribus & manibus etiam castigabit.

Hoc interim *Divinæ Justitiæ* opus Ipse
L 5 maximè

maximo dolore & miseratione intueor, cum sim in *Vrbem* & *Parlamenta* animo valde benevolò; ut non possim non serio deplorare, duo hæc Regni nostri conspicua maximè & insignia *Corpora* tam indigna se *pati* vel *facere*.

Benè tamen hætenùs processit, quòd ista gravis utcunque conquassatio, in *terrorem* tantum, & in domandos spiritus, non ad *ruinam* processit, nunquam enim tam malè de hac *Vrbe* opinatus sum, ut de futuro illius obsequio & fide desperaverim, quæ licet præsens forsan *error* obtenebret, nunquam penitus *Malitia* extinguet.

Tota utinam ab illis sic procella transferit; quos non secus contemplor ac *Christus* ipse *Ierusalem*, precibus meis & lachrymis & mœrore dignissimos, cum multò olim graviores *disperstones* prospiciam necessario illis eventuras, qui merâ sua petulantia in officio manere noluerant; cum sit quædam *fatalis* occœcatio *voluntariæ* comes & supplicium: ut jam nec liberum sit postea vel ærumnas defugere qui maturè de peccatis resipiscere nolebant, vel unquam frui Pacis gaudio qui Consilia Pacis aspernabantur. Id enim tandem reperient, *Fratres istos in malo* proxime in Hostes abituros, cum sit nil difficilius, quàm ut sint Improbi diù unanimes.

Haud enim fieri potest ut foelici exitu terminentur vaga ista & dissoluta Consilia, quæ videntur mobili quodam potius gyro circumacta, quàm recta Rationis lineâ directâ ad illud

lud Publicæ Salutis Centrum, *Leges* in quas omnes utinam Partes tandem definant.

Quod quidem erit multo facilius; cùm jam penitus perspectum habuerint, quàm sit multo scèlicius notis *Legibus* parere, quàm diversis hominum *voluntatibus* quantumvis blanda pollicentium.

Hæc enim Vulgi studia qui res novas fere & illicitas prosequuntur, velut motus violenti statim languent, & in contumacem fere definunt morositatem; verso etiam nonnunquam in Illos impetu qui in has Illos furias perpulerunt.

Quod ad *Exercitum* spectat (eo sorte excusatiorem quod Militari more in rem suam agant *Stipendia* & *Indemnitatem* postulantes) necessarium sane duco Paci publicæ, ut his *quamprimum* (quoad fas est) satis fiat. Horum enim ut ratio habeatur inprimis cupio, qui utcunque in adversa mihi acie steterint, ob fortitudinem tamen & in deposcendis periculis audaciam eousq; sunt æstimandi, ut vehementer exoptem mihi nunquam tales defuturos, qui *Me*, *Leges* & *Regna* in ejusmodi Pace tueantur, cujus ipsi non minus quam alii fructus sentiant.

Tu vero Domine qui in Sacrosancta Trinitate es perfecta Vnitas, intueri illos pro tua Misericordia, quos in Iustitia tua divisisti.

Libera Me à contradictionibus Populi, & fac

ut id potius cogitem, quam sit his precibus meis
& miseratione opus, qui contra Me nuper con-
junctis viribus pugnantes jam contra se invi-
cem bellum parant, ad perpetuandas Regnorum
miserias.

Patefacias omnibus semitas Pacis, à qua de-
flexerunt, quæque non in divisis Partium volun-
tatibus sed in debita Legum observatione con-
sistit.

Fac ut libens eam, quocunque Providentia
Me Tua deductura est: & sis mecum perpetuo, ne
in Mundi instabilitate & mutationibus Tuam
videam Constantiam.

Eum Me efficias qualem maximè volueris, ne
câ Pace & tranquillitate fruatur quam Tu solus
impertis.

Averte (Oro Domine) gravem Iram Tuam
Grandibus istis & Populosis Urbibus imminen-
tem, quibus sua Copia fomes Luxuriæ est, & opu-
lentia vertitur in lasciviam, qui multitudinis suæ
fiducia in securitatem proni & hac demum securi-
tate repentinis sunt miseriis obnoxii.

Da quò videant oculos, quò meditentur cor-
da, quo amplectantur voluntates, & animos de-
nique ut faciant quæ ad Tuam Gloriam, & Pu-
blicam Pacem spectant, ne Calamitas eorum su-
perveniat, tanquam Vir Armatus.

Fac ut sciant, nunquam illis posse Inimicos
decesse, qui abundant peccato, nec diu arma re-
tenturos, aut perniciem effugituros, qui sic manus
superba Contra Te & clarissima Conscientia-
rum suarum testimonia perseverantes pugnare
plus

plus adversos seipſos quàm Me pignant, dum peccatis ſuis tuæ Inſtitutiæ, a divitiis, aliorum Injuriis, à Numeris ſuis Tumultuantibus, & ab his Confuſioni exponuntur.

Quamquam promptè admodum & alacriter in exitium meum cōverint, ne, faxis, cum eorum ruina procumbam.

Fac ne nimis cogitando, vel quid Illi fecerint vel quæ Ipſe (in initio præſertim) paſſus fuerim, immemor ſiam Illius Servatoris mei Crucifixi, ut Ignorantia valeat in veniam Cauſa, & in ipſis Mortis angoribus ad Te precor, Domine, Pater Ignosce quia ignorant quid faciunt.

Lachrymas quas negarunt mihi in calamitoſiſſima mea Fortuna, fac Tuâ Gratiâ ut pro ſe ipſis profundant, qui quo minus pro Me doleant, eò impenſius pro ſe debent ingemiſcere.

O ne Sanguis Meus ſuper Eos & Filios eorum, quos fraus nonnullorum & prava ſtudia, non propria ſua malitia ad Me Crucifigendum inſtigavit.

Tu vero Domine potes & velis Me per has meas (quemadmodum ſolim Redemptorem meum) perpeſſiones exaltare ſimul & perficere, in quibus plus Miſericordiæ tuæ quàm Inſtitutiæ, vel humanæ ſervitiæ agnoſco.

27. *Ad Principem Walliæ.*

FILI MI,

SI ad Te hæ Chartæ (cui inprimis destinantur) pervenerint unâ cum aliis nonnullis (in quibus privata sensa animi mei & rectissimè intuentis Conscientiæ explici circa res præcipuas in hoc Novissimo Motu agitas) hætenus forsân utiles erunt , ut iudicium Tuum de *præteritis* (quibus in *pietate* uti *optimè* uti est) accuratiùs edoceatur , tu ratio aliqua ostendatur , quâ *præsentibus* malis mederi liceat ; & in futurum (si sic Devisum fuerit) occurrere .

Fallitur interim mihi sic optimè tædium injuriâ longæ detentionis minuitur , cum huius otii Mei & solitudinis fructum aliquem *Me* dignum , *Tibi* utilem percipiam ; ne v. Tu deinceps vel quisquâ alius Causam meam ab Eventu æstimet , nec ab Infœlicitate Iudicium ; eo quidem graviore , quod in parte tantam ipse veneris & alii , quos juxta ac Me ipsum charos habeo , & quorum indignæ per-

pessio-

passiones mihi sunt propriis meis longè acerbiores.

Hoc vero *Tibi* in prudentiam ultra alios *Principes* accessit, quòd annos aliquot ætatis tuæ maturescentis in patientiæ exercitio & duris temporibus exegisti, sub quibus *Pietas* non minus quàm *Virtutes* cæteræ Morales & Politicæ (velut furculi in hyeme sati) foeliciùs fere succrescunt, quàm in calore & serenitate meliorum temporum, vel inter illa voluptatum blandimenta, quæ in Pace & rerum affluentia Aulis Principum nimis hærent, quæque omnem Veræ Virtutis & Honoris herbam vel stirpitùs evellunt, vel sat habent *Frondebùs* earum & marcescenti specie ornari, nullo fructu in publicum, in quod utinam seriò cogitarent *Principes* se & natos maxime & à Deo destinatos.

Jam, quæ vis sit diversæ educationis Sacra Pagina ostendit in exemplis *Davidis* & *Rehoboam*, quorum alterum multæ ærumnæ in florentissimum Regnum præpararunt, hic Aulæ *Salomonis* foelicitate nimia emollitus est; atque adeo cum grandi detrimento Honoris & Pacis, tum ipsius etiam Regni mutilatione, corruptus ab eorum adulationibus, qui (non secus ac muscæ æstivis fructibus) rebus Principum *secundis* indivulsè hærent; dum *adversis* tandem ut hyeme abigantur.

Te verò magis exopto *Carolo* illi *Bono* quam *Grandi* similem: Deum spero utrumque effecturum, cum in Te dona collata & Grati-
tias

tias ita statim exerceri voluerit, atque eo prorsus modo quo vitiosi affectus optimè possint extirpari, & in ea demum studia & virtutes Regias præparari, quæis, eorum in quos Te Deus constituerit, & amorem maximè potes conciliare & saluti consulere.

A Deo *auspicari* te quàm maximè cupio, & cum Deo *finire*, qui est Rex Regum, & Supremus Regnorum dispensator, qui dejicit alios, alios extollit.

Verus *Principis* honos in promovenda Dei *Gloria*, in tuenda vera *Religione* & Ecclesiæ *Bono* consistit, tum Potestatem Civilem ea *Iustitiâ* & *Honore* administrando qui Bono Publico maximè conducat.

Florentem te satis præstabit *Pietas*, à miseria saltem immunem custodiet: quamquam *levi* admodum damno afficitur, qui in salutem *Animæ* perdit omnia.

Ad hoc *Centrum* veræ *foelicitatis* direxit Deus suâ misericordia, & (ut spero) etiam directurus est nigras illas omnes ærumnarum *lineas* super Me eo fine *productas* ut per has ad se propius adduceret. Tu jam *Calicem* libâsti, quem ego large hâusi, quod ut Dei *Pharmacum* accipio, quod deest suavitatis salubritate compensans.

Id vero tibi expeto potissimùm, (quod & spero jam factum) ut in *Religione* firmus radicaris, quam ego semper existimavi in Ecclesia *Anglicana* (cujus Tu alumnus es) optimè fuisse institutam, opto verò ut *Ratione* & *Indicio*

Iudicio rata fiat illa *Educationis Scriptura* nec aliorum *Traditis & Consuetudini* solum debeat.

In hac districtè edico ut perstes : ut cujus maximè doctrina *Dei Verbo*, & *Primitivis Exemplis* *Disciplina* respondet, pauculis tantum emendatis quæ alibi declarata sæpe Illis sed frustra proposui.

Vt firmus sis *Religioni* non erit in animæ magis quam in *Regnorum Pacem*, cum Deus Te illis restituerit.

Illud enim plærunque videre est, hunc *Perduellionis Diabolum* se in *Angelum Pacis* transformare, & inter *Veteris Serpentis* astutias esse, *Novam* lucem simulare. Exclamanti in Illos conscientie factionumq; & seditionum reos peragenti, os statim obturant *Religionis* strepitu, hortanti ad *Pacem* & patientiam *Pietati* ipsi *Zelum* contra vociferantes reclamant.

Quamobrem, nisi hîc fixo sis animo, & confirmato, nunquam deerunt tentamenta: queis sub *Obtentu Reformationis* Tibi pariter & Tuis perniciem struent, hoc enim colore hominum deterrimi exitiosa sua consilia ordiuntur.

Præter enim quod ipsa *Novitas* vulgi satis per se illecebra est, gestit quisque æmulo studio famam *Zeli* externâ *Reformatione* acquirere, ita propriam meliùs *Impietatem* & turpitudinem velare sperantes quò severiorem in *alios* *Censuram* exercent.

Vide ne *Factionem* ullam foveas à *Religione*
(in

(in Ecclesia constituta, & Iudicio tua consona) ex professo discrepantem : cuiusquæ enim Parti adhæseris, haud ita Illos *demereberis* qui in Regiam Religionem ite prompti, quàm Illos penitus *inconciliabis*, qui se spretos primum existimabunt ut deinde opprimantur. Eam ergo rationem instituas, quæ mansuetudine & charitate æquissimâ controversias (quæ apparent) & offensas removeant, vel ita firmâ & valida Potestate utaris, ut nulli Parti *assentari* necesse habeas, nec ab ulla *metuere*. Si enim aliqua Te huc impulerit necessitas ut precariam ab illis opem expectare oporteat, peristi. Devorabit *Columbam* Serpens, nec minùs ab ullis Iustitiæ, fidei, humanitatis speraveris, quàm quos *Pietas* sua fecit *Proditores*. His quicquid in rem suam fore putant, *Dei Causa* est : sub vexillis pietatis producuntur omnes vassæ Ambitionis artes maxima securitate & plausu populi : Vox *Iacobi* auditur, sed *Esau* manus duras senties.

Nil mihi per annos complures levioris momenti videbatur, quàm Factio *Presbyteralis* in *Anglia*, ita publicè constitutis morem gesserunt, nec reverà quoad speciem multi erant, vel in *Ecclesia* aut *Statu* pollens factio : ut vero Irâ & odiis divelli invicem cœperunt homines & in partes secedere (non secus ac pravi solent humores in partem malè affectam defluere, unde fit inflammatio in Corpore) ita omnes Novarum rerum avidi illi Parti potissimum adhæserunt, quæ tunc maximè plausibili, & insigniori

in signiori Pietatis notâ distincta à cæteris videbatur.

Omnes in initio *Factiones* minores officiosè admodum *Presbyteratui* magno omnium Domino famulabantur, donec tempus & Fortuna Belli (cùm jam melius erudirentur, quid ex usu magis foret singulis) hortabantur ut sorte divitâ (quæ nuper sub *Vniformis Religionis* nomine eadem omnibus esse videbatur) peculiarem, jam quisque rationem capeflerent, quâ lucro suo maximè & fortunæ consuleret, unde non solum labefactata est & ad interuersionem pene redacta *Ecclesia* & *Respublica*, sed ipse etiam *Presbyteratus* qui jam omnia *Spe* devoraverat.

Nil igitur Tibi *exiguum* videatur aut contemnendum in quo de Pace *Ecclesiæ* aut *Religione* agitur, ut negligentior fias propterea vel in maturè reformâdo, vel efficaciter cœrcendo Errores illos & Schismata, quæ licet parva in initio instar *volæ manus* appareant, seditiosis postea Spiritibus ut vehementibus ventis impulsæ *roto Cælo* repente offunduntur.

Cum *Deo* primum & *Animæ* Tuæ & *Ecclesiæ* debitum feceris, *Veritatem* & *Vnitatem* Religionis profitendo simul & conservando, proxima tibi esse debet (ut in quâ cardo felicitatis tuæ valde vertitur) *Civilis Cura Iustitiæ*, cujus *Regula* & oprimè administrandi norma *Leges* sunt in his Regnis (ad Te Jure hæreditario deventuris) constitutæ; quæ admirabili planè misturâ ita *Subditorum Industria*,

striae, Libertati, cæterisque commodis favent, ut satis interim Regiæ Majestati & Prærogativæ relinquatur; modo Rex fuerit ejusmodi, qui Populum suum pro Subditiis non pro Servis habeat; hujusmodi enim subjectione, quemadmodum optimè conservatur Pax eorum & salus & peculiare cujusque proprietates, ita nec Jus tuum violabitur nec illa Populi Libertas ingenua, quæ in percipiendis Laboris sui fructibus, Legumque, in quas Ipsi consentire, beneficio consistit.

Nunquam *Caput* Tuum premat *Corona* ejusmodi sub cuius pondere totum *Corpus* labascatur, quod in partibus infirmatum nil jam *Capiti* vicissim honoris, roboris, Incolumitatis referet, sed debilitari simul faciet & procumbere.

Optimè *Prærogativam* tuam exercebis & ostendes si *relaxes* Legum magis quàm *intendas* rigorem, cùm Tyrannide ex Lege agente, nil deterius.

In his duobus præcipuis conservatione *Religionis* stabilitæ & *Legum*, puto Me minimè vanum futurum, si dixero probra ista in Me coram Mundo congesta in Martyrii honorem apud Conscientiam meam cessura, cùm hi Regni Mei perturbatores nihil aliud fere contra Me afferunt, quàm quod *Leges* & *Religionem* Sancitam Novationibus Illorum prætulerim.

Id enim facio revera, & semper faciam dum potioribus argumentis convincar, quàm quibus hætenus Me oppugnârunt *Turbis, Præliis, Carceribus.*

Illud

Illud nondum intelligo, nec tibi unquam spero fore persuasum: Tutum esse Regi in cuiuscunque *Factionis* gratiam turbare *Leges*, in quibus res maximè Publica, & Bonum Populi involvitur.

Quid de Me Deus facturus est, vel quâ Me tandem ratione his (quas à Subditis Meis iniquissimè, ab illo iuste patior) ærumnis expediet, adhuc ignoro, nec sum admodum sollicitus quid injuriæ mihi fiat ab *hominibus*, dum quod rectum videtur coram *Deo* retineam.

Ultero omnia largiebar ad Reformationem aut securitatem necessaria, quæ Honestas, Conscientia, Ratio permisit, ea solum excipiens in quæ consentire non possum sine Summa Animæ Meæ, tum *Ecclesiæ* & *Populum* injuria, tum in Te præcipuè proximum Regnorum & indubitatum Hæredem.

Ad quæ si post excessum meum Te Divina Providentia (cui nil arduum omnino) perduxerit, id imprimis moneo & præcipio, ut seriò tecum velis perpendere superiores illas seu *veras* seu *imputatas* malorum causas, ut sic melius in posterum effugias.

Nunquam ita cuiusquam Consilio, Prudentiâ, Fide nitaris in rebus illis *Primæ Magnitudinis* Pietate scilicet & Justitia, ut Judicio tuo proprio diffidas vel aliis causam des suspicandi, cum verisimile sit multo Te rectius & firmitus *Coronæ* & *Regni* commodis, quam quenquam alium velle consulere.

Cave ne ullam *Factionem* irrites acerbitate
quorum

quorundam & pervicacia, quos huic curæ præfeceris, qui affectibus suis nimium & proprio animi impetu acti, vel nonnullâ opinionum discrepantiâ in rebus levioribus (extrema tantum Ora & Suburbis Religionis) in rigidiora forsan asperantur.

Siquidē hīc leniter connivendo & Christiana Charitate tolerando facile vires eorum infirmabis quas pertinaciū obluendo confirmas: dum pars contempta & oppressa in eas semper conspirationes ire promptior, unde sint melitis expleturi illam vindictæ libidinem in Illos suos, ut vocant, *Persequutores*, in qua præsto opitularur Vulgi misratio, in eos semper propensi qui videntur *Religionis* causâ dura pati.

Illud interim videndum, ut hoc fiat in ejusmodi Discrepantiis quæ nec *Legibus* præfractè nec *Politie* adversantur, nec Fundamenta *Religionis* constitutæ (quod omninò non ferendum) oppugnant.

Semper solidam pietatem, & *Fundamentales* illas Veritates queis & Corda & Vitæ emendantur, integra prorsus Justitiâ nec favore minùs propugnes.

Vide ne illæ in *Sacris Circumstantiæ* & *exterior Religionis Forma* omnia præmia doctrinæ industriæ & pietatis auferant, quin integerrimo oculo & manu dispartiantur in omnes probitate & scientia laudatos.

Ita Corda tibi *optimorum* & *plurimorum* etiam conciliabis, qui etiam si non sint optimi, tamen satis delectantur, cum sic asperi
calles

calles virtutis sæcularibus præmiis levigentur.

Vides Me diversis factionibus & inter se pugnantibus conflictatum (ita enim reverà appellandæ sunt, quæ constitutis in *Ecclesia* & *Statu* refragantur) qui, ut primùm *Communes Adversarios* (id est omnes Mihi & Legibus adhærentes) expugnaverant, statim mutuis ita inter se æmulationibus scindebantur, ut essent multo plùs invicem quàm Illis Primis suis Hostibus infensi.

Tempus hæc aliquando dissipabit, cùm Privat Ambitus & Avaritiæ exerent se tandem & emicabunt dura *Cornua* nuper molli Illo *Pictatis*, *Reformationis*, *Libertatis* involucri abscondita. Pari sint utcunque sævitia, justiori tamen Odio prosequimur quos in *Ovium Vestimentis* Lupos deprehendimus.

Quod ad delusum vulgus attinet, qui merâ Cordis simplicitate opportuni magis fiunt huic fraudi, id te monitum volo, ut (quemadmodum non est eadem tibi cum aliis necessitas simulatò & vafre agendi, ita) vera pietate & virtute & constanti in Populum bonitate, eos omnes superare contendas qui hæc maxime amant ostentare: sic enim nec deprendi metues (quæ illos semper exercet sollicitudo qui *personati* vivunt) nec justas Spes Populi frustraveris, quas majores merito reponent in vera Principis *Virtute*, quàm cujuscunque factiosa *Novitate*.

Cum vero has Moles Factionum velut
Montes

Monet *gelu* horridos, radiis Divinæ Misericordiæ & virtutis Tuæ splendore *solveris* penitus & *colliquaveris*, & vulgus hætenus delusum intellexerit nullos magis fortunis & conscientiis suis *inimicos*, quàm qui se *vindices* præcipuos & *Patronos* jactant eo tantum consilio ut in utrasque invadant, cave ne ullâ animi impotentiâ ultionem in eos mediteris, quos peccatum suum & stultitia satis castigabit.

Cum autem hanc *Factionum* & æmulationum invicem *studiorum* venenatam cuspidem eduxeris, omni Arte Regiâ & Clementiâ ad medicanda hæc vulnera incumbas eo temperamento adhibito ut non sit dolor *remedii morbo* æqualis.

Utro detuli Impunitatem & Amnestiam tam amplam ut vel omnes complecteretur qui se Legi obnoxios dubitarènt, & futuras *suspiciones* & metus excluderet.

Quem à Te etiam observari morem cupio, quoties hæc vel *petunt* homines vel sint parati *accipere*, ut eo modo largiaris, quo non mera *necessitate* aut Politicis rationibus expressa, sed à Christiana *Charitate* voluntariò perfecta videantur.

Nihil Mihi aliud jam superest nisi posse condonare etiam iis qui Me omnibus spoliârunt, atque hîc Dei gratiam agnosco, quod sim animo in hoc paratissimo, nec Me minus consolatur hæc Gratia, quam quæ unquam Deus dedit jucundissima, cùm sit Divini in
Me

Me Amoris certius indicium, quàm ulla in rebus secundis fœlicitas.

Illud interim mecum credas velim, plætosque eorum qui deliquerint, nulla hæc prorsus malitiâ, sed vel falsis rumoribus deceptos, vel errore corruptos admisisse.

Atque adeo in futurum nullos arbitror fidum magis obsequium præstituros, quàm quos erroris sui & Iniquitatis conscios, acres posthac agitant pœnitentiæ stimuli, & vehementius desiderium priores defectus compensandi.

Te verò ut fors tua *sublimior* non permittit in singulare certamen *descendere*, ita multum infra celsæ mentis indolem ducas de vindicta cogitare, vel in plures iram effundere.

Quo magis conscius es animi omni Populum virtute demereri solliciti, eò obsequii eorum & amoris securior pœnam facile ob priora omittes: Plus synceræ haud dubio voluptatis capies uni alicui *ignoscens*, quàm si mille *castigaveris*.

Hæc ad Te Scribo neutiquam desperans de Divina in Te misericordia & Subditorum affectu, quod utrunque promeriturum confido, licet reverâ apud Deum nihil, nisi Ipsius misericordia, mereamur.

Si id Deo expedire videatur, ut *Me & Te* illis restituat, quæ à Legi tributa eripi nobis per Subditos sine atroci scelere non possunt, erit postea in Pace opportunitas Te liberius paulo admonendi de iis, quæ ad Dei *Gloriam*

M

Tuum

Tuum *Honorem & Pacem* Regnorum spectant, Sin ita res nostræ se habeant, ut nunquam faciem meam denuò tueri liceat (& Me Deus in hoc sævo carcere & tenebris (quod ad consummanda nonnullorum consilia unum deest) inhumari voluerit, ubi nullius benevoli alloquio nec conspectu frui datur) id enixe à Te peto & obtestor *Patris* jure & *Regis*, ut nihil inde offensiore sis animo vel tantillum iniquiore in *Religionem* in *Anglia* stabilitam.

Hanc enim seriò exploravi, & post accuratam disquisitionem & plurimam utrinque disceptata optimam omnium esse concludo, non in genere solum ut *Christianam*, sed speciatim insuper ut *Reformatam*; ut quæ mediam viam tenet inter *pompam superstitiøsæ* Tyrannidis, & *cerebrøsæ* Anarchiæ *obscuritatem*.

Quod non ita tamen accipi velim, quasi non in primâ ejus delineatione, *doctrinâ* utcunque & *disciplina* eximiâ, (id quod in aliis figuris contingit) expolitius posset aliquid & limatius fieri: quod & factum fuisset leni manu adhibitâ, nisi præceps nonnullorum vècordia & vesani impetus eam feram mutationem postulassent, quæ lineamenta & formam confunderet.

Quod verò à quibusdam objicitur, scâdalum hic magnum fieri Religioni in *Anglia*, facile illis (vel saltem apud Te) refelles, si cogita-veris neminem fere eorum, qui hujus proximi Belli contra *Me & Ecclesiam & Leges* Authores aut incentores extitere, vel omnino amplexum

plexum hanc Doctrinam, vel ex Præscripto vixisse *Protestantium* in *Angliâ* Professionis; quæ nec has tradit *Regulas*, nec ulla ostendit hujusmodi ante istos *Exempla*.

Verum est, eam & olim fuisse nonnullorum audaciam ut ferocius quædam à *Principe* & *Parlamentis* petierint, ea obscurè minitantes, quæ nunc isti (ejusdem farinae, sed deteriori spiritu) exequuntur. Cave interim ne ob fictum aliquorum & rabiosum Zelum quicquam veræ pietati detraxeris, ex Fructu enim utrunque dignosces, nec ideo Vini, aut Ficus aspernanda suavitas, quia *cardui* forsan & *vespres* hos fructus ostentant, ut *arboribus cæteris* dominentur.

Quin nec à *Parlamentis* propterea abhorrendum censeo, à quibus ritè constitutis (*Libertate* sua & *Honore* incolumi) nulla fiet Majestatis diminutio, sed occasio potius subministrabitur mutuis invicem officiis certandi, amorisque & obsequii & fiduciæ commercia inter *Principem* & *Populum* exercendi.

Quod haud dubie evenisset in hoc *Nigro* Parlamento (licet primis Electionibus multo ambitu corruptis) si ab insolentia vulgi, & Tumultuantium Magisterio immunius se conservasset, quorum tristi exitu admonitos spero in posterum futuros sollicitiores in tuenda Libertate & Dignitate (quæ ejusmodi decet *Conventus*, & tum demum futura cùm hoc vulgi jugum projecerint) cùm res publica in *Principis* simul & *Populi* communi Bono versatur.

Ut cedat optimè universis , nulla meliùs ratione efficietur, quam si æquo, honesto & gravi more Omnes simul consilia in commune conferant, publico omnia consensu agantur sine *Tumultu & Tyrannide*, non enim ideo nos fame necare oportet, quia salubres cibi nonnullis in nauseam & morbum vertuntur.

Sin eò res devenerit, ut in Jura nostra Regia nunquam amplius restituamur, & id severâ Dei Justitiâ poscente perstituri sint usque Subditi Mei in peccatis suis, & prospero scelere deludendi : Spero Gratiâ Divinam id in *Te & Me* effecturam, ut simus æque *carendo* Diademati ac *gestando* pares; quod profectò tanti non est ut inhonestis, sordidis, & impiis conditionibus aut *servari* mereatur, aut ab humo *sustolli*. Firmus *Pietati & Viruti* maneat, nunquam *Regnum* decrit.

In hoc verò potissimum *Honori* tuo consulles, quo omnē promptius reverentiam & amorem detuleris, & in præsidium porro te stiteris *Vxori Meæ, Matri Tuæ*, de Me plurimis nominibus optime meritæ, & in his præcipue, quæ (cum Me tot prius liberis summæ Spei auxisset, quos omnes unâ cum Matre *Amori Tuo & fidei commendo*) raro *magnanimitatis & Patientiæ* exemplo pro *Me & Te* simul & nobiscum unâ perpeffa est.

Deum Omnipotentem veneror quicquid de Me facturum est, qui Innocentiâ Meâ & illius Gratiâ involvor satis & munior, ut te *Anchoram* protollat vel porum potius Calamitosi

tos his Regnis & dura Hyeme jactatis utque tuâ demum *Prudentiâ, Iustitiâ, Pictate* restaures, quæ stultitia quorundam & nequitia ita pene pessum dederunt ut nil integrum in *Ecclēsia* vel *Statu* reliquerint, nil Coronæ, Proceribus, Clero, Communitati, nil quod ad Leges, Libertates, Fortunas attinet, quod ad Ordinem, Honorem, Conscientiam & Vitam.

Sin vero Me penitus extinxerint, (haud enim scio an huc quoque processura sit hostium malitia & furor, & ex dictis quorundam & factis non obscura suspicio) quamvis illud non dubitandum, exclamaturum meum sanguinem ad Cœlos usque ob vindictam, Deum tamen obtestor, ne iram suam velit in *illam* maximam partem effundere, qui fraude & artificio & simulata Ducum Sanctitate decepti: quos interno prius horrore cruciatos manet atrox aliquando supplicium.

Cæteris in Me optimè affectis, nihil sit (Deum precor) quod Me extinctum desiderant, ita valde voveo & spero, ut Virtutes Tuæ conspectæ in foelicitatem omnibus sufficiant.

Eos vero quos perperam in Me admissoꝝum pœnitentia subierit, (ut jam lubens condono verbo *Christiani Regis*) ita in posterum non dubito quin sis verè fideles habiturus, amoreque & obsequium Mihi debitum promptos Tibi cum fœnore rependere.

Breviter, quicquid ego mente agitavi bonum

num Tu *perficias*, cū Facultatem Deus dederit; multa palam tuli Me facturum, plura facere volebam, si Tempora fuissent secundiora.

Fraus ista statim evanescet, & persona passim dilabetur. Nec iste fucus & larva *Religionis* (quā se hactenus texit *Rebellio*) amplius horum turpitudinem & dehonesta menta velabit: Satis enim hæc mea detentio, & inhumana tractatio demonstrant quā sint de Me hi homines (quod ita valdè simulabant) solliciti.

Fœliciora Te (ut spero) expectant Tempora; cū calamitate sua edocti Subditi id jam verum repperint, *pietatem* in Deum & in Regem *Fidem* haud posse sine *peccato* & *miseria* divelli.

Deus Tibi benedicat, & in *Iustitia* Regna, in *Vera Religione* animam, in *amore Dei* & *affectu* Populi tui Honorem tuum semper stabiliat.

Sin Ille meo interitu consummandam hanc eorum perfidiam voluerit, sit memoria Mei & nomen in Te usque superstes, ut Patris Tui Amantissimi, & trium Florentissimorum Regnorum Regis, quem Deo ornare placuerat non *Sceptro* solum & *Imperio*, sed ea porro *dignitate*, ut plurimas contumelias Ipsius causa perpeffus immatura tandem morte raperet, dum illud unice studuerim ut Jura *Ecclesiæ*, vim *Legum*, Privilegia *Parlamentorum* & *Libertates* Populi conservarem, & *Conscientiam*
Meam,

Meam, insuper mille Regnis chariorem.

Scio Deum posse (spero etiam & velle) Me restituere; nec de Illius *miseriordia*, nec de Populi Mei *amore & miseratione* desperabo.

Eveniat licet quod pessimum; Id saltem confido Me Tibi in multo melius Regnum præcessurum; quod Deus mihi, & Me illi præparavit per *Servatorem meum Iesum Christum*, cuius *miseriordiae* Te & Omnes Meos commendo

Vale, dum sit rursus congregiundi copia, si non in *Terris*, at in *Cælis*.

28. *Meditationes de
Morte , postquam
Domus utraq; de=
nunciasset , nil amplius
cum Rege Tractan=
dum, & de Arctiori
ejus Custodia in Arce
Carisbrokiana.*

SUperest jam satis otii & nimis causæ ut de
Morte mediter, & Me illi parem : Pau=
ci enim admodum passus restant inter
Carceres Principum & Sepulchra.

Quòd hoc spatium cogitandi habeo , Dei
indulgentia est : quod hanc tristem occasionem,
hominum scævitia.

Præter enim commune illud omnibus Mor=
talitatis

talitatis onus, ea insuper accedunt dura onera, queis Me premunt aliorum *Ambitiones*, *Timores*, *Suspiciones*, cæteræque impotentium animorum sævæ perturbationes, queis livore & odio efferatis etiam *Vita sua* foret insuavis, si quid esset quod in *Mea* delectaret.

Deo Gratias habeo, nec in secundis meis nova erat mihi hæc Meditatio, nunquam importuna existimanda, cum sint illa tam incerta: Est enim Mors *Ecclipsis* ejusmodi, quæ in *sudo* æquè fit ac in *nubilo* Tempore.

Meæ vero diuturnæ & acerbissimæ ærumnæ illos naturâ hostes infensissimos *Vitam* & *Mortem* apud Me reduxerunt in gratiam. Illo *Terrore* communi prorsus liberor, & isti mihi peculiare horrores multum jam mitigantur: licet enim Mors mea terra illa & horribili specie appareat, quâ Me maxime percellere omni astu nituntur Hostes isti feri & implacabiles, qui jam de sæce hauriunt quicquid est virulentiae exprimentes: Deo tamen semper laus sit, hæc contemplor ut aspera quidem spicula, sed non veneno mortifera, cum vel hæc Redemptor Meus Ipse jam extraxerit, vel suæ Mortis porrexerit salutare *Antidotum*: quæ ut immatura, injusta, pudenda, probris omnibus & ludibriis exposita, superavit quicquid possum timere.

Nunquam ita experimento didiceram, quàm sit *Bona Conscientia convivium*, vel quid valeat *murus æbeneus* sani & integri animi Constantiæ, quam in hoc congressu propiori, ubi manu

conferta cum hac Mortis Meditatione dimicavi.

Non tam diu vixi, ut vitæ tædeat, nec tam male (opinor) ut vel pudeat vivere, vel pertimescam mori: verum est, in iis Me malis versari, ut sit abundè aliquando cur cupiam mori, nisi illud cogitarem maximam eam esse Christianæ vitæ gloriam mori *quotidiè*, dum fide vivâ & spe vitæ melioris vincit illas mortes quotidianas, quæ sic per partes occidimur, & finis indies nobis ipsis superstitibus; id enim revera mors est, *Salute, Honore, Libertate* privari, & *solatiis* eorum qui sunt nobis charissimi, & vitæ *vita*.

Vitam meam quidem (cùm Rex sim) in nullâ æquè re humana arbitror ac in Populi *amore ac benevolentia* sitam, ob quam mille mortes subii, atque adeo spero Me non hîc penitus interiisse: id tamen aggressi sunt Hostes mei mendaciorum veneno & vi Armata, illum mihi primum Subditorum *amorem* & *obsequium* jugulare, & mox cuncta vitæ Gaudia, quæ ex his potissimùm percepi.

Parum jam mihi vitæ reliquerunt; nucleus tantum & putamen superest quod à cætera malitia auferatur, cùm sint omnia mihi extincta solatia, quæ mihi vitam reddant expectabilem.

Ne vero (Anima mea) ne vitam illam vel dolore nimiam, vel molestam tædio putes, in qua Deus occasiones suppeditat si non *agendi* at *ferendi* eâ Christianâ Patientiâ in Bona *Causa*

Causa & forti animo , unde maximum vitæ decus, & è morte lucrum accedat.

Christianam enim fortitudinem si quis rectè æstimet, pusilli est animi mori cupere, quia tædet vivere, & quo vacui arguimur illa vere Heroicâ & Christiano digna Celsitudine quæ se optime ostendit in has fortiter ærumnas sustinendo , quæ , quamdiù in hoc Corpore versamur , semper Nos velut umbra confectantur , *contractiores* nonnunquam aut *porrectiores*, prout sol rerum *secundarum* vel in Meridiem *ascendit* vel in occasum *declinat* , qui , cum totus abfuerit, rore Cœli optimè compensatur.

Sunt quidem Afflictiones , velut ille *Sampsonis* Leo, primo suo Insultu *terribiles* , sed à quibus *suavitatem* expresserit qui hîc audeat colluctari , & vincere , nec ægro nimis animo & imbecilli ferat superesse his *Cucurbitis* marcescentibus , dum cum Deo versari permittatur.

Me quandoque moriturum (ut *Hominem*) certissimum ; posse Me Regem mori , manu Subditorum (violentâ, repentinâ , sævâ Morte , in robusta ætate , in medio Regnorum , spectantibus Amicis , nec auxilium ferre valentibus , & Triumphantibus Inimicis & Illudentibus Vivo, Morienti, Mortuo ,) tot sunt simul Argumenta cur fiat valde credibile , ut vix sperare ab Hominibus meliora Deus jubeat , licet ab Illius misericordia nil desperem.

Novi vitam meam , à Malitia Diaboli , & impiorum hominum unicum jam diu scopum peti , esse tamen sub Dei custodia , cui , non ideo ut vitam longiorem eblandiar , sic Me volo ostendere paratum mori , sed ab Ipso humiliter pendere cupio , & Me totum Illius voluntati tum in *Vita* tum in *Morte* (quocunque eas ordine dispensare placuerit) submittere. Arduum fateor negotium tot diversis Mortis horroribus (quæ Me Deus tentari permittit.) sed pari omnibus atrocitate conflictari , dum vel furores cogitem repentinæ trucidationis : vel illas *Judiciorum Formas* , quas forsitan Hostes mei (non secus ac Illi *Christi* interfectores) sunt usurpaturi , ut solenniore quâdam truculentiâ per hæc *Justitiæ ludibria* Malitiam suam consumment : quod tamen astu necessario ideo forsitan sunt facturi , ut hanc *Pompâ* percuntis minus mei misereantur homines , in quem ut Noxium animadverti ex Jure credent (*Principem* videlicet à *Subditis* !) Ipsi interim non ignorantes nullam *Divinam* aut *Humanam* Legem hoc Illis concedere , ut sine Me in quempiam alium , nedum in Me quicquam statuant , quique omnibus Sacris (coram Deo & hominibus) vinculis Me tueri obligati , jam *Perjurium* suum quærunt hoc *Justitiæ* pallio obtegere.

Misera sane conditio , ut quis Hostes suos habeat *Accusatores* , *Actores* , *Indices* , sed illa omnium deploratissima , ut hæc *Subditorum* insolentia in *Regem* audeat , eorumque qui rei
hujus

huius cladis maxime, Mei sanguinis effusione suas volunt lavare ab Illo tanto cruore innoxio, cujus nunc coram Deo & hominibus (& in conscientiis suis credo) clarè damnantur, iniquissima illa *postulat Turbis* primum, mox *Armis* profecuti. Nec ex ulla fere causâ magis viles & abjecti homines tam ferociter plerumque & timidâ quadam sævitiâ exercent usurpatam in legitimos Dominos potestatem, quàm conscientiâ injuste usurpatæ: jactent quicquid velint de Justitia in *Delinquentes*, vetera illa figmenta & larvas ad celanda illa horrida & monstrosa consilia, qui Jus & Fructum *Vineæ* obtinere alias non poterant, nî *Hærcæ dejecto & interfecto*.

Maximum apud Hos crimen meum est, quòd *Verbo* meo noluerim *Me Ecclesiâmq;* & *Statum* simul perdere, vel illis copiam facere ut hoc *Gladio* impune perficerent, qui ambitione & Avaritiâ immensâ nullis à Me concessis vel satiari possunt unquam vel mansueri.

Nec credibile est illis unquam persuasum fore Regnum Illud *Carduorum* quòd à nonnullis erigitur (asperum, imbecille, sterile in Deum & homines) unquam alias posse efflorescere, nisi Regio eorum sanguine, quibus Jus ad Regnum, irrigetur.

Dei fiat voluntas: haud ambigo quin Hunc sit olim habitura Innocentia Mea Præsidentem sibi maximum & Patronum, qui jam solus Judex est, & quem solum agnosco *Regum Regem*,
non.

non *Majestate* solùm, & eminenti *Potentia* superiorem, sed peculiari magis cura & sollicitiori custodia illos ambientem, qui cùm sint maximi in Terris *Iustitiæ*, *Legis*, *Religionis* Vindices, tot periculis jacent obnoxii, quot sunt Homines, vel Dæmones qui hæc omnia volunt confundi.

Verum non ita diù patietur Deus in *Babele* sua exaltari, qui hanc Regum ossibus exstruunt, & sanguine cæmentant.

Vltiores mortis meæ (certum habeo) inter se ipsos reperient, & quæ in Me fecerunt multa mala, pœnas olim ab Illis repetentes, qui in nulla alia re fuerunt quàm in his malis concordēs.

Clamor sanguinis mei non ferendus tandem impellet, ut nulla meliùs ratione expiandum credant, quàm eorum vicissim fundendo, qui meum juxta cum illis sitierunt.

Quæ sit tristis omnium confusio interitum meum secutura, nimis certis argumentis præfagio ex his quæ dudum vidi in hoc Statu rerum afflictissimo: in quo Deus (qui solus potuit) sæpè causam meam asseruit, nec impune Illis esse permisit, quorum Confœderatio in scelere maximum hic videbatur præsidium; quibus causa est abunde cur metuant ne sit amplius illos distracturus, & ultione mutuâ perditurus.

Ego *Mortem* spero vincere *Christi* Virtute & Amore, qui *Victoria Resurrectionis* Sux & *Ascensionis* Gloria Vim omnem Mortis absorpsit.

Proxi-

Proximum mihi ingens solatium est, non mihi solum hunc honorem haberi, ut, exemplo Illius Justitiæ causâ patiar (*Tyrannidis* utcunque & *Injustitiæ* fœdis criminibus aspersus) sed & vestigia sequar Charitatis, quæ pulcherrimâ docet ratione & *ulcisci* hostes nostros & *vincere*. Hâc ergo Dei gratiâ instructus & ignoscere illis possum, & precari, ne illis velit ulterius sanguinem meum imputare, quàm hætenùs tantum, ut intelligant quàm valde opus habeant *Christi* sanguine, ut sint puri nostro sic effuso.

Nullam aliam in præsens Hostes mei *Regulam Justitiæ* præter suam *Voluntatē* agnoscunt: hanc Vi mesurant, successu urgent; in hoc enim sibi blandiuntur, *tuto* se fore meo *periculo*, & in mea *morte* suam *vitam*; illud interim non cogitantes, quod quemadmodum maxima ad peccandum tentamenta fœlicitatis quadam apparentia tecta sæpius & involuta porriguntur, ita severam Dei iram maxime perfici, cum facinorosa sua consilia nefarii homines consummaverint.

Deo gratias ago, haud magis enixè Me precari ut hoc à Me violentæ Mortis *acerbum poculum*, quàm ut ab Illis transeat *Iracundia*, quos vel mei desertores sparsit sanguis meus, vel incumbentes aut assentientes Morti *meæ* temeravit.

Circumscripsit *Dei* voluntas, & conclusit *Meam*: Ea mihi in Morte *voluptas*, nullam è *vindicta voluptatem* capere; Hoc *Christia-*

num in Inimicos , *Regem* in Subditos deest

Nil Mihi possunt eripere , quod non libens amittam cum Deo visum fuerit per has manus adimere. Compensabit infinitâ suâ Misericordiâ , quæ nunc humanâ iniquitate æquum putat me privare.

Decus Mortem sequuturum totum illud exsuperat, quo vel potiri hîc poteram , vel cogitare.

Non illas graves ampliùs & invidiosas hujus Mundi *Coronas* desiderabo , cùm Me Deus misericordiâ coronaverit , & in Gloria Gratiâ suas consummaverit , & hanc umbram *Terrestrium* Regnorum illo verè *Cœlesti* permutaverit.

Quod ad Mundi probra , & imputatæ *Tyrannidis* calumnias, ipsa posthac Mei Interemptorum necessaria & acerba sævitia satis omnes per se confutabit.

Horum interim qui optimi & cordatissimi sunt fidem salvam mihi & amorem manere non dubito , quorum multi Me lachrymis & precibus prosequuti sunt , libenter in meam gratiam vel mecum unâ morituri.

Excusabunt hi facile si qui fuerint lapsus humani, & nihilo minus officium suum ut Regi præstabunt , cùm sit nulla tanta à Religione necessitas , quæ sub obtentu puniendi cogat *Subditos* omnia *Principum* crimina superare , quæ etiamsi fuisset , hîc certè locum non habet, ubi tam proluxa in publicum compensatio facta est , quæque ne publice gauderetur *privata* Ambitio eiussit: Cre-

Credo esse nonnullos mansuetioris ingenii, qui è ruina Mea minùs creverunt, qui jam stimulos aliquot asperiores & conscientiae morsus sentiunt, cùm jam facinorum suorum effigiem, & lineamenta quasi expressa in similibus aliquot pœnis agnovere, qui certe vix sperare jam possunt *pollices manuum & pedum* integros sibi diu mansuros, qui (quasi *ungues* tantum præsecturi) mihi Robur maximum amputarunt.

Insolentiores vero & contumaciores potest Deus insolenti quâdam & inusitatâ plaga (velut *Coral* & illius consortes in Principem simul & Sacerdotem murmurantes) opprimere, ut nempe *Terræ* filii (*infima* illa & contemptissima *Populi* pars) os in illos aperiat, & (justissimo Dominationis malè partæ *pejus* gestæ fastidio) hauriat penitus & absorbeat (ille ipse inquam *Populus*) cujus maximè fulcimento subnixa, hæc in *Me* & *Ecclesiam* & *Statum* construxerunt.

Solatium Mihi in Morte præcipuum est illa Pax quam spero cum Deo factam: ad cujus rigidum Tribunal non verebor comparere, & illam causam asserere inter *Me* & *Hofes* meos (nullo merito meo infensos) Gladio tamdiù disputatam, haud dubitans quin illius rectissimo judicio istæ omnes argutiæ refellentur, queis (*Sophistarum* magis quàm *Christianorum* more) à successu argumenta in causam faciunt, quasi sic Deus ostenderit illam sibi approbari, cujus sapiens Providentia multa sæpe
permittit

permittit evenire, quæ à Revelato Dei Verbo (solâ Bonæ Conscientiæ & Actionum clarâ, statâ, tutâ Regula) multum abest ut *comproben-
bentur*.

Atque adeo confido, Causæ meæ Justitiâ & Conscientiæ Rectitudine *Me* tanto *Illis* futurum in Foro Dei superiorem, quanto *Illos* supra *Me* extulit Fortuna in illo Vulgi judicio; qui non cogitat plurima sæpe hominum facinora ad Cælos usque attolli plausu mundi, qui si ex injustitia & scelerato fine censeantur, ex *Inferno* ascendunt: Quin nec Aura illa secunda quæ Piratæ velum implet, statim ipsius latrocinia & rapinas excusat.

Multo interim libentiùs & alacriùs fero *perdidisse* hanc litem (quam coactus admodum suscepi, ad asserendas *Leges* Regni, *Libertatem* & *Honorem* Parlamentarium, *Aura* Coronæ, justas Subditorum *Immunitates*, & veram *Religionem* Christianam in *Doctrina*, *Disciplina*, cæterisque incitamentis & præmiis debitis) quàm si multo Bello potior ad hæc omnia opprimenda *valuisssem*; id quod nonnulli jam palam faciunt, quicquid priùs simulaverant.

Plurimum interim mihi proderit *Patientia* amicorum & *Preces* ad mitigandam hujus *poculi* amaritudinem, quam ut à Dei manu (si sic fieri, necesse sit) libentiùs accipio & haurio, quàm ab illis porrigitur eâ sæva & impia manu contra *Me* toties levatâ.

In his autem extremis, plus *Hostibus* videor, quàm *Amicis* debere: illi finem imponent ærumnosæ

ærumnosæ hujus vitæ peccatis simul & doloribus, hi forsan Me utrisque adhuc volunt conflictari.

Ero *plus quam Victor* corroborante Me Christo propter quem (*Veritatis, Ordinis, Pacis* Authorem) hætenus perpetior. In horum enim maxime gratiam contra *Errores, Factiones, Confusionem* pugnavi.

Mors jam violenta (si subire oporteat) nihil aliud est quàm Mortalitas coronata Martyrio; ubi naturæ *Debitum* ex peccato contractum valebit in *donum* Deo à Patientia & Fide oblatum.

Quod humillimè obtestor ut in Misericordia accipiat, & licet Mors ut à Deo *immissa*, sit peccati mei *stipendium*, ut vero ab hominibus *inflicta* summum aliorum in Deum & Me *Crimen*: quemadmodum tamen spero ita remissa mihi fore peccata mea, ut nihil ex his inamarcescat magis Mortis poculum, ita Deum enixè precor ut illis ignoscat, ad quos *Crimen* Mortis meæ spectat maxime.

Illustriora erunt multò *Charitatis* nostræ in Illos *Trophæa*, quàm Eorum in Me male administratæ *Victoriæ*.

Prospero quantumvis sint peccato usi, poenitentia opus est, ut sit veniæ locus, quam vehementer illis à Deo exposco: né ve Mors mea ab illis *temporaria* illorum *æternâ* vindicetur; ita enim mecum reputo, multo minus deprecari oportere *presentaneum* cujuscunque Regis interitum, quàm vel minimi c *Populo* damnationem *æternam*.

Mihi

Mihi satis ex voto erit , si Me in *fluctus* exposito tutò *Navis* ad portum appellat (mirum licet videatur haud aliàs mitigari à *Nautis* posse quam procellam excitarent nisi *Navigularium* suum in Mare deturbando.)

Deo gratias habeo , nulla hostium immanitas obstabit quo minùs ad illam paratus accedam ! quibus in hoc saltem frustra erit malitia , quod non sint voluptatem habituri *animam* unâ cum *corpore* perimendi : de cuius salute , dum & ipsi videntur & *alii* jubent desperare , satis clarè ostenderunt haud de eâ esse valdè sollicitos.

Quorum sæva custodia , & nulla Charitas *Sacellanorum* subsidia arcentium , aperuit Mihi potius quàm *obstruxit* viam ad Thronum Cœli.

Vbi tu habitas Rex Regum qui imples Cælum & Terras, qui es Fons Vitæ Æternæ, in quo nulla Vmbra Mortis.

Tu Deus justè Mortem nobis infligis , & Misericors Servator ex illa liberas , & in illa conservas.

Præstat nobis ipsis mori & in Te vivere, quàm vivendo Nobis , Te fraudari.

O Illa Mortis Mœ acerbitatem ut Homini & Regis augmentia prosint in Incrementa Gratiarum, & Solatia Animæ ut Christiano.

Si Tu mecum sis futurus Domine , nulla sentiam nulla pertimescam mala, etiamsi ambulem in valle lethalis Vmbre.

Cum

Cum Morte luctari quiuis potest infirmus licet & mortalis, superiorem vero in hac lucta fieri, tuæ Gratiæ opus est qui es Deus Omnipotens & Immortalis.

Tu qui nosti expertus Servator Meus quid sit mori mecum ut Hominem, fac Me vicissim cognoscere, quid sit tecum per Morsem ad Vitam (Deus Meus) transire.

Emoriar licet, scio tamen Te Redemptorem Meum in æternum vivere, etiam Me occidendo addis animum, ut Tibi de Vita Æterna securus credam.

O ne favorem Tuum subtraxeris Vitâ longò potiore.

O ne procul à Me abscesseris, quàm enim propè immineat violenta & sæva mors, ignoro.

Vt Omnipotentia Tua (Deus) palam facit, ita potest Omniscientia evertere improba eorum consilia qui conjuravere perniciem meam, vel conjurabunt.

O per Eorum malum animum bonam Tuam voluntatem patrefacias.

Veniā das Mihi, ut Homini, Orare, ut hoc à Me transeat poculum, sed Christianum docuisti Christi exemplo adijicere, Non Mea sed Tua voluntas fiat.

Etiam (Domine) una fiat & eadem voluntas nostra dum in Tuam Mea convertatur, ne sit ulla in Me tanta vitæ cupiditas, quàm ut faciam & feram Voluntatem Tuam iam in Vita ac Morte.

Quemadmodum credas te mihi omnes vitæ meæ condonasse errores, ita spero etiam & Mortis propulsaturum terrores.

Fac

*Fac ut libens, telinquam hoc Mundi Nihilum,
ut in Te cunctis solidè fruatur, qui mihi Christum
fecisti in vita lucrum, in Morte Incrementum.*

*Sint licet sui in Me & in Te officii Interem-
ptores Mei valde immemores, ne te habeant pro-
pterea Misericordiæ Tuæ in Illos immemorem.*

*Quid enim lucri erit in sanguine meo, vel quid
Regnis commodi, si hi Animâ suâ multentur?*

*Imo (Domine) non ii solum qui Legitimam
Potestatem oppugnarunt, sed qui usurparunt pe-
nitius & in Me obverterunt, licet valde merean-
tur Damnationem, in se non recipiant.*

*Tu Filium Tuum Crucifigentibus Servatorem
eundem præstitisti, uno opere ab Illis violenta, &
pro Illis voluntaria patientem.*

*O Vox Sanguinis Illius pro Interfectöribus
Meis exaudiat, & Clamorem Sanguinis Mei ex
adverso obruat.*

*Fac illos capaces Misericordiæ Tuæ de peccatis
suis prius convincendo, nec deludant & perimant
Animas suas, falsis amplius Iustitiæ in cæ-
dem meam coloribus, quos Potestatis iniquissimè
usurpata conscientia maximè omnium in hos furo-
res extimulat.*

*Tu Domine cognoscis Illorum in Me miseri-
cordias valde mendaces, valde immanes, qui se de
salute mea sollicitos simulantes nil nisi perniciem
struebant.*

*O ne cum illis agas ut Viris Sanguinum &
dolosos, sed vincas eorum sævitiam Tua Miseri-
cordia, Mea Charitate.*

Et cum de Sanguine Meo inquisiveris, ô spär-

*ge Eorum temeratas licet at pœnitentes animas
Filii tui Sanguine , ut Interfector Angelus
prætercat .*

*Quaquam nimis angusta Regna Mea vide-
rentur quæ Me & Illos simul caperent, capax Il-
lud tamen Misericordiæ Tuæ Immensæ Regnum
Ne & Illos simul complectatur.*


*Cum reconciliati Tibi (Domine) ejusdem Re-
demptoris Sanguine , longe supra evademus am-
bitiosa illa desideria , unde fera hæc odia præ-
creantur.*


*Et cùm in Me Manus eorum incubuerint cru-
deli maximè & gravi pondere , O in brachia ca-
dam teneræ Tuæ , & æternæ Misericordiæ.*

*Dimitte (Domine) Famulum Tuum in Pace,
nam viderunt oculi Mei Salvare Tuum.*

*Vota dabunt, quæ bella
negarunt.*

FINIS





EXPLICANTVR

NON NVLLORVM

CAPITVM

pauca quædam
obscuriora.

CAP. I.

QVibus partium studiis Deputatorum Electiones.] *Innuir præcipue illas Deputatorum ab Oppidis & Municipiis, qui cum à paucis admodum crearentur facile erat Nobili cuiquam aut Factioso quem vellet eligendum obtrudere. In his magna Fraus eorum & Ambitus, qui in Regem & Ecclesiam malevoli.*

CAP. II.

Comitis Straffordix] Is erat Thomas Wentworthius Prorex Hibernix, qui Læsæ Majestatis postulatus cum se egregiè defendisset, Lege post latâ condemnatus est, cui Rex (summa vi adhibitâ) invitisissimus tandem assensit.

Legi Damnatoriæ] Illi scilicet recens lætæ quæ illum condemnabat.

N

Voci-

Vociferantium Justitiam.] *Is enim clamor erat furibundæ Plebis [Justitia fiat Justitia] magnus interim agminibus Parlamenti Curiam & Aulam circumstantis, b his præcipue instigatæ, qui timebant ne hæc Lex perferretur.*

Scitum illud posterius.] *quo cavebatur, ne deinceps obtineret hæc in Straffordii causa procedendi ratio, cùm sint aliàs exempla Parlamentaria maximæ apud Anglos Authoritatis.*

C A P. I I I.

Quinque Ordinis Illius Membra.] *Hi erant Joannes Pymmius, Joannes Hamdenus, Denselus Hollisius, Arthurus Haselrigius, & Guilielmus Strodius, quibus, cum Regi deferrentur seditionum capita, postquam denunciasset accusationem, misso ad Domum Inferiorem satellite, spretus illic & repudiatus, perrexit ipse in Domum ut præsens in Iudicium repeteret.*

C A P. I V.

Illæ Episcoporum Declaratio.] *qui cum essent pars Domus Procerum male habiti à Populo & perterriti ut in Domum venire non auderent, protestabantur se pro irritis habituros quæ absentibus Ipsis perlata, unde plurimi in Carcerem conjecti.*

Alba Aula.] *Domus Regia Londini.*

C A P. V.

Legem de Triennali Parlamento.] *Vt cum prius Parlamenta ad arbitrium Regis crebrius non-*

nonnunquam aut variis indicerentur, nuper per plures annos intermissa, jam singulis Trienniis necessario cogerentur.

Vi postea, & professâ hostilitate infectum reddere.] Id enim de Rege spargebant, quasi Exercitum nuper contra Scotos conscriptum Urbis vellet admoveere, ut Parlamento vim faceret.

C A P. VI.

Negativæ Vicis.] Ita enim vocatur illud Regis suffragium quo contradicit liberè cuicunque rogationi, & rata omnia facit, vel irrita.

C A P. VIII.

Cum ab Hulla.] Hulla Oppidum in Angliâ maritimum cujus Arx est munitissima, magnum Regis Hoplyphylacium, cujus præfectus Johannes Hothamius Regem illuc venientem exclusit, atque initium bello dedit, qui deinde inclinatæ fidei suspectus cum majore natu Filio ab ipsis Partis sue hominibus Capite multatus est.

Arcis Londinensis Colle.] Loco supplicii.

C A P. IX.

Supervacua Verborum Parenthesi.] Ita enim in omnibus ad Duces Belli mandatis Regis semper Personam excipiebant, cum à nullo minus abstinerent.

Nonnulli recesserint.] Multi ex utroque Ordine quibus nihil perniciosius, quam si in Regem æquiores crederentur.

Lex illa de Radice & Germine.] Ea enim

verba erant rogatae Legis, ut Hierarchia Ecclesiae in Radice & Germine aboleretur, quod & frequens usurpabant in seditiosis Orationibus & Clamoribus.

Delinquentes.] Ita enim omnes vocabant, qui Regi adhærebant, in defensione Prærogativæ suæ & Legum, quos invisos Populo reddebant ut malos Consiliarios, & Arbitrarii Regiminis Promotores, &c.

CAP. X.

Gloriosum Me Regem effecturos.] Id enim quo Populum facerent, ubique venditabant se Regis commodis studere, & si sibi auscultaret Gloriosissimum effecturos.

Juramentum tueri.] A quolibet Rege Angliæ in Inauguratione sua susceptum.

CAP. XI.

Quam Tyrones sint valdè in Re Politica.] Multi valdè adolescentes, & tenui fortuna & educatione, Municipiorum præsertim Deputati.

Rescripti Verba.] Auctoritatem dantis Eligendi.

CAP. XII.

Rebellionem Hibernicam.] Quæ (turbatis rebus in Anglia sed nondum Bello declarato) erupit.

Præposterum illum rigorem.] Qui nec illis locum veniæ relinquebant, proscriptis fortunis & sub hysta positis; cum nondum Illos in potestatem redegerent.

*Armorum aliquâ Cessatione.] Nempe ut
Anni unius induciæ fierent, quod factum est ex
Sententia eorum qui Regi erant à Consiliis in
Hibernia, id vehementer flagitantibus Primariis
Bellis Ducibus.*

CAP. XIII.

*Lex illa Pacificationis.] Quâ nuper omnes
controversiæ inter Regem & Scotos, qui non ita
pridem Arma moverant, compositiæ viâbantur
& diremptæ.*

*Regimen à Iesu Christo institutum.] Id
enim passim Illi crepabant quasi suum illud esse
peculiare.*

CAP. XIV.

*De Fœdere.] Crescente Regis Fortuna cum
jam pars adversa inclinaret, evocatis in auxilium
Scotis in Fœdus seu Ligam una juravere.*

*Cujus Capita erant præcipua, se Religionem
Reformatam in Scotia in Doctrina, Disciplina,
Cultu & Regimine conservaturos, contra, Reli-
gionem in Anglia (velut omnium corruptissi-
mam) in his quatuor præfatis, reformaturos,
Regimen verò Ecclesiasticum per Episcopos
(quod una cum Superstitione, Hæresi, Schisma-
te, Impietate copulant) penitus extirpaturos:
Parlamentorum Privilegia & Regnorum Li-
bertates illimitatè defensuros, Regiam autem
Personam & Authoritatem cum Limitatione, in
Veræ Religionis Libertatumque Regnorum con-
servatione (quâ clausulâ, quandocunque libere*

rit debitam Regi obedientiam subtrahere, quod prætexant decesse non potest) denique Omnes Malignantes & Incendiarios (quo nomine Omnes Regi adherentes vel in hoc Fædus non consensuros incluserant) se detegere conaturos & ad cognitionem Publicam & pœnas trahere.

Extat Liber singularis, Judicium Universitatis Oxoniensis de Solenni Liga & Fædere, in quo singuli Illius Articuli accuratissimè examinantur & refelluntur.

C A P. X V.

Dei Causa. Bono Fini.] Verba multum ab illis usurpata præsertim à Concionatoribus è Suggestis in Regem intonantibus.

Forisque laceratus.] Quando fuit in Hispania, à Iesuitis & ipso Pontifice.

Religionum farrago.] In qua trecentas nonnulli Sectas numerant.

Papistarum auxilia.] Quorum alii ex Officio Illi militârunt, multi cum aliâ salvi esse non poterant, in Regis Castra compulsi.

Pravos Consiliarios.] Hos enim in omni Declaratione vehementer exagitabant, vel potius sub hoc Nomine Regem ipsum.

C A P. X V I.

Ludibria in Libro utentes.] Eo enim audaciæ ventum erat, ut Ministros in Ecclesiis legentes deturbarent è Sede, & Librum inibi lacerarent; & multa alia Fæda & impia.

Æque verba ac sensum?] Ita enim Directo-
rium

rium quod Liturgiæ vice substituebatur Argumentum præscripsit & Materiam Orationum, cæterarumque Sacrarum Celebrationum, permissa Verborum Libertate.

Pars maxima subsignarent.] Cum alia Lege in Anglia initiari Sacris Ordinibus non possint.

Quod pro Me toties Orare instituit.] Ter enim vel quater in Matutino Officio pro Rege oratur.

CAP. XVII.

Christi Gubernationis, Sceptri.] Quibus Libri eorum & Conciones abundant.

CAP. XVIII.

Tractatu Uxbrigensi.] Uxbrigia Oppidum in Anglia inter Oxonium (in qua Rextum agebat) & Londinum media, in qua tertio jam Belli Anno missis utrinque Delegatis agebatur de Pace, sed cum nihil æqui impetrari potuisset, frustra.

CAP. XX.

Conventus Theologorum Insolito more.] Quia mos solitus & legitimus erat, ut Mandato Regis præeunte, certi Theologi à Clero in suis seorsim Provinciis deputarentur in Synodum, quæ sua Iura & Privilegia habebat, cum jam pauci essent duntaxat in Concilium vocati quos Uterque Confessus nominaverat.

CAP. XXI.

Literas meas interceptas.] A prælio illo
infi-

infelicissimo Nasbejensi cum cætera Regia suspellectile, & mox odiose divulgatas.

CAP. XXII.

Diffimulato habitu.] Nempe Ecclesiastico, quo duobus vel tribus comitatus ad Scotorum Castra confugit.

CAP. XXV.

Beneficio Cleri sui.] Alludit ad id quod in Anglia appellatur Beneficium Cleri, nempe Gratia quædam in nonnullis Capitalibus Iudiciis indulta, quâ convictus maleficii, si partem aliquam Sacræ Paginæ ut Clericus, id est, Latine legerit, à Capitali Sententia liberatur.

CAP. XXVI.

Hac Mei raptione.] Rex in Holmbeja Custoditus, dum ageretur in Domo Utraque de remittendo Exercitu, nocte quadam à Cohorte Armata interceptus est, & ad Exercitum perductus, unde Magnæ Mutationes inscute.

Correcta ERRATA.

Errat Pag. 28. lin. 9. *perfecta* leg. *perspecta*.

Pag. 160 lin. 30. *dele* ut.

P. 243. lin. 10. antiquorum leg. aliquorum.



